


SOOKOHA NI SOOWAAKHULA

 ...sinci-ene kiwenryaaka ophwanya, masi kihaana...
Kooruaha eyiiwananelo aka. Khino kihaana omunnya ela
Leo va, wala mutthu okilaanthe vakhiviru wira akikhaliherye
mwatthuna vale, naphiyeryaru yeeyo.

² Vano, vakhala wira muhan'ola ori vale, yaakhanle-ene...
vakhala wira owo...Ori vayi...Taani okhanle iy'awe? Ayo.
Ahe, mwatthuna vale wira amwaar'inyu arwe akilaathi ni
nyuwo, po—pooti wira, khiyaavo etthu enihimmwa varyari
va axinna alopwana yahaakhanle ohimeeriwaka munna
muthiyana, nave. Hiyo paahi...moosuwela. Eyo eri—eyo
eri saana? Vano, muri ootaphuwa wira mwaaruhe. Ono—
onooviheriwa vale, Doc? Ahe, ti yooreera, masi oniisoona
meekhaawe vakhani.

³ Ni khiyaavo etthu—etthu mu...imaara sikina etthu
kimuhimenryaaka “mulopwana,” okhala wira sookhala imaara
sikina alopwana akhanlyaaya okohanaka etthu alopwanaru
yahaakhanle waakhuliwaka nipuro vari athiyana. Masi mwa
sookoha iya khiyaavo etthu yahaakhanle waakhuliwaka
mukereja ya vaavo, okhala wira sinci-ene saya siniwaasa
arumeyi, ni sikina, ni ole okhanle wawaya—orummwa waya
ni ele arinaaya wira.

⁴ Vano, kookupali wira ela enookaravariwa. Vakhala wira...
nkikupanli. Munna Goad, eri vayi yeeyo, eyo enookaravariwa?
Vaareera. Etthu eniirelaahu yeela, axinna, eri wira nisuwele
ele ekhanle yuulupalexa, ele ekhanle e—epantte, e...ele eri
mmuupuweloni mwa mutthu, ele—iye sikhante itthu sahu.

⁵ Hiyo—hiyo othene nihaana olavula etthu emosaru. Vano,
mwa nlikanyiho, mutthu mmosa aahivolowa, khwira, khino awo
aroorowa okereja wa munna va, (nsina nanyu nopacerya ti nvi,
munna? Willard. Munna... Vano, aakhala axinna aili Willard va,
kihaana orumeela nsina nikina. Miyo...Nsina nanyu nookiserya
ti pani, vano? Crase) ekereja ya Munna Crase, ni Munna Crase
onihimya etthu. Vano awo anikhuma oSellersburg iwe orowa
okereja wa Munna Ruddell, ya Munna Ruddell yaamukhala
yoohiyana ni ekina. Awo anoorowa ele ya Munna Junie, yaarowa
okhala, yoohiyana. Anoorwa otapernakulu, nlelo yaamukhala
yoohiyana. Munnona? Eyo ennaatepanya atthu.

⁶ Vano, ntoko mutthu oniira, “Oh, miyo nkinaamini wira
nyuwo...vekeekhai muhaana waakhela Erooho Yoowaarya.
Nkinoona wira ennitthunaneya.” Niire, ntoko nlikanyiho,
Munna Crase aamuhimya yeeyo. Vano nto munoorwa ele
ya—ya Munna Ruddell, vano owo khunaira, “Ayo, eyo ti
yoothuneyaxa.” Nto numala munrowa ele ya Junie, oniira,

“Ahe, khivanvirikana vanci-ene.” Munnona? Vaakhanle wira naamuwerya okhala vamosa hata...Kaaniithuna naathukumanye arumeyi othene a oJeffersonville (mmulokoni mu) naawerya othukumana wira nihimyeke etthu emosaru.

⁷ Nto tivo, imaara sinci-ene, matiyaakono ni maatiministratoore, awo ahaana osuwela ole okhanle muteko aya. Ni miyo kinnoona wira nookhalana namasuka musurukhu a mukereja ni namurumeela va ohiy'ula, tivo ninrowa osuwela ole okhanle muteko aya. Masi sinci-ene sa seiya (va) ti sookoha saarowa ohimmwa nipuro pi nipuro ni saamuweryaneya waakhuliwa nipuro pi nipuro. Ti sookoha sookhweya, ni ntoko miteko sa maatiministatoore, miteko sa...Vano, vakhala wira miteko paahi, kinoona wira iyo nookhalana vakwaaturu va ihapari va naanaano, sa miteko sa maatiministatoore ni ele entthuneya wira yireke. Masi kihupuwela wira khino...

⁸ Vano mmosa khurwa vale, nto kinoona wira ti yooreera, kinimwaakhula nuuvira okathi vakhani, Apwiya yanitthuniherya ophiyerya yeeyo, ti:

Ekhanle-ene ethowelo, exeeni yaatthuneya tiyaakono wira? Exeeni owo... Tuuvi okhanle muteko awe ethowelo yakhumelela? Exeeni orinaawe wira? Munnona? Ahiiso exeeni entthuneya atiministatoore wira, exeeni entthuneya pastore wira, etthu siiso, yakhumelela ethowelo? Hiyo noosuwela mulimalelo wa khula nihiku, masi ankhi etthu yakhumelela ehikhanle ya mulimalelo, moone, vano exeeni entthuneya awo wira?

⁹ Ni hiyo noosuwela moota itthu sothene sirinaaya okhala, eri ntoko wiiniha nikuruta nikhuru na anakhotto, ni hiyo khula mmosa onnisuwela opuro awe. Vano, ni nikhuru ntoko nla, naamuwerya okhala vaava mpakha ohiyu eriyari hiyo noosuwela eyo, masi ti...nkinoona wira vannitthuneya. Hiyo nmimwaakhula. Vano kintthuna khula mmosa...

¹⁰ Vano, khalempwe-vo hata masina, sikina soolempwa masina, masi miyo—miyo nkaarowa oromola masina a atthu ene. Okhala wira paahi—khula ekhanle yookoha, kinsoma yookoha ene paahi. Sookhala ntoko piili mwwe silempwe masina. Ni, mulipelele, siiso kiphwannye-ene ekina. Koosuwela, ela ti ya Totori Ingleman, kaarowa ovira kamuxekurye o—osaala ya okuusini, ya 4—426 esaala ya okuusini. Owo totori a wu naaryaahu-wo olelo, oGeorgetown wu, khuvonihiwa, ahiiso aaitthikenlyaawe nuumala okhala oohiisuwela okathi munciene, ni—ni sikina. Vano, kinoona wira ti sothene, vano ninrowa okelela sookoha sahu soopacerya iye kisomalyaaka toko.

Vano nrowe nivenye minuutu mmosa paahi, xontte.

¹¹ Tith'ihu a Wirimu, hiyo noothukumana va ntoko nikhuru na atthu, atthu aKristu anoophentani, aniwaaminini Nyuwo, ni nivaherenrye ekumi ahu ni muteko ahu wa muteko Anyu.

Aakhala arumeyi va, alopwana amiravo, alopwana a eyinnuwelo y'eriya, awo aakhalana ikereja, awo t'othokorerya ohoole wa Muluku. Aakhala matiyaakono va akhanle othokorerya mmitekoni mwaya mwa ikereja iya soohiyana-hiyana. Aakhala maatiministratoore, othokorerya waya. Mapastore, anamalaleya, khula eryaaya, Pwiya, hiyo na oowaakhula wa Nyuwo. Ni mwaha wa yeeyo ninthukumanaahu, wira othene niwerye olavula etthu emosaru ntoko sihimeeriwaahu wira nihaana wira mwa Yoolempwa. Nihaana othene olavula etthu emosaru.

¹² Nto Tithi, hiyo nookupali, wira mwa muthinto ola wa nikhuru, naamuwerya khino waaphwanyana khino amosa-amosa w'axinn'ihu wala akina wa hiyo naarowa okhalana ivirikanelo sikhaani mwa itthu, ni akina aya anookoha paahi wira asuwele ele ekhanle Ekeekhai ya yeeyo. Ni hiyo noosuwela wira hiyo n'ohimalela, khula mmosa a hiyo. Kaanvekenle khula mmosa wa axinna ala akina orwa va wira aakhule sookoha iya, khino awo yaamukhala oophiyeryaxa wala okivikana saarowaaka okhala miyo wira kaakhule. Masi vamosa hiyo ninlipa ni muupululo Anyu, wira Nyuwo mwiisuupululele hiyo mwa Masu ni mwa . . . ni Erooho Anyu, wira eyo . . . wira niwerye okhalana waakhula wa khula yookoha. Wira mirima sahu . . . hiyo niwerye osarihiwa ni soowaakhula ni wira niwerye orowa noonaka wira noowarihiwa ikaruma vooreera wa muteko Anyu ni orumeela muteko ahu ovikana—ovikana siryaahu vano. Eyo ti etthunelo ahu y'okhala va, Tithi. Munivahe vano.

¹³ Ni mwaakhule sookoha sahu, Tithi, noolipelelakani Nyuwo. Muhitthuniherye okhala hata etapaneyo mmuupuweloni mwaha, masi nikhale ni yookoha eyo mpakha yaakhuleni voomalela ni nikhale oosivelihiwa ni Erooho, niwananaka vamosa mwaha wa Mukhalelo Awe. Hiyo ninvekela mwa Nsina na Yesu. Amen.

¹⁴ Miyo kintthuna kihimye Yoolempwa emosa paahi, opacerya wene. Ntoko Yesaya sihimalyaawe, profeta sihimalyaawe:

Haya *rwaakani . . . nrowe nitthokelele vamosa, anihimya t'APWIYA: . . .*

¹⁵ Ni kinoona wira mwaha wa yeeyo hiyo nryaahu va ohiy'ula, eri wira niphavele otthokelela, wira nitthokelele itthu. Nto vano kinrowa opacerya . . . ni kihaana itthu kamosa-kamosa silempwe va vootthariha mammeru ni siiso, kinvekenlyaaka yeela, Munna Wood aarinaawe; kookhalana evilope ela ni soowaakhula mwemmo. Nto vano kintthuna wira khula mmosa a nyuwo, axinn'aka oophentiwa, musuwele wira—wira soowaakhula iya si—sinvahiwa vooreeraxa kinsuwelaaka, vooreeraxa kaakhanlyaaka osuwelaka.

¹⁶ Ni soowaakhula iya khasihiyo soohivonya, moone, okhala wira Soolempwa ti soohivonya, ni mpakha vansuwelaaka

ti soolikana ni Soolempwa. Kinwehererya wira enookhaliha yoowiiweya oratteene. Ni efiita ehaana osukiwa vano ni khula ontthuna, ahe, onoowerya ophwanya. Masi vano, koosuwela wira Soolempwa ti soohivonya masi soowaakhula saka khasihiyo soohivonya. Vano miyo kookupali wira atthu othene anniwa saana yeeyo. Ni yaahikhale—yaahikhale yoohivonya, vano mookhalana ehaakhi khino yo okikoha okathi p'ukathi.

¹⁷ Yakhala yookoha ya mutthu mukina, kherina okhalaka yookoha anyu, masi yakhala yookoha ya mutthu mukina, khino nyuwo muhinatoko anyu wuupuwela, masi eyo etthu hiyo ekhalenlyaahu va wira nikhaliherye. Hiyo nri va wira—wira nithukumane okhala wira niri mahiku ookiserya, ni mahiku t'otakhala, ni—ni ninthuna nikhale ooxuttihiwa, oosomihiwa.

¹⁸ Munna Stricker, surtaatu; Munna Goad ottuli iwe, surtaatu; ni khino Munna Ruddell va, owo aari surtaatu; Munna Beeler; ni oohiyana-hiyana atonko okhala mmakhaleloni a onatoropa; munni—munnikoha miruku, munni—munnisuwela ekhotto muhinatthi ophiya iwe, ni miirelo sothene mukhanlyaanyu osuwelaka sa nwanani, wira nwerye omutuphela vapuwani vawe.

¹⁹ Okathi waawanakaaka ebox, awo yaanithokosa sa nwanani aka, ele aarowaawe okhala, emanelo xeeni aarumeelaawe, khama yaari emanelo y'osulu wala emanelo ya moonoo woolopwana wala omana ni ntata noothiyana, ni khama aari a ntata noolopwana wala nnyootho, otupa xeeni aaryaawe, ni khama aanivirikanyiha inawu, ni moota aarumeelaawe maitho awe, ni nlootho xeeni aakhumaawe-wo, ni iyiirelo sothene soohiyana-hiyana naaweryaahu osuwela. Ni yaamuthokosa etthu. . . a—alipa-ooxuttiha yaahimoona mutthu ula owanaka. Vano nto awo yaamuhela mutthu mmosa mme ni miyo wira akixuttihe oratteene ntoko mutthu ule saawanaawe, wira—wira kisuwele etthu owo aarowaawe wira.

²⁰ Nto ti yeeyo ekhalenlyaahu va ohiy'ula. Noosuwela emanelo ya nwanani. Hiyo noosuwela iye sikhanelo iyiirelo sawe. Ni hiyo nri va ohiy'ula ni Yoolempwa wira nimukhuneele voomalela wira ahiweryeke wiittikinya, okhala wira nwanani ori khula nipuro.

²¹ Munna Roberson, miyo kaamuupuwela vamoonyalyaaka, ottuli iwe, vekeekhai owo ohaana osuwela ele okhanle surtaatu. Owo vekeekhai aahikhalana okathi wa yeeyo! Masurtaatu akavi ari mu, nrowe noone, atonko okhala masurtaatu mmuttitthini mwa anatoropa? Nkawehani va paahi, moone, nikhuru na nyuwo masurtaatu. Vaareera, vano, moosuwela exeeni iyo. Ni ti yeeyo ensomaanyu, kahi siiso, Munna Roy, Munna Beeler, ni nyuwo atokweene ni siiso? Ti, omusoma nwanani, “Owo onrowa wira exeeni? Weetta wawe exeeni?” vano nto osuwela moota w'okumana ni yoowo.

22 Ni ti yeeyo ekhalenlyaahu va, osoma miyeettelo sa nwanani ni—ni osuwela moota wo okumana ni yoowo, etthu enrowa omuxintta.

23 Ni muupuwele, mukihiye kihimye ela, axinna, ekereja yaamukhaani epacenrye va muliinyani mwa soovaha, moone, soovaha sinkela mukereja. Masi sinakhaleru soovaha wala nnari, yahaakhanle-ru yoovaha, kinimooleelani, yoovaha khenimuxintta nwanani okathi wothene, masi Masu anoomuxintta. Masu anoomutuphela owo khula nipuro.

24 Ni Yesu, okathi Owo aaryaawe elapo ya vathi, aahooniherya eyo. Awawe. . . Owo aari Muluku oowii sooniherya mw'erutthuni. Masi Owo khonarumeeleke hata emosa wa soovaha Sawe sooreera wira amuxintte nwanani. Hiyo ninniphwanya mwa Matewu e. . . Kookupali wira ekapiitulu 2 wala 3 ya Matewu, Owo ohimmye wira. . . Nnari, ekapitulu 2 ya Matewu, okathi Owo okumannaawe ni nwanani, Owo aakumanne ni owo vapuwani va Masu, "Yoolempwa."

Ni nwanani khwaakhula, "Yoolempwa."

25 Ni Owo khwira, "Yoolempwa-tho," siiso, mpakha Owo omuxintta nwanani. Ni ti yeeyo ekhalenlyaahu va, ti wira nikumane ni nwanani ni ikaruma Muluku onivahalyaawe wira—wira nikumanane-no.

26 Vano miyo kihaana sookoha soophiyaka xexe va siri va. . . siri va—siri vapapheloni emosa, ni miyo kihaalakela: emosa, piili, tthaaru, xexe, thanu, thanu na mosa. . . thanu na tthaaru, muloko, ni siiso. Ni kimalihakaru ila, vano kinootuphela iye vale. Enihimya wira:

107. Munna Branham, vakhala wira sookoha iya siri ota wa eliinya weeso muhiyeke, ni nkinrowa woona owereya mwaha wa yeeyo maana kinoosuwela wira khinaari ntata n'Apwiya. Yookoha yoopacerya: Munna Branham, miyo koowiiwani. . . wira kaahaana—kaahaana otthikela e. . . Ko—ko—koowiiwani ohimya wira kaahaana otthikela mmutekoni, ni miyo kihuupuwelela yeeyo, masi kinnilipelelaka waakhela nuulumo n'eekekhai ninkhuma wa Yaawo mwaha wa yeeyo. Mpakha va khinnatthi orwa. Vano, kisuwelaka wira emalelo eri vakhiviruxa, nlelo kaahaana waalipelela Apwiya Yesu wira—wira akileele? Wala, Awo yaamwamputi wooleelani nyuwo wira mukileele, woonaka wira koosuwela wira nyuwo mwa namuhupi Aya a nihiku nla?

27 Ahe, vano, munna, miyo. . . Kookhalana elempwe va yoowaakhula aka. Muluku omwiihanaka munn'ola, wiihana mmakhaleloni, vano, yookhala etthu emosa yuulupale naakhanlyaahu okuxaka yeeyo ntoko yoosoma ni olaleya ohiyu wothene mwaha wa yeeyo, moone, etthu yeeyo emosa, "wiihaniwa." "Mulipiheryeke wiihaniwa ni othanliwa wanyu,"

moone. Hiyo khanintthuna okhala naanyiheryaka khama nihiihaniwa. Muhaana wiihaniwa ahiiso munooxinttiwa, hiyo ninwana ekhotto. Munnona? Nto nyuwo mwakhalaru ookupali saana, munna, wira wiihaniwa wanyu ti wa Muluku, ni wira muhiihaniwa ni Muluku wira nvare muteko. . .

²⁸ Vano, yookhala ethepyelo yuulupale vo nwanani okhanlyaaawe woopakelakani. Owo onoowerya owuupuwelihani wira khamwiihaniwe nave mwiihaniwe-ene, nave enamuna ekina owuupuwelihani wira khamwiihaniwe; ahiiso owuupuwelihani wira muhi—muhiihaniwa nave muhiihaniwe; nno ni nno, inamuna soopili. Ni muhaana oweha saana.

²⁹ Vano, ela ti enamuna yo wira. Mphavele toko. . . Ahe, vano, iya miruku, etthu emosa paahi kikhanlyaaaka wiiraka mwa yeela ovaha miruku. Munnona? Masi mulipiherye wira wiihaniwa wanyu onkhuma wa Muluku, vano nto nwehe saana mawoko anyu ni sootthuna sanyu. Munnona? Vano, nyuwo moosuwela entthunaaka ohimya ni yeeyo. Exeeni nikhanle niwoko nanyu wira mulaleye? Mwaha paahi wa. . . Munuupuwela wira muteko wookhweyaxa ovikana ole murinaanyu? Vano vanreerela muliyale, iwo khiwaari wiihaniwa.

³⁰ Wiihana wa Muluku onniviha mmurimani mwanyu muhinweryaanyu omumula othana n'uhiyu mwaha wa yeeyo. Khimunwerya ohuluwa, onookhalihani oohivilela mwa nyuwo.

³¹ Ni—ni vakhala wira mwaahaana olaleya. . . Nyuwo mwaamwiira, ahe, vano, etthunelo ekina, “Kookupali, wira muteko kirinaaka, vaakhanle wira kaaniwerya okhala namalaleya ehapari ookelela ohoolo wala pastore, okhalana elivelo yooreera yoolipa, okhalana empa kaakhanlyaaaka ovolowaka ni siiso, ni okhala, vano miyo—miyo kookupali wira yaamukhala etthu yooreera, vookhweyaxa ovikana ele eniiraaka vano. Ni vekeekhai kinoona wira yaamukhala. . .” Vano, moone, etthunelo anyu ti yovonyeya opacerya wene. Moone, eyo khehiyo yooloka. Munnona? Nyuwo—nyuwo moovonya vo mwa yeeyo.

³² Nave-tho mwaamwiira, “Ahe, khino okhala wira miyo ka. . . kinoona wira khino kaamukhala oosuweliwa saana eriyari y'atthu.” Moone, munoophwanya wira moolikana wira mphwanye wooceela wuulupale. Vekeekhai, moone!

³³ Masi, vano, vakhala wira etthunelo anyu ti yeeyo “Nkincala khama kihaana okhuura ipulaxa sa maakha n'uwurya maasi a mmurathhini, kinoolaleya Ehapari yooreera khula enamuna.” Etthu enoohaaxani paahi, “Miyo kinoolaleya Ehapari yooreera ahiiso okhwa!” Munnona? Vano nyuwo—nyuwo munoorowa nipuro nlo, okhala wira ti Muluku onivara muteko ni nyuwo. Muluku onimwiisuweliha Mmansawe wa nyuwo, okhala wira ti Muluku ohinrowa woohiyani omumula. Ni, voolimaleleya, mutthu oniihaniwa ni Muluku khonthunaka wira. Mootoko wuupuwelela yeeyo? Khula mutthu. . .

34 Naanaano axinna kamosa-kamosa oophenteya yaahikikoha, yiirale, “Vano nikenlyaahu Mphironi, Munna Branham, vano naaphwannyahu Apwiya ni naakhenlyaahu Erooho Yoowaarya, nihaana ophavela soovaha wira nivareke muteko ahu.”

35 Miyo khwira, “Muhiire.” Munnona? Muhikhalakhale mwaaleelaka atthu wira etthu siiso, okhala wira imaara sinciene mutthu ontthuna wira yeeyo ti mutthu ohi—ohinwerya wira.

36 Ti mutthu omphavela otthyawa yoowo Muluku onimurumeelaawe. Munnona? Owo aaphavelaka wiituluxa yeeyo, “Oh, munna, miyo kinimooleelani, miyo . . . wiihaniwa ori mwa miyo masi miyo . . . Whish! Nnari, nkinthuna wehererya eyo.” Ahe, eyo vo, moone. Iwo—iwo ti ophavela otthyawa.

37 Owo—owo aatthunaxaka-ru wira, vahilekenle munoosuwela wira owo oophiyera okhala “oowiikuxererya.” Ntoko nyuwo mwaaira, “Muluku, nyuwo mookivaha owerya wo othamiha miyaako, kinimooleelani, miyo kinoowiirelani etthu Nyuwo mwakihya-ru othamiha miyaako.” Nnari, owo khoniira, owo hata khonwerya wiittikinya mmansawe mwa mweetelo wooloka, moone, tivo owo khaarowa nnakhala othamiha miyaako wa Muluku.

38 Mmukuxe paahi, Paulo, ntoko nlikanyiho. Munuupuwela wira Paulo aakhanle wiituluxaka wiihaniwa wawe? Oh, munna! Owo khaakhanle wiiraka. Yaamukhaliha oohivilela othana ni ohiyu mpakha owo ohiya ekereja awe, owo aahihiya itthu sothene khu—khurowa . . . kookupali wira waari wAsiya, kahi siiso? Ni aahikhala miyaakha miraru weiwo, asomaka Soolempwa, wira osuwele vakhala wira Eyo yaari yoolikana wala nnari, moone, wira osuwele khama Muluku vekeekhai aahimwiihana.

39 Tivo vakhala wira Muluku onoowiitthanani, munna, ni khunakhala yoohaaxakani mmurimani mwanyu, nto miyo kaamwiira “Nihiye miritti sothene, ni etampi enoorukureryani vookhweya-vo.” Munnona? Vakhala . . . Masi vakhala wira khenoohaaxani, vano nto miyo—miyo—miyo nkaarowa wupuwelaxa yeeyo nto. Muhiye paahi eyo ekhale voopuroni vaya.

Vano, owo khwira, munn’ola oohimya mu:

Munna Branham, kaahaana . . . Munuupuwela wira Muluku aamulavula . . .(wira miyo kimuleele.)

40 Kookupali wira Muluku aamulavula ni yoowo ene. Okhala wira, moosuwela, Muluku . . . Hiyo khanihiyo aalupalexa Owo ohikhanlyaawe olavulaka ni hiyo. Nto Owo—Owo—Owo onoolavula ni hiyo, vaareera. Moone, Owo paahi . . . Owo onoolavula ni hiyo.

41 Ni mukhiye kooleleni, vakhala wira Owo ookileela, ni munna aamuwerya wira, “Ahe, Owo aahimuleela Munna Branham siiso, attottopeliwe Muluku!”

42 Masi, moone, kahi Munna Branham onoovahani wihaniwa, ti Pwiya Yesu onoovahani wihaniwa. Munnona? Nto vakhala wira ti Pwiya Yesu onoovahani wihaniwa, ti Yoowo onrowa olavula. Munnona? Kaamuwerya woolavulelani owaruni wanyu, masi Kristu awiihanelani-ru mmutekoni owo ori mmurimani mwanyu. Munnona? Vo ti nipuro etthu varinaaya olipa ni nankura ni khimunwerya wihuluxa eyo.

Vano, kookupali wira yookoha ya neenli . . .

43 Vano yaakhanle-ene yookoha ya yeeyo, khula yookoha wa yeeyo, moone, tivo wihaniwa wa mutthu ohaana okhala mmurimani mwawe, okhuma wa Muluku. Ni—ni munna mukina . . . Oh, miyo koosuwela taani olempe ela. Moone, miyo koosuwela taani olempe, munna mmosa ooreeraxa, oophenteya, ooreera murima vekeekhai kinaamini aka wira ookhalana wiitthaniwa wa Muluku. Masi miyo paahi . . . Miyo nkaatthuna wira owo aire attharihelaka nuulumo naka (mwaha wa yeeyo kaakhunlyaaka siiso), moone, attharihelaka ele miyo enihimyaaka wira; “Ahe, ayo, Munna *Lexe ni lexe* ohaana okela mmutekoni.” Munnona?

44 Vano nyuwo mwaamwiira, “Munna Branham orookileela wira kaahaana wira yeeyo.” Moone, ni khino ankhi etthu yaamukhumelenle Munna Branham, kaaiviwe, wala okhwa, wala—wala okhuma? Vano, moone, wihaniwa wanyu waammala nto. Masi Yesu awiihanani vale, munna, vaakhalakaru wira yookhala Ehimalelo eyo nlelo enootherikela erumaka. Munnona? Vano nto munoosuwela veemenly’anyu.

Vano ya neenli . . .

45 Ahiiso etthu ntoko ela, “Nisuwelaka wira niri nihiku nookiserya.” Vekeekhai kinnixukhurela yeeyo wa munna. Vekeekhai kinnixukhurela yeeyo ya munna owo osuwela wira niri nihiku nookiserya, ni exariya ya murim’awe, atthunaka omwiirela etthu Kristu.

Yootharelana ti:

108. Vano, Apwiya ahu ooreeraxa yaakitthunihenrye owiirela etthu yaamukhaani Yaawo, kaahaana otthikela mmalokoni mw’atthu weiwo kitonko aka orumeela voothanla mu . . . mwa evonyeryo (yeeyo enikooniha othunku) . . . owo orina eyo muparentesini . . . ni ophavela waaleela Ekeekhai? Awo annikhalaxaka—awo annikhalaxaka vamurimani vaka.

46 Nnari, munna, miyo nkinoona wira vannitthuneya nyuwo otthikela nloko nenlo. Ni kookupali, munna oophentiwa, Apwiya yawiihanani Awo khanrowa wootthuniheryani orowa nloko nenlo mwaaryaanyu-wo, ni khino muhiixuttiha itthu

wala mwaahikhalana itthu sahaari . . . tthiri olole munooaanyu voovirikana, moone, khino munooaanyu voovirikana n'ile moonanyu okathi ule. Vano, ni Apwiya, okathi Awo awiihanneyani, Awo khino . . . Awo yakhalaha yeekeekhai wa nyuwo, Awo pooti woorumani nipuro pi nipuro. Munnona? Nyuwo khimwaarina oorowaka hata nloko nimosa wala etthu.

⁴⁷ Okathi waary'anyu weiwo mwaari a xariya. Miyo kinnimusuwela munn'owo, ntoko sinihimyaaka, yoowo olempe sookoha iya. Ni exariya yoowiixeryaxa, ni muKristu eekeekhai ooloka, muhiira yooreeraxa mwaaweryaanyu wira nave ni sothene mwaasuwelaanyu moota wo wira, ni ti yeeyo tu Muluku onthunaawe. Munnona? Vano, vaakhanle wira Muluku aahaana owiitthanelani otthikela nloko nenlo, weeso mutthike voowaakuva. Masi Owo aahiire, miyo—miyo kookupali wira kaamurowa nipuro pi nipuro Owo aarowaawe okiruma. Yookhala yookoha?

Ya neeraru:

109. Munsuwela sayi nipuro nanyu n'ekeekhai mw'Erutthuni mwa Kristu?

⁴⁸ Eyo ti yooreera, yooreera saana, “Sayi . . .” Eyo yaamukhala yookoha ya anci-ene eriyari ahu va ohiy'ula, “Munsuwela sayi oratteene?” Vano, miyo kinaanyiherya wira munn'ola onthuna osuwela “Nipuro xeeni, *nipuro* mwa Kristu, nipuro xeeni na Kristu miyo kinvaraaka?”

⁴⁹ Vano, mwa nlikanyiho, kaarowa ohimya sa, munna, wira koovaheni yoowaakhula yoolikana kinsuwelaaka. Nipuro nanyu ti . . . mwa Kristu munuupululeliwa ni Erooho Yoowaarya. Vano nto mwaatthunaka osuwela khama Erooho Yoowaarya wala nnari, mphavelele osuwela khama Eyo ennireeriha etthu eniiraanyu, wala nnari. Vano Eyo yaareerihaka, nto ti Yeeyo. Eyo yaahireeriheke . . .

⁵⁰ Ntoko mutthu mmosa aakihimenryaawe woohikhala khalayi, khwira, “Apwiya aakiihana wira kilaleye.”

Miyo khwira, “Ahe, vano laleyakani.” Munnona? Nto siiso owo—owo . . .

⁵¹ Vekeekhai kinoona wira ti siiso . . . Satana, owo awerya-ru paahi omwiiriha mutthu wira—wira siiso wira nto omootothe, ti yeeyo paahi owo onthunaawe wira. Vano olumwenku wothene onthoonya yeeyo ni ekatha. Mutthu onuupuwela wira ookhalana yoovaha y'olavula ilavulelo ni otaphulela; akina arina yoovaha ya ovoniha wa Muluku; akina arina itthu iya ntoko . . . Imaara sikina awo t'ovonya mwa itthu seiyo, moone. Ni imaara sikina anuupuwela wira kharina nave arina-ene. Tivo ti yoothepya saana.

⁵² Vano kweekwe mwiireke sa, axinna, moonakaru wira muhaana wira etthu emosa, yoopacerya mphaveleke osuwela

vakhala wira ti Yoolempwa wira mwiire (vakhala wira eri mwa Soolempwa). Kahi olemppwa nipuro nimoso paahi, masi kinihimya Yoolempwa voomalela ni Bibilia wira nyuwo mwiire, voopuroni vanyu, nrowe niire wira nyuwo mwa namalaleya ehapari, pastore, mwiixuttihi, profeta, etthu p'itthu Muluku owiihanenlyaaaweni wira mukhale. Munnona? Wala mwakhalana yoovaha ya ilavulelo, yoovaha y'otaphulela, yoovaha ya khula—khula enamuna ya soovaha thanu na xexe sa erooho mukereja, ni miteko mixexe sa erooho sa ekereja, khula nipuro, moone toko vakhala wira Muluku oowiihanani.

⁵³ Vano, voolimaleleya, wala enamuna oniiwehaaka mmansaka, paahi. . . ola ti miyo, miyo kinooweha mukhalelo wa mutthu ni woona enamuna xeeni ya yoovaha awo anihimy'aya okhalana. Moone, Muluku onvara muteko ni yoopattuxiwa Awe enamuna Owo ompankaawe. Munnona? Owo onoomukhaliha mutthu. . .

⁵⁴ Nyuwo mwamoonaru owo ohilipalipa ni airaka siiso, nyuwo. . . ni owo oniira, “Apwiya aakiihana wira kiire *elexe ni elexe*, okhala pastore.” Vano, pastore ahikhaleke mutthu oohilipalipa. Pastore mutthu oolipa, oohihyererya. Munnona?

⁵⁵ “Muluku orookiihana wira kikhale mwiixuttihi.” Nto munwehe moota ontaphulelaawe Masu. Munnona? Owo aakhalihaka othene Aya otepanyeya ni sothene, nto munoosuwela. Munnona?

⁵⁶ Masi, nto, etthu yo wira, opuro anyu voolimaleleya onsuweliwa vakhala wira munoowerya wira wala nnari.

⁵⁷ Vano, okathi Muluku okiihanne awe wira kikhale namalaleya ehapari, miyo kaatthuna okhala pastore. Ni kuupuwela wira okhala owaani nno yaamukhala yooreera. Vano Apwiya khukiihana. Nto vookiserya atthu othene khuthukumana. . . Wa yaawo hata mmosa khohanle mu ohiy'ula, awo yaahikhuwela khurowa iwe Ephiro Spring 1717. Nto muhano mmosa, Muhano Hawkins nno, khukiphwanya khwira (anlaka, okathi wa ethowelo ya musurukhu okathi wa namwaattamanani mutthu aapeyaawe nikapu na fixawu othene ahu naamuthukumana wira nimulye yoowo), nto owo khwira, “Miyo kinimuurela yoolya wa an'aka vameesa nyuwo mwatekaru etapernakulu paahi.” Munnona?

⁵⁸ Ni wiihaniwa waka waari namalaleya ehapari. Voosiisu. . . Nihela va vanlukuni va n'olipiha, vaakhanle wira naamuwerya okhunla ohiy'ula, mwaamoonna nikukhu na Bibilia aka vaavo Owo okihimenry'awe wira kikhale namalaleya ehapari. Munnona? Ni miyo nkaari pastore a nsikhi, nkaarowa okhala, okhala wira miyo nkirina ovilela ni ele entthuneya wira mutthu akhale pastore. Munnona? Vano tivo miyo keeherenrye—ru okhala pastore, kaamukhala ottaiwene ntoko pastore eehereryaka okhala namalaleya ehapari.

59 Munnoona entthunaaka ohimya? Munoowerya woona enamuna Apwiya aniwiihanaayani, opuro anyu ori mw'Erutthuni. Yookhala yookoha?

110. Atthu othene oosareya Erooho Yoowaarya annilavula ilavulelo naanaanoru wala ohoolo waya?

60 Eyo ti yookoha yoopacerya, “Atthu othene Erooho Yoowaarya...” Vano, sothene siri mwa yookoha emosa, kookhalana va yoovalaanyiwa ntoko yookoha yaneexexe. Masi kino—kinoosoma ela toko, moone:

Atthu othene oosareya Erooho Yoowaarya anoolavula ilavulelo naanaanoru wala ohoolo waya? Kimphwanya nipuro Paulo ohimyaawe wira owo “aahilavula ilavulelo sinci-ene waavikana awo othene.”

Vaareera, yookoha yaneexexe: **Othene annilavula ilavulelo okathi anaakhelaaya e...Ahiiso, nnari, ehimye wira: Othene annilavula ilavulelo...Nnari: Atthu othene oosareya Erooho Yoowaarya annilavula ilavulelo naanaanoru wala ohoolo waya?**

61 Vano, munna, miyo...Ela ti yookoha yoowiixerya. Vano, vo, khino nyuwo...Alakela kookhalana soowaakhula kamosa-kamosa sa yeela.

62 Erooho Yoowaarya, epantte ya Erooho Yoowaarya okhalihiwa naxariya. Owo p'ukathi nyuwo vooacerya... Muluku ohaana owiihanani ahiiso khamunkhalakhala mwiihaniwaka. Moone, khiyaavo etthu mukhanly'anyu wiiraka mmansinyu. “Khaavo onwerya orwa wa Miyo ehikhanle wira Atithi Aka anoomuruuha toko.” Eyo ekeekhaii? Tivo epantte ya okhalihiwa naxariya ti Erooho Yoowaarya.

63 Nyuwo mookiiwa omuleeliherya mukhulupale ole muLuteraano okathi ule wa ematta ya nakhuwo? Moone, “Nakhuwo, mulopwana mmosa aarookhuma khwaala piili...khwaala ematta awe ya nakhuwo. Voosiisu aya owo khukhuma nave 'hat'etthu.' Nuuvira okathi vakhani owo aahiphwanya makukhu maili makhani eveveleyaka, owo khwira, 'Attotopeliwe Muluku mwaha wa ematta aka ya nakhuwo!’” Nto miyo khwira, “Owo aahikhalana ematta ya nakhuwo?”

Ni mukhulupale muLuteraano khwira, “Vooweryaneya.”

64 Miyo khwira, “Ti yeeyo, vooweryaneya owo aahikhalana.” Masi miyo khwira, “Ni...” Miyo khwira, “Awo mwaari nyuwo aLuterano.”

65 “Nuuvira okathi mitathi khunnuwa khuphiyerya okhala ekayaya. Awo yaari Metotista. Ehuhu yaneili ya nakhuwo, eyo ekayaya.” (Miyo kinoona wira eyo ti yoolikana, nyuwo axinna alimi.) “Vano nto ekayaya enoorukunuwela nikukhu khwira, 'Huh! Miyo ka ekayaya, nyuwo mwa nikukhu paahi! Moone, miyo nkinoophavelani-tho.' Vano nto ekayaya...Ekhitta

onoomora vakayayani, etthikelaka-tho munikukhuni; ehaana okhalana nikukhu.”

⁶⁶ “Vano nto okhuma vaavo enimuruuha nakhuwo. Owo aari Pentekosite, wuuluuliwa wa soovaha ntoko siireiye aya wopaceryani, otthikela ele yoopacerya. Vano vakhummaawe nakhuwo, khwira, ‘Miyo nkinoophavelani nyuwo, ekayaya. Wala nkinoophavelani nyuwo, nikukhu.’”

⁶⁷ Masi, tthiri, ekumi emosaru yeeyo yaari mu—munikukhuni na nakhuwo ti epanke ekayaya. Ni ele yaari munikukhuni ni ekayaya khupaka enuku. Vano exeeni Erooho Yoowaarya enlavula ilavulelo? Enamuna yo opwaha yo okhalihwiwa naxariya. Munnona? Ekereja ya Pentekosite exeenii? Ti Luteraana yoopwaha. Munnona?

⁶⁸ Masi vano ele yoopwaha vanrwaaya, yookoha yaarowa okhala ela, “Nto kihaana okhala varyaaka?” Nnari! Nnari, nakhuwo okhomaala. Munnona? Moopacerya ni enuku. Moopacerya ni ma—Masu, enuku, Awo anookumiherya okhalihwiwa naxariya. Nto mukhale mwa okhalihwiwa naxariya mpakha Eyo okumiherya oreerihwiwa. Mukhale mwa oreerihwiwa mpakha mwaakhele Erooho Yoowaarya.

⁶⁹ Vano okathi munaakhelaanyu Erooho Yoowaarya, Eyo enrowa wira exeeni? Exeeni ekhanle...Nlelo mookhalana yookoha, khamurina? Vaareera:

111. Exeeni ekhanle “olavula ilavulelo”?

⁷⁰ Olavula ilavulelo kehiyo hat’etthu woohikhala opatiiso wa Erooho Yoowaarya yookhalinheni naxariya ni khooreerihani. Onkhala osareyaxa! Vano, miyo kaatthuna...Miyo kaatthuna yookoha ela. Muluku onnisuwela wira nkaamusuwela aarowa okoha, waakhula...ahiiso okoha.

⁷¹ Vano, khereere...waakhalaka moovihaxa mu, muhule mukhora ole mwaapceryaka orupa wala etthu siiso. Kintthuna wira nvare ela vooreera ni voolipa. Okhala wira ti—tthiri ti wooviha, pooti woophwanyihani ikhove.

⁷² Vano nwehe, nwehe ela: okhalihwiwa naxariya, oreerihwiwa, opatiiso wa Erooho Yoowaarya.

⁷³ Vano nkawehani va, ela eri va. Mukihiye kooniherye. Vano, miyo kiri vathi va, ka natampi, kineetta ephiro *ela*. Naanaanoru, nuuvira okathi, Etthu enoolavula ni miyo. Ni khiyaavo enwerya okirukunxa woohikhala Muluku. Eyo ekeekhaii? Miyo kirukunxeliwe epante *ela*. Vano, kaarukunuwaka, iwo t’ukhalihwiwa waka naxariya. Eyo ekeekhaii? Vano, elatarato ele vale etthunelo aka enikiroiha, moone, elatarato ya Kristu.

⁷⁴ Vano kintthuna kiphaye nipuro kikhanyaaka woona oreera vakhiviru ni Yoowo. Moone, miyo kookhalihwiwa naxariya. Vano kinoorwa va eyeettelo ela *va* vaavo kinweryaaka olavula ni Yoowo, okhala wira...Miyo nlelo kinnuuliwa muru mmansaka.

Nlelo kinninvura sikaro, nlelo kinnootha, kinniira itthu sikhaani wiiphiini kahaakhanlyaaka wiiraka, ni okathi wothene *s'osulu* saka ni *sa vathi*, *s'osulu* ni *sa vathi*, masi kintthuna wira Owo akirapihe itthu sothene iyo wira vekeekhai kiwerye ophiya wa Yoowo n'ulavula ni Yoowo. Munnona? Vaareera, ela eri va, iwo oree...eyeetelo ya oreerihwa. Vano, exeeni yiinre eyo? Ekihoole. Munnona?

⁷⁵ Vano kinroowa mpakha Erooho Yoowaarya. Munnona? Nto kavolowa *mu* kiri Muroohoni Yoowaarya ni opatiiso. Eyo ekeekhai? Erooho Yoowaarya eniira exeenii? Eyo enkivaha owerya. Owerya wira kikhale mulaleyi, owerya wo okhala mulipa-oowiipa, owerya wo olavula ilavulelo, owerya wo otaphulela ilavulelo. Eyo ti yoosareya owerya, maana Erooho Yoowaarya ti owerya wa Muluku. Ni waari owerya wa Muluku okirukunxale. Waari owerya wa Erooho Yoowaarya okikhalinhe ooreerihwa. Vano ti owerya wa Muluku okisarinhe.

⁷⁶ Vano, mwa okathi mmosa, niireke miyo keemenle va ni kimpavela ohimya etthu vano Owerya wa Muluku khunakirweela mwa enamuna emosa yuulupale mpakha vahinweryaaka olavula-tho. Munnona? Nto kinapacerya okukuma. Ntoko kaarowa wira, "Axinna," ntoko keemenlene siisa.

⁷⁷ Ela eri va, kinrowa wooniherya eyo mwa enamuna ela. Miyo kinrowa olavula ni nyuwo axinna wira nyuwo mulipiherye wira munimwiiwa saana. "Eha—eha—ehaali anyu, munna?" Moone, nlelo koottheke. "Uh, miyo—miyo kinnitteeliwa murima okhala wira miyo—miyo nlelo ka mmosa a nyuwo. Miyo—miyo—miyo kootteeliwa murima, moone." Vaareera. Vano, nuvira okathi vakhani, exeeni? Koosuwela wira munikiwehaxaxa miyo ni nlelo moosuwela wira nlelo kinniira itthu sirina soonanara sa molumwenkuni.

⁷⁸ Nuuvira okathi vakhani kinikhala oorapihiwa. Vano yookhala etthu ekhumelenle, miyo kooreerihwa. Kinniweya woowehani wiitho, miyo ka mmosa a nyuwo. Munnona? "Vaareera, munna. Attotopeliwe Muluku! Kootteeliwa murima okhala munikhuruni mu na Erooho Yoowaarya. Kootteeliwa murima okhala eriyari anyu nyuwo axinna oowaarya." Mwaha wa xeeni? Khimukhanle okithoonyaka, miyo koorapihiwa. Masi vano Muluku onoorowa okihela mmutekoni. Vano, ayo, mulopwana!

⁷⁹ "Munna Branham, mookhalihwa naxariya?"

⁸⁰ "Ayo! Kinnuupuwela okathi waakirikelaaya hata woowehani. Munna, miyo kinoowerya woowehani wiitho vano."

⁸¹ Moone, hiyo nri va. Vano, ela ekina exeenii? Vano kinrowa o...*Nno* ti orapihiwa ni ovalaanihiwa *wira* evareliwe muteko, ni *ela* enrwa *okela* mmutekoni. Vano hiyo othene noosuwela wira nuulumo *oreerihwa* nuulumo n'Ekereku, nuulumo

nootakaniheriwa n'Ekereku nnihimya “ookukutthiwa, ni ooheliwa epantte aya wira evareliwe muteko.” Miyaapu sirookukutthiwa ni waltaari, nto khureerihiwa ni altaari khuheliwa epantte aya *wira* sivareliwe muteko. Masi okhala *mmutekoni* onkhala osarihiwa ni oheleliwa muteko.

⁸² Vano, miyo kinoorowa nno ni kinkela *mmutekoni*. Vano, ti Muluku okirukunxale, airaka, “Mukiiwe Miyo. Mukiiwe Miyo! Mukiiwe Miyo!” Ni Owo oirale. . .

⁸³ Munniiwa entthunaaka ohimya? Munnona? Nto va, [Munna Branham onimooniherya mutthu alavulaka ilavulelo—Mol.] . . .? . . . Moone, va, nyuwo khimureere osareya. . . Ti yeeyo. Eyo eri vo, iwo olavula ilavulelo.

⁸⁴ Ni kinnaamini ela vano: miyo nkinaamini wira olavula ilavulelo ti eyooniheryo ya Erooho Yoowaarya. Kehiyo! Okhala wira miyo kootoko owoona akhwiri, alopwana n'athiyana, anamavara inowa, axetwani, itthu sothene sikina olavula ilavulelo, ni kehiyo eyiirelo yoohivonya ya Muluku (mwaalavulaka ilavulelo) wira muhaana Erooho Yoowaarya. Masi, muupuwele, Erooho Yoowaarya ennilavula ilavulelo nto xetwani onniwerya otakiha.

⁸⁵ E—eyooniheryo wira mookhalana Erooho Yoowaarya ti makhalelo munkhalaanyu, moone, “Ni mihokorokho saya munimwaasuwela.” Ni muhokorokho wa Erooho kuhiyo (eyo khemphwanyaneya hata nipuro nimosa mwa Yoolempwa) wira olavula ilavulelo. Muhokorokho wa Erooho ti ophenta, ohakalala, waamini, ovilela, oreera murima, wiisumaaliha, ereerelo murima, ovilela. Moone, vano, owo ti muhokorokho. Ti yeeyo muniphwany'anyu vamwirini wira musuwele muthinto xeeni wa mwiri. Munnona?

⁸⁶ Atthu anoowehaxani nyuwo alaleyi, ni nyuwo matiyaakono, ni nyuwo maatinistratoore, ni nyuwo amalaleya ehapari. Mwaamuwerya olavula ilavulelo nno mphironi nihiku nothene, awo khiyaarowa nnakhala owaaminini. Masi mukhaleke ele munihimyaanyu, mooniherye esivelo, ni mitathaari sothene soowaawa sihkhale mwa nyuwo, vano mutthu onoosuwela wira yookhala etthu.

⁸⁷ “Olavula ilavulelo.” Vano, miyo kinnaamini ela, wira vahilekenle wala vahaakunve, wira mutthu oosareya Erooho onkhala vathi v'altaari a Muluku onoolavula ilavulelo. Masi koowoona anci-ene olavula ilavulelo yahaatonko osuwela etthu ya Muluku. Munnona? Awo khiyaasuwelasa hat'etthu ya Yoowo nnakhala, nave nlelo annilavula ilavulelo. Khula emosa wa soovaha iyo pooti otakiheriwa. Munnona?

⁸⁸ Masi muhokorokho wa Erooho onnooniherya muthinto xeeni wa Erooho eri muhina, nyuwo munnikhalela onamoona Ekumi ya Yesu Kristu. Okhala wira yaakhanle-ene ephwamwaasi ya mwiri wa peeseku mmwirini mwa masa, vekeekhai onimwiima

ipeeseku. Eyo ekeekhaii. Moone, okhala wira eyo ekumi eri muhina mwaya.

⁸⁹ Vano, eyo etthu emosaru va ni ela. Masi vano, wira kiwerye woolakiheryani ela nyuwo othene, wira hiyo othene niwerye osuwela etthu emosaru. Miyo kinnaamini wira mutthu osareiye Erooho o... Vano owo onoorwa wa Kristu ni opatiiso, ni paahi...eyo kahi...Olavula ilavulelo kahi eyooniheryo y'opatiiso. Munnona?

⁹⁰ Opatiiso, waamuweryaneya nyuwo opatishiwa mooweryani wa xetwani, ni olavula ilavulelo ni opatiiso wa erooho yoowootooha ya xetwani. Imaara kavi noonalyaahu eyo wiiriwa? Imaara kavi koonalyaaka eyo wiiriwa?

⁹¹ Miyo hata kihaasuwela ale anwurya ephome munikarakasani na muru wa mutthu ni olavula ilavulelo.

⁹² Koowoona anamwiina ni inowa mothakoni yiivitikelenle enowa yuulupale ni elavulaka. Mukhwiri onookhuma siiso, ni awo yaanilavula ilavulelo n'utaphulela.

⁹³ Kootoko okhala mmapuwani wa akhwiri vaavo awo yaapwehaaya elaapi saale, ni okuxa eliiwuru sa, vano elaapi yaamuwela ni okhuruwa eviraka mmwiitheni wa examaniya wa efikawu, ni orumiha nsipo, "*Othikila ni omettha maihi isentavo miloko miili ni thanu,*" ni olepa ilavulelo soohisuweliwa, vano mukhwiri n'utaphulela n'uhimya oratteene etthu yiiraneiyee. Miyo—miyo koosuwela eyo mmansaka. Munnona? Tivo miyo... Moone, nyuwo khimukhanle... .

⁹⁴ Paulo oohimya, "Vari ilavulelo, sinoomala. Vari olaleerya, onoovonya. Vaavo vari soovaha iya sothene, iyo sinoomalalama vahilekenle." (Nookhalana yookoha ya yeeyo ohoolo vakhani.) "Masi okathi onrwaawe ole ori ooloka voomalela, ele eri yoohimalela enrowa opwetexiwa." Munnona? Tivo hiyo ninthuna etthu yooloka voomalela, axinna. Munnona? Nihoona itthu sinci-ene soowootooha sintaphulela voovonyeya etthu ene.

⁹⁵ Ni khaninthuna-tho okhala ohoolo wa mutthu ni—ni waamini wira aakhalana Erooho Yoowaarya okhala wira annilavula ilavulelo. Munnona? Masi nyuwo munnaamini wira awo aakhalana Erooho Yoowaarya mwaha wa mihokorokho awo anikumiheryaaya, Yesu iirale, "Ni mihokorokho saya munimwaasuwela." Munnona? Ti yeeyo, "Ni mihokorokho saya."

⁹⁶ Vano, masi vano, nkinthuna eyo vano, okhala wira nkinthuna ohittitimiha yoovaha yuulupale Muluku ovanheawe. Munnona? Ni kinnaamini wira mulopwana osareya Erooho wala muthiyana, wala mwaana, onkhala vathi v'altaari a Muluku, khonrowa okhala okathi munci-ene vale ohilavunle ilavulelo. Munnona? Kinnaamini wira mulopwana owo onimwiira, wala muthiyana.

⁹⁷ Vano, nyuwo pooti waakhela Erooho Yoowaarya nave khino khuhilavula ilavulelo okathi munaakhelaanyu Yeeyo. Munnona? Masi nyuwo mwakhalaru vaavo voohihiyererya ohoolo wa Muluku okathi wothene, ni opatiiso nuumala opatiiso wookelakani enoorowa wiiraneya etthu. Munnona? Munooophiyerya okhala oosareyaxa nihiku nlo mpakha muhinwery'anyu olavula etthu ekina; moone, nyuwo—nyuwo—nyuwo munoophavela ohimya etthu, ni khamunrowa owerya-*tho*, khamunwerya olavula tu. Nto imara sinci-ene vaakhanle wira atthu yaanisuwela wira eyo yaari Erooho Yoowaarya awo yaamukelela ohoolo n'utthukula murim'aya ni omuhiya Muluku olavula ni yaawo.

⁹⁸ Bibilia ohimnye wira, “Ni moolumo ookukuma ni ilavulelo sikina Miyo kinimwaalavulela atthu ala.” Yesaya 28, moone, 28:18. Vano, “Ni moolumo ookukuma ni ilavulelo sikina Miyo kinoolavula.”

⁹⁹ Exeeni “okukuma”? Mutthu ohinwerya olavula oratta-ene, oniira, “Huh, uh, uh, huh, uh, huh, uh, huh.” Nyuwo paahi. . . munookukuma, mphavelaka olavula paahi “Huh, uh, huh.” Moone, oosareyaxa Erooho paahi! Owo omphavela olavula. . . Ntoko kaarowa ophavela wira, “Munna Ja-Jack-. . . Ja-. . . Munn Jack-. . . Munna Ja-Ja-Jack-Jackson.” Moone, siiso, nyuwo mumphavela olavula, khimunwerya olavula. Moone, owo ti, oosareyaxa Erooho! Eyo. . .

¹⁰⁰ Miyo kinthuna kookoheni nyuwo axinna, mootoko wona Erooho Yoowaarya woottikinyani vanci-ene mpakha ohalela ohiwerya ohimya etthu, mwaarowaanyu okilaathi paahi, okilaathi khumaala khunanla? Mootoko wira yeeyo? Ahe, eyo Erooho Yoowaarya. Vaakhanle wira nyuwo. . . Etthu atthu ahinlavulelaaya ilavulelo imaara sinci-ene, awo khansuwela mooto wo wiivahererya wa Erooho ni amphavela etthu eri ottaiwene nave Eyo eryeene mwa yaawo. Munnona? Mwaha wa yeeyo awo ahini. . .

¹⁰¹ Vano nto atthu akina animuukhuleya ni ohimya moolumo ahirina maana mwa yaawo, nave nlelo kharina Erooho Yoowaarya, ni weererya ohimya wira ahaana okhala wira aalavula ilavulelo. “Ni mihokorokho saya munimwaasuwela,” moone.

¹⁰² Vano, yookhala yookoha? [Munna Junior Jackson oniira, “Munna Branham?”—Mol.] Ayo, munna. [“Kootteeliwa murima mwaha wa yookoha eyo, okhala wira wira vekeekhai khino mutthu aamwiikoha wira khino etthu kaamini aka ni kaaixuttiha aka okathi munci-ene. Masi kinaamini ntoko nyuwo siixuttihaly'anyu.”] Kooxukhuru, Munna Jackson. [“Voohicala inamuna kavi kinlavulaaka ilavulelo, wala etthu, makhalelo aka yaahikhaleleke onamoona ele Bibilia enihimyaawe weeso nkiihiyo ooloka onvikana mwalapwa oonanara oneetta

mphironi.”] Ti yeeyo. [“Ni miyo nkaatonko olavula ilavulelo yohisuweliwa mpakha miyeeri mithanu na mosa vaamanlyaaka waakhela opatiiso aka.”] Eri ntoko siiso miyo kiiralyaaka, nave, Munna Jackson.

¹⁰³ Miyo kaakhenle opatiiso wa Erooho Yoowaarya mmuxaaxani mwaka wu, moone. Nto voophiyaka eyaakha emosa ohoolo waya, wala etthu ntoko yeeyo, miyo kaari—miyo kaari . . . khulavula ilavulelo.

¹⁰⁴ Nto voophiyaka eyaakha emosa wala piili nuumala yeeyo, miyo kaalaleerya-tho mukereja, ni kaari—keemenle vaplataforma siisa, nto miyo . . . Okathi waari-aka mmiravo ni nkaari oolipa ni mutokweene ntoko siry’aka vano, kaaniwerya orukurerya vooreera vakhani ni kaakhalaka oohakalala kaalaleyaka. Miyo keemenle vale kilaleeryaka nto miyo khuwela vameesa. Eyo yaari okereja Patista, ekereja Patista y’oMilltown, khurawa mpakha munvireloni, kilaleeryaka voviilipiha ntoko saawery’aka olaleya siisaale. Ni kimalakaru olaleya, Etthu khukivara nto kuhimya moolumo manci-ene, maxexe wala mathanu, wala moolumo mathanu na mosa, mwa ilavulelo soohisuweliwa. Ni kihinatthi osuwela etthu kiiraaka, kaahiisiwa mmansaka kikhuwelaka “Mwala mutthayani mwa mukattayamiho, Ntthyawelo okathi wa mwanankhaya.” Munnona?

¹⁰⁵ Vano nto nihiku nimosa keettaka muxipooroni, miyo kaamweetta kikhuruwelaka muxipooroni, epante ela nno ya oScottsburg, kikhuruwelaka muxipooroni, keettelelaka. Ittheke sirumaka ni ikuru, oh, wulu, ni exeelu ephiro yothene, nto miyo kilapuwa wira kiwerye otthara eliinya ya ivolta ikonto miloko miraru ni tthaaru; ikonto miloko mithanu na mosa ni thanu na mosa saarowa ephiro ekina, ni yaari ntoko otthara epante emosa ni ephiro. Nto miyo kaarowa kikhuruwelaka ephiro, nto naanaanoru . . . Keettaka, miyo kaamwiipa. Miyo kweekwe kinniipaka. Kaahikhalana mapuro oohiyana-hiyana kaarowaaka-wo olompa. Nto kaarowa vale, kiipaka, vano naanaanoru khusuwela wira kaalavula ilavulelo, moone, kihisuwelaka etthu kiiraaka.

¹⁰⁶ Olavula ilavulelo onrwa mwa enamuna emosa yoowaakuva mutthu vammurikelaawe osuwela etthu oniiraawe, wala, awo khansuwela etthu anihimyaaya. Ni otaphulela ti enamuna emosaru. Awo khansuwela etthu anrowaaya ohimya. Awo khanuupuwelela hata vakhani etthu anrowaaya ohimya, okhala wira ti ya erimu. Moone, mwaatakanxakaru ni y’ephattu mwa yeeyo vano khamu . . . nyuwo—nyuwo—nyuwo murina y’ephattu, moone. Masi etthu yoovarani ni wookuxani oweetiheryani, nto munimwiira. Munnona?

¹⁰⁷ [Munna Neville oniira, “Munna Branham, kaamuwerya ohimya etthu va?”—Mol.] Tthiri, muhimyeke, Munna Neville.

[“Vano, muhimyaka siiso, nnya, khamuntthuna ohimya, wira—wira ilavulelo saahaana okhala oratta-ene mmutekoni mutthu aahiweryeke weettiherya? Okhala wira owo ti. . . Mutthu orina yoovaha ohaana weettiherya.”] Owo onniwerya wiiseettiherya mmansawe. Ayo. Eri ntoko. . . [“Muhaana osuwela voophiyerya wira musuwele wira owo ohanle olavula ilavulelo”] ayo, ti yeeyo [“ahiiso owo ori ota wa yooruma opacerya wene.”] Ti yeeyo, owo onnoona. Munnona? Vano, ntoko Bibilia sihimalyaawe, “Akhala—akhala mmosa onlavula ilavulelo vano khuhikhala mutaphuleli, vano owo amaale.” Vano, vekeekhai.

¹⁰⁸ Niire, ntoko nlikanyiho, miyo keemenle va, khula mutthu, mwaahalelaka okhuwela, etthu emosaru. Nyuwo mootoko woona owerya wa Muluku orwa mwa nyuwo mwaapaceryaka okhuwela? Akavi atonko wira yeeyo? Ahe, hiyo othene nookhalana. Munnona? Nyuwo mukilaanthe vo, munimoona eyo erwaaka. Vano, wookhala okathi onwery’anyu ottipaha eyo, moone. Munweryaanyu ovarelela, moone, kahi yoolikana.

¹⁰⁹ Ankhi mweemenle, mulavulaka ni mu—Mukhulupale a Estadu Unidu, wala mweemenle va mulavulaka ni mukhulupale a mpooma, vano nyuwo munalavula etthu ekina, vate vale mphironi va, mulavulaka nnikhuru n’atthu, nto naanaanoru munooona ntoko mwaamuwerya otupha osulu ni vathi, n’unyakula ni okhuwela “Ovuwa! Aleluya!” ni orihela mukhutaape itthu sothene n’utthimaka nno ni nno mphironi siiso. Awo yaamwiira wira mwa mulolo. Munnona? Awo yaamwiira, “Mulopwan’ole mulolo.” Munnona?

¹¹⁰ Ahe, moone, nyuwo moosuwela wira khamurina wiiraka yeeyo. Nvarelele, enaamwi yoovihakani muhina muhinweryaanyu ovarelela. Nyuwo muniira, “Ayo, mulopwana. Ayo, mulopwana. Uh-huh. Uh-huh. Ayo. Ayo, mulopwana. Uh-huh.” Mmiravo, eyo enimoothikilasani kapatti-kapatti masi munnisuwela wiimaaliha okathi uwo. Munnona?

¹¹¹ Ntoko opwaro wa milattu nno woohikhala khalayi, yaahikhala aPentekosite kamosa-kamosa mwaha—mwaha wo wira etthu, mwaha wo okhuwelaka vanci-enexa wala etthu, yeeyo awo yaaryaaya—awo yaari voolikana ni moolumo voomalela, moone, eyo ekeekhai. Masi khula okathi mphuki aarowaawe olavula wala waaleela etthu, awo yaapacerya olavula ilavulelo. Munnona? Mphuki khwira, “Mwaakumihe atthu ala oovahuwa va.” Munnona?

¹¹² Vano, vaakhanle wira waahikhala otaphuleliwa wa ilavulelo iye ni omuleela mphuki “SIISO ANIHIMYA T’APWIYA,” etthu *khata-khata* yaarowa okhala ekeekhai, “SIISO ANIHIMYA T’APWIYA! Mphuki, mweemelenle-ni va mukiphukaka nave nsana ohiyu mwaarupa ni namuttompe? Nsina nawe aari Sally Jones, owo onkhala ephiro *Khata-khata-khata* 44, siiso. Nyuwo munikiphukelani? Eyo ti SIISO ANIHIMYA T’APWIYA! Vano

mukhootte eyo vano munoomora mukhwe.” Vano, oh, munna! Yookhala etthu yovirikana vo.

¹¹³ Masi mwaavenyaka paahi n’ulavula, nto owo khwira, “Nyuwo munookhala namurwi wa awo.” Munnona? Vano, okathi woomaala ni okathi woohimaala. Munnona? Vano, eyo ti...Munnona. Miyo ka...Mukiiwe oratteene vano, nyuwo moosuwela entthunaaka ohimya. Munnona? Ti yeeyo. Vekeekhai... .

¹¹⁴ Nookhalana yookoha ohoolo. Etthu kaavarelelaaka siisa, okhala wira nookhalana yookoha emosaru, “Awo ahaana okhala oomaala?” Munnona? Mwaha wa yeeyo kibaakhulenlyaaka ovikana ele mwaakohaanyu. Masi owo p’ukathi, wo waakhula yeeyo vano, moone, naanaano va. Ni ninookwannya nave yookoha ela va, ni kinoohimya paahi. Atthu othene anniiwa saana yookoha eyo?

[Munna Fred onookoha, “**Munna Branham?**”—Mol.] Ayo, Munna Fred. [**“Mu—mutthu onlavula mwa—mwa Erooho, alaleeryaka (nihimye wira owo mwInkelesi ni onlvula Enkelesi) ti Erooho enlaleerya?”**]

¹¹⁵ Vekeekhai. Ayo, mulopwana. Moone, okhala wira Erooho Yoowaarya ennilavula mwa khula nntaava. Munnona? Nihiku na Pentekosite khula nntaava vathi v’Erimu naathukumanne vamosa, moone. Alavulaka mw’Enkelesi... Vano, miyo kweekwe kinnisuwela ela, Munna Freddie, yoomi, wira miyo...vakhala wira kinoolaleya mutthaka mmosa onkhalana muttikithelo mwa yoowo, eyo Erooho enlavula, moone. Eyo e...Munnona? Tivo eyo yaarowa okhala elavulelo yoohisuweliwa wa mutthu ahaasuwela saana Enkelesi. Masi nnakhala vo... .

¹¹⁶ Ni siiso ntoko elavulelo yoohisuweliwa kehiyo elavulelo “yoohisuweliwa”, ti...ookhala mutthu vo...Ntoko Nihiku na Pentekosite, awo yiirale, anatampi ala othene, awo yiirale, “Niniwiiwa sayi khula mutthu mwa elavulelo ahu? Hiyo *niniwiiwa* sayi aKalileya ala olavula elavulelo ahu?” Khiyaakhanle hata etthu “yoohisuweliwa” nnakhala. Khiyaakhanle etthu ene eyo ntoko ilavulelo “soohisuweliwa” oPentekositeni. Vano, moone, eyo kehiyo ya Yoolempwa nnakhala. Munnona? Khiyaakhanle yoohisuweliwa... khiyaari elavulelo yoohisuweliwa, naari nntaava. “Niniwiiwa sayi hiyo khula mutthu mwa nntaava nahu niyariwaahu-no?” Khiyaakhanle etthu yoohisuweliwa. Munnona? Eyo...yookhala yookoha wa yeeyo vano, naanaano va nihinatthi ohiya? “Niniwiiwa sayi khula mutthu ni nntaava nahu?” Munnona?

¹¹⁷ [Munna mmosa oniira, “Ti—ti vaavo vari ovonya vakhani mwaha wo olosowa wa mutthu, nto atthu ya—yavonya okupali etthu, aniira paahi, ‘Miyo nkinrowa waamini hata enamuna emosa, yaahilikaneru ni Miteko 2:4.’”—Mol.] Ahe, awo yaakhalanne-ru voolikana ni Miteko 2:4 vekeekhai khiyaarowa

olavula elavulelo yohisuweliwa. [“Nnari, mwa nntaava.”] Ah-ha. Awo yaahaana olavula ni—ni nntaava atthu yaawiiwaaya, moone, okhala wira “khula mutthu aawiiwa ni nntaava nawe.”

¹¹⁸ Vano, miyo kaakhela Erooho Yoowaarya naanaano va, voolikana ni. . . Miyo kiniira. . . Kookupali wira ookhala munna mmosa va omphavela Erooho Yoowaarya, ti—ti—ti Munna Wood. Ekeekhaii, Munna Wood? Nkinlakela wooromolani, masi othene. . . hiyo n’axinna va ni nintthuna nihimye ela. Nto owo omphavela opatiiso wa Erooho Yoowaarya. Vano, Munna Banks aakhenle Erooho Yoowaarya vale, enamuna yoolikana, owo aakhenle Eyo voolikana ni Bibilia, owo aanvenya vale, alavulaka, owo aamulavula mw’Enkelesi, ni ahimya wira, “Yesu Kristu Mwaana a Muluku oohihimuwa,” owo aamulavula ni moolumo oovihhi ahimya wira. “Miyo koosuwela wira Owo ookhala, okhala wira Owo ookela mmurimani mwaka. Owo Mwaana a Muluku! Itampi saka soorowa, yookhala etthu ekikhumelenle.” Munnona? Eyo eri vo. Iwo p’ulavula i. . .

“Niniwiiwa sayi khula mutthu elavulelo ahu?”

¹¹⁹ Mukileele, ankhi hiyo atthu a oIndiana naalavula nntaava noovirikana n’atthu a oKentucky, ni Munna Banks muKentucky? Vano awo yaamulavula nntaava noovirikana nto, nto va hiyo noosuwela wira owo khaarowa owerya olavula nntaava na oIndiana. Vano nto owo khuyenya vale alavulaka ni—nntaava na oIndiana, ni hiyo nisuwelaka wira owo khonsuwela. Munnona? Ni hiyo naammwiiwa ni nntaava na oIndiana, owo onuupuwela wira onlavula ni nntaava na oKentucky. Owo aarowa okhala ohimya onamoona paahi, “Attotopeliwe Muluku! Yesu oohihimuwa mw’alipa-ookhwa. Aleluya!” masi hiyo nimmwiiwa owo ni nntaava na oIndiana.

¹²⁰ Ti siiso yaaryaaya Nihiku na Pentekosite. Munnona? “Niniwa sayi hiyo khula mutthu,” moone, “moone, othene ala anlavula khahiyo aKalileya,” moone, aKentucky? “Ni eniireya sayi hiyo atthu a oIndiana, Ohio, ni Illinois, ni Maine, ni Massachusetts, ni California, omwiiwa owo ni nntaava nahu nenlo niyaariwaahu-no?” Munniiwa saana? Moone, owo muupuxeryo. Moone, owo muupuxeryo wa ale aniiwa, owo muupuxeryo wa yaawo.

¹²¹ Moone, mutthaka. . . etthu ene t’ila, onamoona wa ohihimuwa wa Yesu Kristu. Moone, ti yeeyo. Vano, vakhala wira Muluku khonkhala Ekumi iyo mwa nyuwo, hata wira munihimya sayi Yeeyo, nlelo khimunatthi waakhela Yeeyo. Munnona? Ti yeeyo. Oreerela xeni. . .

¹²² Yookhala yookoha ekina vano? [Munna Roy Roberson oniira, “Ahe, Munna Branham, kinoona wira hiyo nihoona eyo wiiraneya muliinyani mwa mavekelo, mwali ule a oSpaanya.”—Mol.] Ayo. Yooreera saana, Munna Roy. Yaari

ye—yeeyo kinrowelaaka vano, oBeaumont—oBeaumont. Waari oBeaumont? Ayo, mulopwana.

123 Vano, eliinya ya mavekelo yaaheemexiwa. Aahikhala mwali mmosa a oSpaanya aarwiiye vaplataforma. Ahe, voohithepya, kookupali wira kaamukhuma, khiyaari yeeyo? Howard aamukikumihya, ni—ni ela. . . Miyo—miyo—miyo khumwiiwa mutthu anlaka, aari mwali mmosa a oSpaanya vale, oh, a miyaakha soophiyaka muloko ni mithanu, muloko ni mithanu na mosa, khweeli. . . mwanamwane paahi. Nto—nto kaahiweha, ni owo aarowa okhala oottharelana wiitthaniwa ettikitti ya mavekelo kaatthikenleru. Kaahikhhalana sinci-ene ohoolo, owo aarowa okhala ettikitti ya mavekelo yoottharelana yo wiitthana. Miyo khwira, “Oruuhiwe va.” Vano awo khimuruuha. Miyo kaarowa omuthukumanoni mukina, nto miyo khwira, “Oruuhiwe va.”

124 Siiso, miyo khupiyererya osuwela wira, miyo kaahimuleela etthu ntoko ela, “Vano, munimwaamini? Vakhala wira Yesu onookikhaliherya wooleelani etthu evonyeiye ni nyuwo, munimwaamini wira—wira Owo onimoovonihani?” Vano owo aathikela uuramme muru. Miyo koono wira khaaiwa ni khaalavula. Munnona?

125 Vano vawehalyaaka-tho, miyo khwira, “Nnari, owo khonwerya olavula Enkelesi.” Vano khuruuhiwa mulipaootaphulela vale, nto miyo khwira, “Munimwaamini?” Vano owo khukuuvula. . . Vano aaniwerya wiiwa ni mutaphuleli, tthiri. Munnona?

126 Ahe, nto miyo khwira. . . Vano miyo khuweha khoona yoowoona. Miyo khwira, “Kinniwoonani mukilanthe-ene waattamela vaikho wa khalayi ni epirikha yuulupale ehakhinyeyaka, yoosareya nakhuwo a ncano. Nyuwo o- . . .” Munnuupuwela yeeyo, Munna Roy? Miyo khwira, “Muroomukhuuraxa nakhuwo owo. Nto vairalyaanyu siiso, muroowereyiwa vanci-ene vano ame anyu khopwehani voolilini ni mupacerya othukumelasa mwaha wa ecile.” Nto miyo khwira, “Munnikhhalana okhuma okathi yoowo.”

127 Vano nto owo khumurukunuwela mulipaootaphulela ni khumwiirela ni nntaava nawe yoowo, “Miyo koono wira khaawerya olavula Enkelesi. . . wala olavula eSpaanya!”

128 Vano owo khukirukunuwela khwira, “Nyuwo khimulavunle eSpaanya, ti siiso?”

129 Miyo khwira, “Nnari.” Vano hiyo khurwela ekaravatooro, khweemexa ikaravatooro, yaari Enkelesi voolikana.

130 Masi nto mulipaootaphulela khwira, “Mukileele etthu owo ohimmyaawe nto.” Moone, owo aahaana ophwanya otaphuleliwa. Khwira, “Mukileele etthu owo ohimmyaawe.” Vano owo khutthikela moolumo ene yaawo, vano owo khulavula-tho yaawo.

¹³¹ Vano, owo aakiiwale ni nttaava oyariwaawe-no, nave miyo kaalavula Enkelesi. Owo aaiwa ni eSpaanya. “Hiyo niniwiiwa sayi khula mutthu mwa elavulelo eyareliwaahu?” Vano mwaan’owo aahivonihiwa. Moone, ti yeeyo, miteko soothamaleya sa Muluku.

[Munna mmosa onookoha, “**Vano mwaapu orina Erooho Yoowaarya khoni... onookhala mwaapu paahi, ni Ole onsariha onoonsariha etthu Owo...?**”—Mol.]

¹³² Etthu p’itthu Owo entthunaawe, ti yeeyo. Vekeekhai yoolikana. Vano nto nwehe etthu musarihiwaanyu, vano munoosuwela khama muhaana Erooho Yoowaarya wala nnari, nto. Munnona? Nwehe paahi etthu esarihiwaaya. Vakhala wira—vakhala wira mwaapu uwo osarihiwe ni soonanara, weeso khuhiyo mwaapu wa Muluku. Masi wasarihiwaru ni sooreera, vano mwaapu wa Muluku. Munnoona entthunaaka ohimya? [Munna oniira, “Vano mwaapu, sookhala imaara sikina mwaapu onrowaaya orumeeliwa nave khuhisuweliwa, ohisuweliwa okathi owo, owo orumeeliwaaya?”—Mol.] Oh, vekeekhai. [Munna onihimya onamoona.] Uh-huh. Uh-huh. Eyo ekeekhaii voolikana, vekeekhai. Oh, hiyo othene, hiyo ninnoona eyo. Miyo kihoona eyo imaara sinci-ene. Ayo, mulopwana. Ayo, mulopwana. Hiyo othene...Hiyo noosuwela wira noolimalela itthu iyo.

Kookupali wira eyo yaari yaneexexe: **Othene ale—atthu othene oosareya Erooho Yoowaarya annilavula ilavulelo vohilekela wala ohoolo waya? Kinsoma nipuro Paulo ohimmyaawe wira, “Kinnilavulaxa ilavulelo waavikana—waavikana othene aya.”**

Vano, etthu enupuwelaaka vano, wira kimalihe yookoha ya munna:

Paulo, alavulaka ilavulelo sinci-ene waavikana othene.

¹³³ Paulo aari mutthu oosuwela, yoowo ene, aanisuwela mattaava manci-ene. Moone, owo aaniwerya olavula ni... owo...Muupuwele okathi aaphukiwaawe, owo aaniwerya olavula ni muthinto ola wa elavulelo wala muthinto ole wa elavulelo, wala onakhaleru ovi. Ni iyo ilavulelo soohisuweliwa n’atthu, masi khiyaari ni muupuxeryo. Yaari mattaava aalavulaawe, moone. Masi...ni... .

¹³⁴ Masi kinnaamini wira mutthu osareiyee Erooho onkhala vathi v’altaari a Muluku, vekeekhai, naanaanoru wala ohoolo waya, onookhalana musuwelelo wo olavula ilavulelo, okhala wira eyo ti emosa wa itthu sa vathi ni sooyevaxa sikhanel voolikana ni olepa wa Paulo. Mwakhaliharu oratta-ene, t’itthu yookiserya muliinyani mwa soovaha, moone, olavula ilavulelo.

¹³⁵ Masi vano, yoopacerya, munoopatisiwa...Niireke, khula mmosa a nyuwo othene mwa soovaha. Miyo kiri ota. Vano, “Mwa mukhora mmosa, Erooho emosa,” mukhora mmosa onkela

nipuro *nla*. Eyo ekeekhahi? Vano, miyo nkikhanle okelaka epantte *ile*, nkikhanle okelaka epantte *ela* nnakhala epantte *ile*. Munnona? Kinkela sayi *mu*? Ni Munna Roberson? Nnari, mulopwana. Ni, ahe, muniira, Munna Leo? Vaamuweryaneya owo okhala yoovaha y'olavula ilavulelo, moone, miyo kinkela ni Leo? Nnari, mulopwana. Hah-uh. Ahe, kinkela sayi? "Mwa Mukhora mmosa, ni Erooho emosaru." Erooho kehiyo ilavulelo paahi. Nnari. Munnona? Moone, "Mwa Erooho emosaru miyo koopatisiwa mw'Erutthuni yeela."

¹³⁶ Vano, *ela* Erooho, *nyuwo* othene mwa soovaha. Nyuwo muniira, "Ahe, attotopeliwe Muluku!" Miyo kinoorowa ni, nrowe niire, vale ori—vale ori Munna Wood, owo miiriirya. Munnona? "Oh, miyo koopaka mwiiriirya. Miyo koosuwela wira kihaana Erooho Yoowaarya okhala wira koopaka mwiiriirya." Kahi ni "mwiiriirya" mmosa hiyo othene noopatisiwa mw'Erutthuni.

¹³⁷ Kinimurowela Munna Junie nto, owo ti yoovaha ya osuwela, "Ahe, ahe, miyo kinnimusuwela Bibilia! Mmiravo, kinimooleelani, koosuwela wira kihaana Erooho Yoowaarya mwaha wa yeeyo." Nnari, eyo nlelo kahi enamuna y'okela.

¹³⁸ Vaareera. Kahi ni Munna Leo, kahi ni Munna Wood, kahi—kahi ni Munna Junie. Munnona? Nnari. Masi mwa emosa exeeni? [Muthukumano oniira, "Erooho!"—Mol.] Vaareera. Miyo koopatisiwa mw'Erutthuni mu, vano Miyo kiri mwemmo, vano Atithi anrowa okivarela muteko vayi? Munnona? Eniiraneya wira aari Leo okilaanthe vakhiviru va mukhora; vekeekhai *ela* yaarowa okhala emosa wa itthu soopacerya saarowa wiiraneya. Masi khino khiyarowa okhala siiso. Vaamuweryaneya miyo okhala oosareyaxa mwa Erooho, mpakha vaarowaaka omphiyerya Munna Wood, kixerekelaka sothene iyo sikina. Khimukhanle okileelaka vano wira nkirina Erooho Yoowaarya, okhala wira kiri mw'Erutthuni yeela ni opatiiso. Masi Muluku khokikelinhe mu wira kihimyeke wira, "Ahe, attotopeliwe Muluku, kinoona wira kinookilaathi vano, mukuxe 'kiitthyuweke, kinrowa Wirimu." Huh! Munnoona entthunaaka ohimya?

¹³⁹ Masi kaamuwerya otthika okhuma *ela* nno, mpakha iwe. Munnoona entthunaaka ohimya? Kaamuwerya orowa okhuma ekhomo emosa mpakha ekina, wala kaamuwerya ophiya eriyari, wala khula nipuro. Masi etthu emosa enimwiiraneya, etthu ehaana wiiraneya. Nto exeeni iyo? Ni opatiiso wa Erooho onnikooniha wira miyo kiri mw'Erutthuni, "Mwa Erooho emosaru." Munniiwa saana yeeyo, munna, va? Vaareera! Ti yeeyo? Vaareera.

112. Mweettelo xeeni sikhanyaaya orumeeliwaka ilavulelo ni s'opofeta muteko wo okohorela wiiraneyaka (Sihirumeeliweke mwa hata enamuna wiiraneyaka muteko

wo okokhorela! Munnona?) **wira ovuwihwe Muluku** (Nnakhala tu!), ni olipiherya ekereja? **Miyo koosuwela wira atthu anihimya erooho ya profeta—miyo koosuwela e—miyo—miyo koosuwela e...** (a-...Kinoona wira... Nnari, kileveleliwe, ti “Bibilia,” B-i-b-i-l-i-a. Kaapacerya a-t-t-h-u wala etthu siiso. Nnari.) **bi—Bibilia onihimya wira, “Erooho ya maprofeta eniwiiwelela maprofeta.”** (Vekeekhai.)

¹⁴⁰ Olavula ilavulelo mwa erooho olaleerya s’eprofeta siri wira silipiheryeke ekereja, masi sookhalana miteko saya. Munnona? Khasiri wira sihaaxeke okathi profeta a ekereja oni... muthukumano oryeene oratteene. Munnona? Ohithikileihiweke muthukumano.

¹⁴¹ Vano, moone, “irooho sa maprofeta.” No—nookhalana yookoha ekina vano, nrowe nihiye yeeyo epante aya minuutu mmosa paahi. Moone, enamuna y’ekeekhai yoolikana ya seiya . . . y’ovarela soovaha iya . . . Ela ti waakhula soovaha sinci-ene, moone. Naphiyeryaru khula emosa ninoowerya wira nihaakhula mwa yoopacerya ela, okohale mutthu ula. Munnona? Eyo ti yaneethanu:

Ilavulelo ni s’eprofeta siri wira sirumeeliweke wiiraneyaka muteko wo okokhorela wira ovuwihwe Muluku?

¹⁴² Moone, vano, murumeyi . . . vakhala wira murumeyi t’ottikittheliwa ni Muluku, ni ekereja khukhalihwa oratteene, vano, enamuna yoolikana . . . Anci-ene a nyuwo munnisuwela moota miyo—miyo kilavunlyaaka ni nyuwo mwaha wa “okhaliha oratteene.” Soovaha iya sintthuneya . . . Vano, ela t’itthu enrowaahu wira mutapernakulu, Apwiya yatthuna vale. Vano, kinoowehaweha, kinnoona etthu, omuhiya Munna Neville ni axinna ala akina va oratteene. Vano nyuwo mwa . . . Nto axinna ala anci-ene axinna amiravo.

¹⁴³ Vano, miyo ki—miyo ki mutokweene wa—wa nyuwo othene Ephiro ela. Miyo kiri mwa miyaakha miloko miraru ni mmosa mwa Yeela. Saari miyaakha soophiyaka miloko miraru sivinre kihenlyaaka nluke nle vaavale. Kaahaana okumanana itthu sothene saakhanle wira sikumananiwe, ni vanreerela musuwele etthu enihimyaanyu, nave, mwaaphiyeryaka seiyo. Vanreerela muhisuwele paahi, vanreerela okhale Muluku vo wira olipiherye mwa—mwaaviraka mwa seiyo.

¹⁴⁴ Vano, enamuna yooreerelaxa yo—yo wira yeeyo vano, mwaamuwerya okhalana muthukumano w’omeekha. Kookupali wira ti yeeyo awo yiiraly’aya wu mwa aKorinto Oopacerya 14, “Etthu emosa uupululeliwaru mmosa okilaanthe, mukina amaale toko.” Kookupali wira waari “muthukumano w’omeekha wa soovaha,” waarowa okhala wooreerela. Yatthuna okhalana muthukumano w’omeekha vaavo atthu othene arina soovaha anthukumanaaya emaara emosa khula esumana, ale arina

soovaha, anrwaaya okereja va, yaamukhala yooreera. Etthuniheriwe ekhalane muthukumano owo, khuwaarowa... okhala olaleerya, waarowa okhala wa soovaha sa Erooho.

145 Eyo khiyaarowa okhala y'atthu a ota ni oohaamini. Awo yaamoorwa, ekilaathi, wira... Aanvenya mmosa aire, "ah-ah," alavulaka ilavulelo; mukina oniira, "wa-ah." "Exeeni eniiraneya!" Awo yaamoorwa yiire, "Ori vayi wiipa? Siri vayi sikina?" Munnona?

146 Masi, vano, ala anlavula ilavulelo, anci-ene aya (ni antaphulela, ni sikina) anamwane mwa Ehapari yooreera. Munnona? Muhaa—muhaaveihe, mwaahiye—mwaahiye yinnuwe mpakha yoovaha eyo. . . Sikina saya, munoowerya woona moota Satana oneerery'awe wiivitikeleliha—mo. Vekeekhai, aalweene, hiyo—hiyo—hiyo ninnoona eyo. Moone, hiyo ninoowerya ovara eyo, nto nyuwo munooweha.

147 Va woohikhala khalayi mulaleyi mmosa, okilaanthe vaava va naanaano, aahikirwela khukiirela ni khukilattula owannyawe, munna mmosa oothamaleya.

148 Miyo nkinihimya eyo okhala wira owo okilaanthe vaava, masi nyuwo othene mwa axinna *oothamaleya*. Kahuupuwela siiso, kaamooleelani, "Nyuwo ni miyo nilakiherye etthu ila, toko." Munnona? Ti yeeyo. Munnona? Miyo kinnophentani nyuwo othene, ni miyo kiri va paahi mwa erooho ya ovilela ya Bibilia, moone, wira—wira kikhaliherye. Munnona?

149 Munn'ola aahikilattula owannyawe... muthiyana mmosa, nto muthiyan'owo aahivonya. Ni ela... Nkinatoko omoona muthiyan'owo masi kaahimwiiwa mufiitani, owo otaphulela ilavulelo, ni ahimiyaka etthu. Mwaamuwerya wiiwa eyo okathi ene yoowo.

150 Nihiku nimosa, murumeyi mukina, ni miyo, wa mutthu mmosaru, naakilaanthe vanttoroni, naaxaya ikhopa naahilavula yeeyo. Ni arumeyi oowaili, ari vaava naanaano va, annisuwela moota eyo yaamalenlyaaya. Moone, paahi, nwehe.

151 Nyuwo arumeyi mwaamulakiheryaka mutthu mwaha wa yoovaha, mwaalakiheryaka vale, mwaalakiheryaka ni Soolempwa, vano awo khuyananiwa, muupuwele, khiyaari Erooho ya Muluku, okhala wira Erooho ya Muluku khekhanle onanariwaka ni Masu Aya. Eyo enrwa Mmasuni Mwaya. Moone, owo okathi wothene onnitthuna. Santu eekeekhai a Muluku onttthuna otthara olikanyiha eluluwanyelo. Ayo, mulopwana.

152 Miyo kintthuna kilakiherye. Miyo kintthuna Erooho Yoowaarya ekireerihe mwa itthu siniiraaka sikhanelle soovonyeya. Nkinthuna hat'etthu yooranttela. Miyo—miyo kintthuna etthu y'eekeekhai ahiiso hata etthu, mukihye paahi mekhaaka, muhi—muhikinnye hat'etthu nnakhala. Munnona? Okhala wira kaamuthanla wira yeeyo ohikhanle oruha oveehiwa wa Kristu.

153 Ni nkaarowa wiixuttiha etthu ni nkaarowa ohimya etthu ehikhanle Yoolempwa . . .

154 Nto vakhala wira munna mmosa, munna mmosa muKristu aamukoona kiixuttihaka etthu evonyeiye, kaamuxukhurela owo okiihanela epantte emosa nuumala muteko w'okokhorela, ni wira, "Munna Branham, kaatthuna kirwe musaala mwanu kilavule ni nyuwo, nyuwo moovonya mwa etthu emosa." Munnona? Miyo—miyo vekeekhai kaamuxukhurela yeeyo, munna, okhala wira kintthuna kikhale oratteene. Kintthunaaka.

155 Vano, hiyo othene nintthuna nikhaleke oratteene, tivo nintthunaahu—nintthunaahu olavula itthu iya. Ni sihaana orwa ovira mwa Yoolempwa, moone, wira sikhalihe Yoolempwa wiiwanana.

156 Vano, olavula ilavulelo waahaana okhala . . . Vano, okathi vakhani ohoolo . . . Vano, ehiiwe, okathi vakhani. Moone, kaamootumereryani wira muhiye ekhale. Wa nyuwo arumeyi vano, nyuwo mapastore, muhiye siiso paahi mpakha anamwane ala yinnuwe vakhani paahi. Vano, khino, naanaano wala ohoolo waya, vakhala wira ti nwanani oneererya omoototha mutthu uwo, eyo enimwiisooniherya. Khanikhanle ookupalixa.

157 Vano, nuumala yeela, muhinatthi opacerya yeela, mphwanye erooho y'ankhili mmo, othokorerya wa irooho, moone, wira musuwele. Etthu yoopacerya, munsuwelaanyu, munoopacerya oweha wira mutthu onoopacerya wona wira yookhala etthu yaamukhaani evonyeiye, iwo olamula sa mmurimani. Vano, ni mwaan'owo okathi vakhani. Munnona? Vano moonaka olamula sa mmurimani ovonyaka, nto mulokihe yeeyo. Nto vakhala wira etthu iyo . . . vakhala wira ti ya Muluku, enoovilela olakiheriwa ni Masu. Munnona?

158 Niire, ntoko nlikanyiho, kinrowa ohimya wira noolavula ilavulelo, mutthu, hiyo nri . . . nla n—nikhuru n'atthu arina soovaha. Ni Leo khivenya khulavula ilavulelo; vano, ni munna mmosa va, Willard, khutaphulela. Vaareera. Vano, kintthuna kihimye wira Munna Neville ni Munna Junie ni Munna Little ni Munna Willard Collins yaari alipa-oolamula, munnona. Vano, okhala wira Leo oolavula . . . Vano, hiyo nri va ntoko muthukumano wa masantu, muthukumano wa soovaha, ni Leo khulavula vano Willard khutaphulela va, nto owo khwira, "SIISO ANIHIMYA T'APWIYA! 'Namararu ohiyu onnoorwa muthiyana va ni onrowa o—owo onrowa okhala oowali. Mmuleele Munna Branham wira ohimpwapwele, okhala wira owo oroovahuwa. Masi mmuleele wira amuroihe vanloothoni, okhala wira waari vanloothoni owo oiralyaawe etthu yootakhala emara emosa vano etthu khata khwiiraneya." Munnona? Eyo enniiweya oratteene, kahi siiso? Munnona? Vaareera.

159 Vano, masi naanaanoru, moosuwela, mwa Yoolempwa ya Khalayi, hata wira profeta aahimya exeeni wala etthu

mutthu mukina aahimyaawe, yaahaana wehereriwa ni Urimi Tumimi, toko. Moone, yaaroweliwa Masu. Vano waarya iwe waahiphanime, awo yaamuhiya meekhaaya. Munnona?

¹⁶⁰ Nto etthu yoopacerya, vano, oroiha Mmasuni. Vano, mulopwana *ola* oolavula ilavulelo, ehiiweya vooreera. *Ola* ootaphulela, ehiiweya vooreera. Masi Masu ahimmye wira, “Awo ephukiweke n’aphuki anli wala araru, toko.” Muroihe wa Urimi Tumimi.

¹⁶¹ Vano, etthu yoopacerya, Willard Collins onimwiira, “Yaari y’Apwiya.” Junie oniira, “Ti y’Apwiya—Apwiya.” Awo aili wa araru. Vaareera, enoolempwa vapapheloni, elavuliwe vaava mukereja muumu. Vano atthu yaiwa osommwa ela ehinatthi wiiraneya, vano nto khoona wiiraneya, awo aniira, “Munna, owo Mulukuu! Moone, owo Mulukuu!”

¹⁶² Masi ankhi yaahiiraneye, vano exeeni eniiraneya? Munnona? (Vano ninoophiyerya etthu ekina kaakhanlyaaka olakiheryaka vaava, “S’oprofeta sothene ti...itaphuleliwo sothene ni mitthaka ti soolaleerya s’eprofeta?”) Vano, minuutu mmosa paahi. Vano, ankhi yaahiiraneye? Vano *Leo* olavunle mwa erooho yoowootha; *owo* otaphulenle voowootha; ni *nyuwo* mulamunle voowootha. Vano mukumihe etthu iyo eriyari anyu. Nyuwo khamunthuna eyo. Ti yoovonyeya. Muhiye meekh’aya. Owo ti xetwani. Munnona? [Nipuro vahiitthu mufiitani—Mol.] “*Miyo* nkihiyo mulaleyi, masi miyo ka mu—miyo ka mulipa—ootaphulela. Moone, miyo ka mulipa—ootaphulela, Pwiya, miyo—miyo nkihiyo mulaleyi. Miyo . . .” Munna *Leo* aamwiira, “Pwiya, miyo nkihiyo mulaleyi, masi miyo—miyo kookhalana yoovaha ya ilavulelo ni xetwani ookitepanya mwa yeeyo. Muluku, mukumihe etthu iyo mwa miyo.” *Nyuwo* mwaamwiira, “Pwiya, Nyuwo mookivaha erooho yo olamula sa mmurimani, ni miyo koowoonani Nyuwo wira siiso imaara sinci-ene, yiireiye sayi? Tithi, mukuukutthe! Exeeni ekhumelenle?” Moone, eyo eri vo, vano mookhalana ele y’ekeekhai.

¹⁶³ Moone, owo waarowa okhala muthukumano w’atthu oowaarya voolimaleleya. Kinoona wira yaari siiso mBibiliani, okhala wira Paulo oohimmye wira, “Mmosa alaleerya nto etthu elaleeriwaka, etthu khukhala . . . ni etthu khuupululeliwa mmosa okilaanthe; owo amaale mpakha ola alavule toko, vano owo onoowerya olavula. Ni nyuwo *othene* munoowerya olaleerya s’eprofeta mmosa-mmosa.” Vano, khivaaweryaneya okhala vamuthukumanoni woolimaleleya, moosuwela eyo, khula mmosa khaarowa owerya siiso soovaha.

¹⁶⁴ Vano, wira nikupali wira eyo ti ya Muluku, moone, okhala wira wakhalaru ololo paahi kahi ya Muluku. Yaahiiraneye, kahi ya Muluku. Munnona? Ehaana wiiraneya. Ni—ni tivo mukereja mwahu, moone, munna, hiyo nookhalana ekereja yoolipa nto,

moone, vaavo ohikhanlyaaawe mutthu onihimya wira khenatoko ohimmwa etthu wala wiiriwa . . .

¹⁶⁵ Nkawehani etthu eyo enikihelaaya-vo, okathi onkhalaaka iwe ohoolo w'atthu. Nkawehani yeeyo! Ankhi yaakhanle yoovonyeya emosa mwa yeeyo? Munnona? Okhala wira miyo kimmuroromela Yoowo. Munnona? Miyo kimmuroromela Yoowo. Mutthu mmosa oniira, "Nyuwo munnoova ovonya, Munna Branham?" Nnari, nnari, ah-ha, nkinoova ovonya. Miyo kinnimwaamini Yoowo. Owo ti Mukhapelelo aka. Miyo kinirummwa wira kiireke yeela tivo kinookhala vaavo.

¹⁶⁶ Vakhala wira Muluku ohootthokiheryani wira etthu, vano Owo ti Mukhapelelo anyu. Moone, Owo onimookhapelelani. Vakhala wira Owo ohoorumani, Owo onoolipiherya nuulumo nanyu. Nyuwo mwa namuhupi nto. *Nyuwo mwa* namuhupi ni yoovaha ya ilavulelo; *nyuwo mwa* namuhupi ni yoovaha ya olamula sa mmurimani; ooraaru anyu. Munnoona entthunaaka ohimya? Vano murina exeeni? Nyuwo murina ekereja yoolipa. Khimwaarowa woova. Keemenle-ene, ayo, nsana paahi . . .

¹⁶⁷ Nno, miyo kaari vamuthukumanoni nno. Mwammiravo mmosa mwInkelesi a Inklateera aarwiye nno, aatthuna wiisiiva. Munna Banks khurwa vale khwira, "Owo aari vale mahiku maxexe wala mathanu." Nkaareerane itthu soowiira, masi owo khwira, "Mmiravo owo onrowa wiisiiva." Oteeli Waterview iwe kaaleeliwa mukhalelo wa mmiravo owo.

¹⁶⁸ Vano miyo khuvolowa mpaani wira kinvekelele. Miyo khukhuma khwira, "Vano, Munna Banks, miyo nkinatoko omoona mulopwan'owo wala nkinsuwela hat'etthu ya yoowo, masi kinrowa wooleelani etthu evonyeie ni yoowo kihinatthi ophiya iwe." Eyo ekeekhai, Munna Banks? Nto vaphiyalyaahu iwe, Erooho Yoowaarya khukhuruwa khimuhimeerya etthu yiirihale ni sothene sa yoowo, ni vatthu vaakhanlyaaawe ni makhalelo awe othene. Owo aahalela, ohileya.

¹⁶⁹ "Khamunoova ovonya, Munna Branham, mwaamuleelaka mutthu etthu siiso?" Ankhi vaplataforma, omuleela mulopwana wira owo onikhala voohiroromeleya ni amwaar'awe, ookhalana mwaana ni muthiyana mukina? Owo onimoohelani mukalapooso. Vanreerela mukhale oolikana! Munnona? Munnona? Muhoove, akhala Muluku. Masi mwaahooveke . . . Mwaahi—mwaahisuwele wira Mulukuu, vano mukhale oomaala mpakha musuwele wira Mulukuu. Eyo ekeekhai? Mukupali wira muri a ekeekhai vano nto mukelele ohoolo.

¹⁷⁰ Vano, ola mwiixuttiho woolipa, munna, masi nyuwo mwa axinn'aka. Nyuwo—nyuwo—nyuwo mwa arumeyi amiravo munikela, nto miyo ka mulopwana mutokweene, kinrowa okhuma nimosa wa mahiku awo. Munnona? Tivo siiso mukupali wira ti—ti yoolikana.

171 Kikhumaka musaala wa . . . Khino kinoolavula yeela ohoole vakhani. Mmiravo mmosa. . . Ahe, miyo kinoohimya epantte ya yeeyo vano. Nsana, Munna Banks ni miyo, khinaareerane muteko, (oh, wulu) kitthimakaka mpakha ohiwerya-tho, ni miyo ki—miyo kinimooleelani enrowaaka wira muthukuman'ola. Leo ni Gene ni nikhuru na hiyo naarowa orowa iwe, ni axinna, ni wira naarowa oxaya ikuluwe, waaxaya oophako. Aakhalaniwa mahiku mathanu wo waaxaya oophako, wArizona, mithukumano nuumala, muthukumano ahu ommalaaya. Ninoorowa oPhoenix nihiku nimoso, ni nihaana olipelela mahiku mathanu nihinatthi okhalana mukina, mahiku maxexe ehinatthi okhalana muthukumano mukina wa nipuro pi nipuro. Nihaana okhala weiwe wArizona. Ahe, eniiraneya wira okathi ene yoowo entthukuliwa ehuhu ya oophako.

172 Tivo miyo katthuna orowa woopa erifle aka, wira koone vakhala wira yaari yoolikana. Banks aarowa ni miyo. Nipacerya okhuma vamukhora, nipacerya okhuma vamukhora. Va onoorwa mulopwana mmosa eettaka, oliyalaka nipawe nle (moone, naahimya wira, "Xontte muhimukohererye Munna Branham").

173 Moone, etthu awo aniirelaaya yeeyo . . . kahi mwaha wa atthu anwereiwa. Wulu, nto owaani, mmukohe Banks, owo onkhala mukhora ontharelana owannyaka. Atthu anrwa, othana n'uhiyu n'itthu sothene sikina, n'anamwane aretta, sothene. Hiyo khinnamukhooteke mutthu siiso. Masi . . .

174 Vano kinimwiihaniwa, Leo n'akina, okhuma oskiritooriyu, ni Jim n'akina, "Ookhala mutthu va orina mwaana onwereiwa. Ni ookhala mulopwana va orina kankuru." Hiyo nnoohiya ithu sothene wira nimukhaliherye.

175 Nsana ohiyu kaahiihaniwa musaala wa oxipiritaali weiwo mutthu aakiihann'awe, vano mulopwan'owo khaatthuna hata okihiya ovolowa vaphiyalyaaka iwe. Moone, mutthu mukina paahi oowuukhuwa. Masi vaareera, miyo kinoorowa khula enamuna. Munnona? Okhala wira ti muteko aka orowa, moone, ni ophavela omukhaliherya mutthu.

176 Ahe, nipawe nlo niwoko naya khanihiyo nenlo. Masi mulopwan'ola, okathi waawelaahu mukaaroni, ni Munna Banks onnisuwela wira kaahaana o . . . Miyo kaahiwehererya mpaani mme mwa enamuna emosa. Aahikhala mutthu mmosa aarwiiye wa Munna Banks khumpisiha. Vano aphiyakaruru iwe, miyo khweemexiwa. Vano naanaanoru nimalaka-ru okuxa erifle ahu khunavolowa mukaaroni, va onoorwa mulopwana mmosa ovolowaka. Owo khuvolowa.

177 Nto miyo kaamwiilikanyiya wira kimuleele wira arowe alikarele nummeru nle vale (BUTler2-1519) naalempwe vanipaweni. [Numero na telefooni nihaakakhanyiya.—Mol.] Miyo khwira, "Ninimwaakuva."

Khwira, "Kinoona wira munimwaakuva, mulopwana."

Miyo khwira, “Nsina naka . . .”

178 Yoopacerya miyo khurwa, owo khwira, “Ehaali anyu?”
Vano miyo khoona wira owo khaasuwela kaari pani.

Miyo khwira, “Nsina naka ti Branham.”

Owo khwira, “Nyuwo mwa Munna Branham?”

Miyo khwira, “Ka yoowo.”

179 Nto owo khwira, “Miyo—miyo ki . . . Miyo kaatthuna woosuwelani, Munna Branham.” Khwira, “Kinnoona wira muhanle okhuma.”

Miyo khwira, “Ayo, mulopwana, ka yoowo.”

Owo khwira, “Koosuwela wira munimwaakuva.”

Miyo khwira, “Naanaano va, mulopwana.”

180 Nto owo khwira, “Ahe, miyo kaatthuna paahi olavula ni nyuwo minuutu vakhani.”

181 Nto miyo kaahalela orwa omuleela paahi; nto Erooho Yoowaarya khwira, “Mmuroihe mpaani, munoowerya omukhaliherya.” Vano, vo, eyo ennirukunxa itthu sothene. Kapwitthi khuhala epantte aya, n’itthu sothene siiso, muteko wa Muluku ti woopacerya. Munnona? Nto owo khwira . . .

182 Miyo khwira, “Murwe, murwe ni miyo.” Miyo khwira, “Miyo kinootthika nuuvira okathi vakhani, Munna Banks.”

Owo khwira, “Mwaha wa munepa aka, Munna Branham.”

Miyo khwira, “Vaareera, volowani.”

Khuvolowa mpaani, Meda khwira, “Nlelo khimunarowe?”

183 Miyo khwira, “Nnari, nnari, nnari, ookhala mutthu va.” Miyo khwira, “Mwaakhalihe anamwane ekatthi ekina.” Miyo kimuroiha musaala yaamukhaani, khukilaathi. Nikilaathikiru . . .

184 Mulopwan’owo aari mukereja nsana ohiyu. Ahiiso owo ohoorwa, Banks? Nyuwo moo . . . Ayo, ahe, owo aarowa orwa nsana ohiyu. Owo aari paahi . . .

185 Etthu yoopacerya, Erooho Yoowaarya khupacerya omuleela wira aari pani, etthu aairalyaawe, etthu yiiraneiyi mwa makhalelo awe, sothene sa yeeyo, moone, voolikana, emuhimeeryaka sothene. Banks ti namoona. Khaatthukunle eyano awe wira akileele hata moolumo oophiyaka maili; nto vale Eyo khurwa emuleelaka, khwira, “Nyuwo munnikhalaka namweettasa pure, vekeekhai munkhala oMadison. Munoomalaru orwa okhuma oEvansville, Indiana. Nyuwo munnikhalaka weiwo exikola ele ya Bibilia, muloko, khukhala ootapanyeya othene. Munoomalaru orwa oLouisville minuutu vakhani sivinre. Aahikhala mulopwana mmosa, vano mulopwana mmosa oohimenryeni (mwaakilaanthe anyu khulyaaka ni yoowo), khoohimeeryani wira murwe

nno mukumane ni miyo nto 'owo onimookhaliheryani ni mukattyamiho." Miyo khwira, "Eyo ti SIISO ANIHIMYA T'APWIYA!"

¹⁸⁶ Mulopwan'owo aakhala okilaanthe paahi, aaphilaka, akiwehawehaka, khwira, "Ayo, mulopwana!"

Miyo khwira, "Ehootikinihani, kahi siiso?"

Owo khwira, "Tthiri."

Miyo khwira, "Munnaamini Erooho Yoowaarya?"

Owo khwira, "Kinnitthuna, mulopwana."

¹⁸⁷ Nto miyo khwira, "Muntthuna wira kooleleni etthu enuupuwelaanyu?"

¹⁸⁸ Owo khwira, "Ayo, mulopwana." Vano miyo khimuleela. Owo khwira, "Nto, munna, eyo ekeekhahi."

Nto miyo khwira, "Murukunxe miyuupuwelo sanyu."

Owo khwira, "Vaareera, kiihira."

Miyo khwira, "Ela t'ile enuupuwelaanyu."

Owo khwira, "Eyo ekeekhahi! Ti yeeyo!"

¹⁸⁹ Miyo khwira, "Vano, khivantthuneya yoowoona, vantthuneya wiireherya." Ni kimuleela etthu vale nyuwo mwararowaanyu otthuna wira kooleleni. Mwaari mwa nyuwo, khimwaarowa otthuna. Eyo etthu yoonanara yaari yowoopiha, tivo nyuwo khimwaarowa otthuna wira miyo kihimye vaakhanle wira yaari ya nyuwo. Ni nkinihimya ele Apwiya anikoonihery'aya ya athu. Vano miyo khwira paahi, "Vaareera, munimwiira?"

Owo khwira, "Kinimwiira."

Miyo khwira, "Yoorereleni."

¹⁹⁰ Hiyo naari vale voohivikana minuutu muloko, khiyaari siiso, Munna Banks? Ntoko, eriyari ya minuutu mithanu na miili ni muloko. Nitthikela okhuma, khukhuruwela ephiro, khurowa nikhuruwelaka ephiro, owo ni miyo ni Banks ni mwan'aka mwaamukhaani, Joe, kookupali aari yoowo, naarowa hothe, nimuttharaka rampha. Owo khukirukunuwela, owo khwira, "Mwenye, kintthuna kookoheni etthu."

Miyo khwira, "Vaareera."

¹⁹¹ Owo khwira, "Miyo kootikinihiwa vakhani." Owo khwira, "Musuwenle sayi itthu sothene iye sa miyo?" Munnona? Banks aakhalaanthe vaavo.

¹⁹² Nto miyo khwira, "Mwenye, nyuwo mootoko wiiwa ohimmwa soowoona saka ni muteko aka?"

¹⁹³ Owo khwira, "Miyo nkinasuweleke nsina nanyu mpakha ewoora emosa evinre. Ookhala aakihimenrye, siiso muhimalyaanyu oLouisville wu, khukileela wira kirwe weno,

nto kilapuwa muthato.” Eyo ekeekhahi, Banks? Owo khwira, “Miyo hata nkaasuwela nsina nanyu, nkaasuwela nyuwo mwaari aani.”

¹⁹⁴ Miyo khwira, “Mmutekoni mwaka, eyo yoovaha ya Muluku Owo ovelelihenry’awe.”

¹⁹⁵ Owo khwira, “Vano vakhala wira eyo—eyo ti enamuna ekhanlyaaya,” khwira, “vano miyo ki...” Khwira, “Miyo paahi ka...Miyo kiri saana vano,” owo khwira, “sothene soorowa.” Munnona? Owo khwira, “Ekhanlyaaya, ole aari Muluku alavulaka ni miyo mwa nyuwo.”

Miyo khwira, “Voolikana-ene.”

¹⁹⁶ Owo khwira, “Vano, miyo kinnisuwela mBibiliani wira... Emaara emosa kaahisoma mBibiliani ni, wira, Yesu aahilavula ni awiixutti Awe,” etthu aatthunaawe waaleela “atthu,” moone. Khwira, “Aahilavula n’awiixutti Awe ni khwaahimeerya itthu awo yuupuwelaaya.” Moone, “oonaka wira soowupuwela saya” ti yeeyo owo aahimyaawe. Owo khwira, “Nto Owo khuhimya wira yaari Atithi Awe yaalavula mwa Yoowo.”

Miyo khwira, “Ti yeeyo.”

¹⁹⁷ Owo khwira, “Vano, vano, Atithi yoorumeenleni nyuwo wira elavule ni miyo ovira mwa nyuwo, wira mukileele itthu iya, wira mukaaminihe wira mukihimenryaanyu yaari ekeekhahi.”

Miyo khwira, “Yaari ekeekhahi?”

Owo khwira, “Ayo.” Khwira, “Vano ohaana okhala Muluku.”

¹⁹⁸ Nto miyo khwira, “Munna, nyuwo moosuwelaxa ya yeeyo vano” (miyo ni Banks naamuhimya) “onnisuwelaxa waavikana atthu kamosa-kamosa ankhalaka mmithukumanoni mwa miyaakha muloko nave nnakhala vo khansuwela.” Ole paahi—mulopwan’ole! Vano, ti yeeyo. Munnona?

Ni Erooho (vooreerihela) mwa ilavulelo ti olaleerya s’eprofeta wira orumeeliwe muteko w’okokhorela wiiraneyaka?

¹⁹⁹ Nnari. Waahaana orumeeliwa enamuna *yeela*, nto nuumala *ohimmwa* vamutekoni w’okokhorela. Masi wa okathi ula, wa okathi yoola ola, ehiiwe elavule. Vano, vakhala wira enookhuma vooheettihereya, vano kuhiyo, muhaana oweha saana yeeyo. Vano, imaara sikina vaamuweryaneya okhala Muluku. Ni axikhaani awo, ari ntoko mwanamwane mwamukhaani omphavela weetta, vano, owo amora vale imaara xexe wala thanu... Vano, miyo kinnoonaka yeeyo okhuma okathi oyaaka vaava mukereja, ni—ni, ahe, miyo ki—miyo kinoohiya eyo siiso. Munnona? Ni, masi, moone, masi anki iyo, mwaamwiira nto, “Munna Branham, muhinilokiheryani yeela?” Nnari, nnari.

²⁰⁰ Okathi Billy Paul vale opacenryaawe weetta, aamuvenya n’umora, aakhalaxa vathi ovikana weemela. Masi owo

khaasuwela moota wo weetta. Masi kaanaamini wira aahikhalana yoovaha ya weetta. Munnona? Miyo kimuhiya wira eette okathi vakhani. Vano nto opacenryaawe wiikwattula inawu sawe suulupale, vano kinnimulokiherya. Munnoona entthunaaka ohimya? Munnona? Eettaka awehaka etthu ekina ni aikwattulaka, miyo kiniira, “Venxani inawu sanyu, mmiravo. Muri vayi?” Munnona? Vano, eyo—eyo t’evirikanelo, moone.

²⁰¹ Vano, mwaahiye—mwaahiye yiikwattule ni mwaahiye ekumane ni ikhottiheryo okathi vakhani. Vano, okathi orinaanyu waalokiherya, awo yaanyemaka weeso musuweleke wira khaari Muluku. Okhala wira Erooho ya Muluku ti yoowiiwelela. Ntoko sirinaanyu va vakhani wira, “Erooho y’eprofeta eniwiwelela maprofeta.” Munnona? Ti yeeyo.

[Munna Stricker oniira, “**Munna Branham, kaanithuna olakiheriwa.**”—Mol.] Vaareera, munna. [**“Imaara sinci-ene kookhala mmitekoni s’okokhorela ni kihiiwa olavuliwa ilavulelo ni otaphuleleliwa, ni imaara sinci-ene kihiiisoono ohikhala saana vanci-ene wa yeeyo. Vano kaanirowa owaani ni kaanikhala ntoko oowiiniwa murima ephiro yothene. Yaari mwaha wo wira koono wira khayaari ya Muluku, wala yaari wira yaari yoohilikana?”**]

²⁰² Vaamuweryaneya okhala, munna, vaamuweryaneya okhala emosa aya. Munnona? Miyo kaamwiira . . . Vano, ola ti—ola ti miyo William Branham, moone; mpakha kikele mwa Yoolempwa, vano, nlelo ti miyo, moone. Vano, ela miyo kaamuhimya, Munna Stricker, wira vaamuweryaneya okhala emosa aya. Vaamuweryaneya okhala yoohilikana; vaamuweryaneya wira yaari etthu yaavonyeiye ni nyuwo; vaamuweryaneya wira yaari etthu yaavonyeiye ni mutthu uwo; etthu evonyeiye ni mutthaka; wala etthu p’itthu yaarowa owiirihani nyuwo *ohoono* saana.

²⁰³ Vano, vano, mukihye kookhaliheryeni, vakhani va, Munna Stricker. Munnona? Okathi wothene . . . Muhikhalakhale mulamulaka etthu p’itthu mwaha wa miyoonelo saya, moone. Mulamule ni mikhalo saya, moone; khula etthu eniima mihokorokho, moone. Okhala wira imaara sikina . . .

²⁰⁴ Vekeekhai, hiyo ninnisuwela wira sookhala itthu sinoonaanyu, moonelo ole wo woova. Miyo kootoko okhalana, nto, mmiravo, kinoopacerya wiihuluxa naanaanoru—vookhweya-vo, voolakeya. Masi nkinihimya etthu. Kinoohiya paahi meekh’aya okhala wira nkinsuwela etthu yaakhanle okhalaka, moone, mpakha *kisuwele* exeeni iyo.

²⁰⁵ Vano, ntoko atthu anci-ene anihimyaaya, “Whish! Munna, koosuwela wira kihaana Erooho Yoowaarya! Aleluya! Attotopeliwe Muluku!” Nave awo nlelo khiyaarina Erooho Yoowaarya. Awo yaaniwerya olavula ilavulelo, ni itthu sothene sikina, ni okhuwela ni wiina mwa Erooho, nave nlelo khuhikhalana Erooho Yoowaarya. Okhala wira epula

ennimurupela naxariya ni ootakhala. Kahi ni miyoonelo, onkhala ni *mihokorokho* saya.

206 Muniira yookhala e... Munnuupuwela yoowoona aka ya yeeyo? Moota eyo... aHeperi 6, moone, “Etthaya enrupeliwa epula imaara sinci-ene wira enaanihe, ennireerihiwa, masi miiwa ni malaxi oonanara khasirina muteko emalelo aya opahiwa.”

207 Kileveleliwe, kinoohiya okela ettheke vakhani, koosuwela wira nyuwo othene moopacerya orupa ni okhulumuwa. Tivo vano, mulipelele, kihaana waakuva vakhani mwa seiya ahiiso nkinrowa owerya omaliha. Ela ehaana... Nihanle omaliha mwa mulipiheryo wa—wa yothene eyo, nikuphi nla va. Masi awo... Moone, e... .

208 Va eri e—ematta yoosareya etriku. Ni mmatta mwemmo ohaaliwa mwiri woowunkha, miiwa, wala sikina, nthakataka. Ahe, ehoorwa eyuumu. Vano, mwiri woowunkha ni miiwa khasinvoliwa ntthona ntoko etriku? Ni muthinto xeeni wa epula ori... epula y’omeekha enrupela etriku vano nto epula y’omeekha enrupela miiwa? Eyo ekeekhahi? Nnari, epula emosaru enrupela soopiili. Eyo ekeekhahi? Erooho emosaru enimmorela namirima miili enimmorela muKristu, etthu emosaru. Masi ni “mihokorokho” saya! Eyo ennikela, axinna?

209 Eyooniheryo ya Erooho Yoowaarya ti muhokorokho wa Yeeyo, muhokorokho wa Erooho. Ahe, eyo... Ahe, vano, nyuwo muniira, “Miyo ka erikittili, miyo ka nthakataka. Miyo ka erikittili siiso ntoko etriku ile ekhanlyaaya erikittili.” Masi enamuna xeeni ya makhalelo eri mwa nyuwo? Makhalelo ari mwa yeeyo aniimiha miiwa, kweekwe mwaakhulanaka ni muulumelaka, ni “oonyakula,” ootakhala ni oowali, ni sothene. Munnoona entthunaaka ohimya? Owisoona, moone, owo kuhiyo muhokorokho wa Erooho. Muhokorokho wa Erooho ti wiyeviiha, ovilela, oreera murima, moone, sothene iyo. Munnona?

210 Owo pooti ohimya wira, “Ahe, kinniwerya okhuwela voviituperya ntoko sinwery’anyu. Attotopeliwe Muluku, Erooho Yoowaarya ennikikhuruwela!” Yothene eyo pooti okhala ekeekhai volikana, masi makhalelo owo ontharaawe khanlipiherya etthu owo onihimy’awe. Munnona? Owo aari nthakathaka, owo aari nthakathaka opacerya wene.

211 Vano, ninrowa okela mwa yookoha emosa yuulupale vano, moone, enihimya *othanliwa*, moone. Tivo eyo... Muhaana okhala yeeyo. Nyuwo munnisuwela saana yeeyo.

212 *Awo* yaari mwiiwa opacerya wene; *owo* aari etriku opacerya wene. Vano waari okathi wa eyuumu; epula ennimurupela naxariya ni ootakhala. Ayo, muhiiwa saana?

[Munna mmosa onookoha, “**Ankhi mihokorokho sa mulaleyi, o... onlaleya Masu?**”—Mol.]

213 Wira, mulaleyi, nlelo, owo eemenle vale onalaleerya Masu ntoko Nlaikha nuulupale, moone, osuwela miirrirya sa Bibilia, ni okhala pastore oophwanela saana, onrowa waaxekurya atthu ni itthu siiso, vaamuweryaneya owo opweteya nlelo. Munnona? Ti mihokorokho sawe sinooniherya khula okathi, munna. Munnona? Owo, hata wira oreerale sayi murima wala ele okhanlyaawe, owo ohaana okhalana Erooho Yoowaarya mmakhaleloni mw'awe. Munnona?

214 Vano, Yesu khohimye wira, "Anci-ene animoorwa wa Miyo nihiku nle yiire, 'Pwiya, miyo nkilaleiye s'eprofeta (koolaleerya) mwa Nsina Nanyu, ni nkipanke miirriya mwa Nsina Nanyu?'" Owo aahilavula ilavulelo, owo aahipaka miirriya, aahitaphulela, itthu sootikiniha sa Muluku, ni itthu sothene iyo vo; Owo khwira, "Mukhume wa Miyo, nyuwo muniira sootakhala, Miyo nkinatoko woosuwelani." Munnoona entthunaaka ohimya?

[Munna Taylor onookoha, "**Ankhi mutthu oniruuha mu—mutthaka woovonyeya? Kinihimya wira, owo—owo onuupuwela wira ori saana masi onlaleya etthu yoovonyeya.**"—Mol.]

215 Ahe, kinnaamini wira mulopwan'owo naxariya, ntoko munna okilaanthe va aathuna othika. . .wira alokihe itthu iya siiso. Mulopwan'owo akhala oothanliwa a Muluku, ni wakhalaru okathi oniruuheliwaawe Ekeekhai, owo onoo—owo onookupali Eyo. Moone, "Ipwittipwitthi Saka sinnisuwela Nsu Naka." Nyuwo vathi- . . .Munnoona entthunaaka ohimya, Munna Taylor? Eyo t'ile mwaakohaanyu? Munnona?

216 Vano, mwa nlikanyiho, niireke Munna Crase—Crase—Crase, nihimye wira aari mulaleyi muPatista ni owo khaatonko osuwela etthu ya opatiiso wa Erooho Yoowaarya, nnakhala khaasuwela hata emosa wa itthu iya, soovaha sa Erooho, ni aari mulaleyi ooloka, oororomeleya muPatista. Munnona? Masi naanaanoru, Ela khimurweela. Ni kinnaamini wira khula mwaana a Muluku onookhala. . .khula okathi onookumiha ntthavi mpakha Owo omphwanya. Omwene khokhanle orwaaka mpakha Otthuna wa Muluku omaliheriwa. Ti yeeyo. Ni khaavo hata mmosa onrowa opweteya, moone. Vano, moone, ti siiso.

217 Ni Omwene wa Wirimu onlikana ni mutthu onrihela ntthavi mphareya khupurula. Vapurunlyaawe, aahikhalana mithinto sothene. Owo aakuxale ihopa, vano akasa ni akhapa khutthikela mmaasini. Owo khurihela-tho, khukumiha-tho, khino khukumiha ehopa emosa. Masi Owo aahitthikela arihaka ntthavi mpakha sothene okumihiwa. Munnoona entthun'aka ohimya vano?

218 Masi ehopa ele yaari ehopa woopaceryani. Yaaheliliwe paahi muteko wa Mwiixuttihi, eyo yaari yothene, aahenle ntthiya nikina naari noolokaxa, nowooneelaxa. Masi Owo nlelo

aathikela arihelaka ntthavi vantthiyani va va anaphulu mpakha okumiha vathi wothene wa nenlo. Munnoona entthunaaka ohimya? Munniwa entthunaaka ohimya, Munna Taylor. Mwaahaana osuwela ni nle nawinyu iwe.

Vaareera, vano:

113. Owo oni . . . Owo okathi wothene onniwerya weettiherya Erooho wa okathi ni moota wo wira?

²¹⁹ Ayo, mulopwana. Ayo, mulopwana, Erooho Yoowaarya enneettiherya. Ayo, mulopwana. Eyo enniweettiheryani ni nyuwo munneettiherya Eyo, ni Eyo khenrowa woopakihani nyuwo etthu yoovirikana ni Yoolempwa. Eyo enimwiira. . . “Erooho kheniiseettiha voohiloka.” Ti yeeyo. Vaareera.

²²⁰ “Wa ole onoophentani. . .” Ayo, eyo eri—eri nipuro nla. Vaareera, vano ninrowa otuphela ekina va noone varyaahu.

²²¹ Vano, kinoona wira eyo yaahikhalana mulipiheryo. Vano—vano, kaasomaka iya vano, yakhala yookoha. . . Yaahikhala-tho yookoha wa yeela? Hiyo othene ninniiwa saana? Hiyo ninnisuwela moota onaamini ahu Yeeyo vano?

²²² [Munna mmosa oniira, “Kookhalana yookoha emosa.”—Mol.] Mukeleleke ohoolo. Mwa yeela va nlelo? Vaareera. [“Ayo, mwa yeeyo. Kaamuhoverya, masi. . .”] Muhihoveryeke, ela e—ela e. . . [“Nyuwo mwaalavula mwaha wa mutthu aalaleya, nave owo aahilaleyeke Mutthaka Kristu oruhaly’awe, ni voohicala etthu zeeni eniiraneya mmutekoni mw’awe. Owo akumana-ru n’Ekeekhai vano onakhoota Yeeyo, nto exeni?”] Owo oopweteya. Kileveleliwe vakhani paahi wira. . . [“Voowaasa otthommwa wala otthokiheriwa ohinatthi opattuxiwa olumwenku.”] Eyo ekeekhai. Eyo ekeekhai. Munnona? [“Vano, ntoko saarowaahu ohimya, owo khaari wira okhale siiso?”] Khayaarowa okhala siiso woopaceryani, moone. “Awo akhumale wa hiyo okhala wira khayaari awihu.”

²²³ Mwa nlikanyiho, ntoko nla, etthu emosaru mwa aHeperi 6. Munnona? Atthu antaphulela Yoolempwa eyo voohilokaxa, awo anupuwel’aya wira ti “yoohiweryaneya.” Owo oirale, “Khinweryaneya w’ale yaatonko omwaleeliwa khwiira mpantte wa Erooho Yoowaarya, awo yamora.” Moone, awo khaniwa saana Eyo. Owo oniira, “Khinweryaneya w’ale yaatonko omwaleeliwa yiirale mpantte wa Erooho Yoowaarya, khumora yaawo ohokolowela-tho orukunuxa murima, woonaka wira annimukhomela-tho Mwaana a Muluku emulihihaka muru ohoolo w’atthu; ekhalihaka Ephome yo waataana yeeyo Owo okhomeliwaawe-no ‘etthu yoonanara,’ aruwanne miteko sa mahala.”

²²⁴ Ahe, wa miyo, owo muupululo. Vekeekhai. Ori ntoko Miteko 2:38, ni Miteko. . . ni Matewu 28:19. Muhaana ovara Eyo paahi, moone.

225 Vano nkawehani, ela eri va, etthu emosaru. Ahe, vano, owo onlavula n'aHeperi. Munnona? Vano mutthikele musomaka ekapiitulu, munoophiya vanihimyaawe wira, "Okhala wira eyo etthu yoowoopiha ohukhummwa—ohukhummwa ni Muluku mukumi." Vano, va ori mulopwana mmosa siiso ntoko mulipaoowaamini a mmukaanoni. Va, va yookhala e...Va, etthu emosaru yaari va, ethoonyeryo yoolikana kinoonaaka mmuruni mwaka.

226 Muluku aahimwiihana Isarayeli okhuma wEjitu. Atthu ala othene yaahikhuma, khula mmosa a yaawo aahivuluxiwa, khulapuwa Ephareya Yooxeerya ekelaka mothakoni. Eyo ekeekhai? Ephareya Yooxeerya...Okathi yaalikanne aya, yaahiiwa mutthaka wa Moise, khupacerya weetta, (okhalihwa naxariya) awo khurukunuwa, khupacerya va.

227 Khuphiya Ephareya Yooxeerya, (Ephome), ni khulapuwa Ephareya Yooxeerya, nto ottuli waya makapataaxi othene yaahimora, ookhwa. Awo yaari ntoko mahiku oophiyaka mararu paahi wira ephiye muttethe wa natiri okathi ene yoowo. Munnona? Ti yeeyo tu awo yaary'aya, soohihipiya ikilomo miloko mithanu na mosa ni xexe, moone. Vano awo yaari vale, mahiku maili paahi yaamwiira aphiyaale-ene vookhweya.

228 Ti yeeyo miyo entthunaaka olaleya oPhoenix mahiku vakhani okhuma vano, omuthukumanoni w'Alipa a Nakoso, *Ekhalaka Vamwaako va*. Masi Owo aahaakhalaha vaavale miyaakha miloko mixexe okhala wira awo...Uh-huh! Munnona?

229 Vano awo yaahiphiya mwa yeela khuweha ottuli, (ooreerihwa), "Oh, aleluya! Attotopeliwe Muluku! Avuwihwe Muluku. Aleluya! Vale emphwanyaneya etthu ya khalayi yaakihaxaka, ehookhwa. Asikaro a khalayi khaavurakaaka nkinaatthuna. Aalikoro a khalayi kaanwuryakaaka othene ori ephareya yooxeerya ya Ephome ya Yesu Kristu. O avuwihwe Muluku! Aleluya!"

230 Khula mmosa a yaawo aahiphiya va, awo aninweha Kanani vano, aamulapuwa Yordani. Ahe, owo aamukunxe murummwa a khula nihimo. Eyo ekeekhai? Vano owo khwaaruma. Ahe, akina aya khwira, "Ah, ah, ah, khaninwerya wira. Nnari, eyo—eyo... Vano, hiyo ninoooneya ntoko isoope w'awo!" Munnona?

231 "Vano, enamuna xeeni ya ekereja kaarowaaka olaleya-wo vaakhanle wira kaaixuttiha Erooho Yoowaarya ni itthu sothene iyo siiso? Vano, kaamukhalana ikhukulu s'ohikhala etthu. Atthu aka aMetotista yaamukhuma, atthu aka aPatista, maPrespiteriyaano." Mwaahiye ekhume. Awo yaari ipuri opacerya wene! Nyuwo munthuna ipwittipwitthi, moone. Munnona? Khamunsukiha ipuri. Musukiheke ipwittipwitthi! Emphwanyiha-ni osukiha ipuri okathi...?...sikhhanle-ene ipwittipwitthi wira sisukihiwe? Munnona? Nto va—va

nyuwo muri va, moone. Miyo kweekwe kinnihimyaka wira kaamulaleerya mapotto maxexe nave olaleya Ekeekhai, Ekereja. Ayo, mulopwana, ophiya va.

²³² Masi moone vano, owo iirale exeeni? Awo yaahitthika, nto Yoxuwa ni Kalebi, ipursentu piili, wala ti yeeyo epursento. . . aili wa . . . aili wa muloko n'aaili, aili wa muloko n'aaili. Ahe, yaari muloko n'aaili a yaawo, yaarowa okhala aili wa muloko n'aaili, aili wa muloko n'aaili yaaminni. Awo yaahivolowa muttethe wa natiri, khwira, "Mmiravo, nla nipuro nooreera okhala." Yoxuwa mutokweene ni Kalebi, mmiravo, awo yaaroromela Masu; Muluku aahaavaha, khwira "ti wawinyu." Awo yaahivolowa, khwiikittha nivara nuulupale na iwuuva, nto va awo khunarwa etthempe-ene *sa*. "Nrowe, apatthani! Nla nipuro nooreeraxa! Mulawihe," moone, iwuuva soowunnuwa ntoko *saale*.

²³³ Nto, oh, mulopwana, awo yaahiwoonasa, khwira, "Ah, khaninwerya wira." Okathi awo atthinke aya, awo yiirale, "Nnari, munna, Moise ola ooniruha mothakoni mu," Erooho Yoowaarya ela, moone, yeeyo owo aathoonyeryaawe, "yooniruha va mothakoni. Nto hiyo nri va, muteko ahu wohononeya, ni khinaawerya wira ethu ntoko ele."

²³⁴ "Khutthika," moone, "ale yaatonko omwaleeliwa, khukhalihwa naxariya mwaha wo waamini, oreerihwa." Moone, awo yaahivira valtaari va aneili khuweha muttethe wa natiri. "Hiyo naatonko omwaleeliwa ni khukhala. . . khulawiha soovaha sa Wirimu." Moone, "yaalawinhe" Yeeyo. Awo yaahiruha. "Hiyo ninnoona wira Eyo ekeekhai. Hiyo vekeekhai ninnoona Eyo." "Yaalawinhe soovaha sa Wirimu, yiirale mpantte wa Ethu yeela, moone, Erooho Yoowaarya yeela, epantte ya Yeeyo."

²³⁵ "Eyo ti yooreera, mmiravo, nkanweheni mu—mulopwan'ole. Vano, koosuwela wira aari oohoona, vano onniwerya woona. Nkanweheni ole. . . Mmiravo, exeeni emwiirale mutthu ule? taani uupuwenle wira mmiravo ole iwe ahaasomme. . . vale aaphwanyaneya amwaleelaka mulaponi." Munnona? Munnona? Munnona?

²³⁶ Nto khumora, moone, ni ohaana . . . ohokolowela, otthikela-tho orukunxa murima, otthikela elaleyaka orukunxa murima ohiya ele Owo ohimalyaawe voopacerya, nihiyaka e. . . nrowe. . . Moosuwela, sa mulipiheryo wa miteko sookhwa sa orukunxa murima, ni sikina. Ninimwiira, Muluku atthuna vale, moone. Moone, hiyo ninimwiira eyo. Hiyo nnootthika ni ohela mulipiheryo ola vo, masi otthikela orukunxa murima, orukunxa murima mwaha wootoko okhala iwe. "Kinnoona othunku otoko okhala iwe," ni okhaliha Ephome yo waataana yeeyo owo oreerihaniwaawe ni ntoko Eyo wira "ethu yoonanara," ni oruwanne miteko sa mahala. Owo oopweteya, munna! Eyo ti yothene. Owo oomalamala. Munnona?

²³⁷ Ahe, vano, moone, khinweryaneywa wa mwaana oothanliwa wira yeeyo. Owo khonrowa wira eyo. “Ipwittipwitthi Saka sinnisuwela Nsu Naka.” Naihanaru oKanani wala nipuro pi nipuro, iyo sinoorowa. Munnona? “Ipwittipwitthi Saka sinnisuwela Nsu Naka.”

[Munna mmosa onookoha, “**Ni awo ahaana waamini Miteko 2:38, nave, kahi siiso?**”—Mol.]

²³⁸ Eyo yaamukuxa eyo, khula Yolempwa yothene, okupali yothene Eyo. Eyo ekeekhahi voolikana, munna.

114. Sookhala piili, so—sookhala inamuna piili soovirikana sa ilavulelo sa mBibiliani? Wookhala ovirikana wa ilavulelo sinlavuliwa moovekelani mwa omeekha, ni mukereja vaavo vanthuneya otaphuleliwa? Nihiku na Pentekosite ilavulelo saahiiwiwa ni athu a ilapo soohiyana-hiyana; masi mwa aKorinto Oopacerya 14:2, ilavulelo soohisuweliwa saahilavuleliwa Muluku, kahi athu. aKorinto Oopacerya 13:1 anihimya ilavulelo s’athu . . . (a-K-, kinoona wira awo aKorinto 13, exeeni. . .) . . . ilavulelo s’athu ni sikina sa malaikha.

²³⁹ Oh, ayo. Munnona? Ahe, eyo . . . Vano, munna, munakhaleru pani, nyuwo—nyuwo muhiisaakhula mmansinyu. Munnona? Moone:

Sookhala ilavulelo piili soovirikana? (Sookhala ilavulelo sinci-ene soovirikana. Munnona?) **Sookhala ilavulelo piili soovirikana mBibiliani, ilavulelo piili soovirikana?**

²⁴⁰ Nihiku na Pentekosite khula elapo vathi v’Erimu yaari weiwe ilavulelo saya. Munnona? Vaareera.

Ni wookhala ovirikana wa ilavulelo sinlavuliwa moovekelani w’omeekha ni mukereja vaavo vanthuneya otaphuleliwa? Ayo.

²⁴¹ Paulo oohimya va nave-tho mwa aKorinto vaavo munkohaanyu va, ni owo oirale, “Sookhala ilavulelo sa malaikha ni sookhala ilavulelo sa athu.” Vano, ilavulelo sa malaikha p’ukathi mutthu onvekelaawe owo—owo ni Muluku, meekhaawe. Masi aalavulaka n—nttaava, nihaana otaphuleliwa mukereja, wira elipihawe ekereja. “Ole onlavula elavulelo yoohisuweliwa oniilipiha mmansawe; masi ole onlavula . . . ole onlaleerya s’eprofeta onlipiha ekereja.” Vano owo oirale, “Kaamuthanla olavula moolumo mathanu n’usuwela ohikhanle ikonto miloko muloko mwa elavulelo yoohisuweliwa, ohiya, vahikhanle wira onookhala otaphuleliwa.” Vano en—enlavuliwa nto ni oprofeta yeeyo enlipiha. Munnoonna entthunaaka ohimya?

²⁴² Vano, e . . . Vano, sookhala ilavulelo piili soovirikana, s’athu ni sa malaikha. Munnona? Nto Paulo ohimye wira, “Hata kaamulavula ilavulelo s’athu ni malaikha,” moone, s’athu ni sa malaikha, ilavulelo iyo soopiili, ele ehinweryaneywa . . .

243 Vano, ti vaavo atthu aPentekosite, atthu ankuxa ilavulelo ntoko eyooniheryo aniiraaya, yaakileenlyaaya, owo iirale, “Vano, Munna Branham, nyuwo murootapanyeya othene.”

244 Khwira, miyo khwira, “Ahe, vakhalaru wira mwaakhenle voolikana ni Miteko 2:4, vano atthu othene khuwiiwani mulavulaka elavulelo ayariwaaya-no.”

“Oh!” owo khwira. Nto “Nnari! Nnari!” owo khuhimya.

Miyo khwira, “Vekeekhai. Ayo, mulopwana.”

245 Khwira, “Vano, Munna Branham, nyuwo murootapanyeya othene.” Khwira, “Munihimya e. . .” Khwira, “Sookhala ilavulelo sa ‘malaikha.’ Nlo nlaikha na Erooho Yoowaarya ninkhuruwa ni olavula mwa nyuwo.”

246 Vano, eniiweya ntoko yooreera, moone, eniiweya ntoko wira vaamuweryaneyya okhala ekeekhai yinci-ene, masi kehiyo Ekeekhai yothene. Okathi Satana omuhimenryaawe Hawa, “vekeekhai khamunkhwa,” eyo yaari e. . . owo aamuhimenrye ekeekhai yinci-ene, masi eyo khiyaari Ekeekhai. Munnona?

247 Vano, khwira, “‘Atthu ni malaikha,’ nto nlaikha owo aahimyaawe naari. . .”

248 Vano, nrowe niwehe moota ehinlikanaaya ni Yoolempwa. Munnona? Vano, khenrowa “wiiwanana,” miyo kinihimyaaka. Kileveleliwe, nkilakenle wira “olikana” ni Soolempwa. Kinihimya “wiiwanana” ni Soolempwa, wala “otthara, waapikhana” ni Soolempwa ti nuulumo nooreerela.

249 “Vano, mutthu onlavula ilavulelo sa malaikha,” owo oniira, “iyo ilavulelo sa Erooho Yoowaarya” owo khwira, “vano, okathi nyuwo, hiyo, awo yakhenlyaya Erooho Yoowaarya.”

Miyo khwira, “Mo. . . Liini, ni vayi mwakheenlyaanyu Yeeyo?”

250 Ahe, owo aahikileela oratteene nipuro nene, minuutu ene ni ewoora. Miyo nkinihoverya wira ohaakhela. Munnona? Miyo nkirina. . . Miyo nkiihiyo mphuki awe. Munnona? Owo khwira, “Ti vaavo miyo kaalavunlyaaka.” Owo aanisuwela oratteene nipuro nene. Khwira, “Yookikhumelela etthu.”

251 Miyo khwira, “Miyo kinnaamini. Munnona? Masi nlelo eyo khiyaari eyooniheryo ya Erooho Yoowaarya wa nyuwo, mwan’aka.”

“Oh, ayo!” Khwira, “Eyo, yaari yeeyo!”

Nto, “Nnari.”

Owo khwira, “Vano, nkawehani, kintthuna kooleleni etthu emosa, munna.”

252 Miyo khwira, “Atthu vamuthukumanoni vanyu, ekerejele iwe oIndianapolis weiwo muhimmyaanyu wira mwaakhenlyaanyu-wo, atthu awo aawiiwani olavula

mw'Enkelesi mwaaleelaka sa ohihimuwa ni owerya wa Muluku ni itthu sothene?"

Owo khwira, "Vano, nnari! Miyo kilavunle i—ilavulelo soohisuweliwa."

²⁵³ Miyo khwira, "Nyuwo khimwaakhenle voolikana ni Miteko 2:4, okhala wira khula. . .khinaakhanle hata nuulumo nimoso noohisuweliwa. 'Ninnimwiiwa khula mutthu ni nntaava nahu."

²⁵⁴ "Oh," owo khwira, "Munna Branham, kinnoona vatthu mutikinihiwaanyu." Owo khwira, "Moone," owo khwira, "sookhala ilavulelo sikhanelle ilavulelo sa malaikha, okathi onaakhelaanyu Erooho Yoowaarya," khwira, "vano nyuwo munlavula ilavulelo ni khaavo orina yo otaphulela eyo, eyo—eyo Erooho Yoowaarya enlavula. Munnona? Masi nto nyuwo mwakhalana yoovaha ya ilavulelo, vano eyo ehaana otaphuleliwa."

²⁵⁵ Miyo khwira, "Weeso murina ekarosa muhinatthi okhalana ekhavallo. Nihiku na Pentekosite awo yaahelanse ekarosa ehinthi okhalana ekhavallo. Awo ehinatthi okhalana Erooho Yoowaarya, ilavulelo soohisuweliwa, yaalavulanse ilavulelo saaiwiwe." Munnona? Tivo vekeekhai eyo. . .

²⁵⁶ Sookhala ilavulelo piili soovirikana. Ilavulelo sa malaikha, owo ti mutthu mmavekeloni w'omeekha wu nipuro nlo alavulaka ni Muluku, alavulaka ni Muluku mwa ilavulelo sa malaikha. Kaamuwerya wooleelani mwaha mmosa naanaano va, masi nkirina okathi. Munnuupuwela okathi muthiyana aarwiiy'awe w'autitooriyu iwe, Totori Alexander Dowie okhanlyaawe a weiwo, oSiyoni. Munnuupuwela okathi waari-aka weiwo? Nto Billy khukirweela weiwe wira akikuxe akiroihe omuthukumanoni, nto miyo khwira, "Billy, mutthike." Ni miyo. . .

Owo khwira, "Muninlela-ni? Ookhala aari vaava?"

²⁵⁷ Miyo khwira, "Nnari, mulopwana. Mutthike, mwamuleele Munna Baxter wira alaleye ohiy'ula."

²⁵⁸ Vano miyo khukokhora vathi khwira, "Pwiya, exeeni enikiira?"

²⁵⁹ Nto naanaanoru kaahimwiiwa Mutthu vamukhora, alavulaka mattaava makina. Miyo khuupuwela. . .Aari a wAlemaanya. Miyo khuupuwela, "Ahe, mulopwan'ole orweenle omukuxa. . ." Miyo khuhiya, ovekela, moosuwela, miyo khumwiiwa owo eemenle vale sa. Nto miyo kuupuwela, "Ahe, mmiravo ole onrowa owerya sayi wiiwa yeeyo?" Okhala wira kaanimusuwela mulopwana aakhapelela moteeli ule, ikilomo soophiyaka thanu na tthaaru ota wa epooma, moosuwela. Kaahaana okhuma vale (yaahikhala atthu anci-ene), epooma emosa yaamukhaani. Miyo khwira, "Ahe, eyo ti yootikiniha. Ah." Nto miyo khwira, "Vale. . .Ahe, mmiravo, nyuwo mootoko

wiiwa e...etthu...Mulopwan'owo, hata ti woomurikela omumula." Moone, miyo kuupuwela yeeyo, moota saalavulaawe voowaakuva! Ahe, miyo khwira, "Ahe, eyo, vano, kaari miyo!" Tivo miyo kikhala oomaala saana, moone, nkaahimnye hata... kikhala oomaala saana. Nuuvira okathi vakhani Owo khumaliha olavula, ni, vamanlyaawe, koono ntoko kaamuwerya ohaaxa nikhuru n'anakhotto ni otupha exiri.

²⁶⁰ Vano miyo kikhumela ota nto Billy aamukhuma vamukhora vano miyo kimukhuwelela, "Nwehererye vakhani!"

²⁶¹ Owo khutthika, aarwa owuryaka yoowurya yooriiriha. Nto owo khwira, "Paapa, exeeni eniireya?"

²⁶² Miyo khwira, "Nwehererye vakhani paahi, vakhani paahi, kinrowa ni nyuwo."

²⁶³ Miyo kipacerya orapiha wiitho waka kaakuvaka saana. Owo khwira, "Exeeni eniireya?" Owo onnisuwela saana ahilavuleke ni miyo, kaarowaka vamuthukumanoni. Owo khwira, "Exeeni eniireya?"

²⁶⁴ Miyo khwira, "Hat'etthu, hat'etthu, hat'etthu, nnakhala tu. Nirowe vamuthukumanoni."

²⁶⁵ Hiyo khurowa vamuthukumanoni, Munna Baxter aakilaanthe vaavo arumihaka nsipo, "*Khiyaavo ekhanle eriyari ya munep'aka ni Moopoli.*" Owo khuvolowa, owo khwira, "Whish! Koono wira khimwaarwa!"

Miyo khwira, "Sh." Khurowa khupacerya olaleya.

²⁶⁶ Vamalinhe aka, okathi omanlyaaka olaleya, ahe, wulu, mutthu ntoko aakunxe opuro, ottuli iwe mw'autitooriyu ule muulupale. Khookoliwa miikoro ottuli iwe, ni aahikhala muthiyana mmosa eettasa nno ni nno vaavale munvireloni, akhuwelaka voviituperya ntoko saaweryaawe.

²⁶⁷ Khuphiyerya osuwela wira, aarina elapaha, ni aarwiye okhuma Twin Cities, Saint Paul, ni ampulansiya khatthunne omuruuha okhala wira ooviwa oyeeheya ephome mmasasuni. Tothoro aahimnye wira, "Etthu p'itthu, masasu awe yaari ntoko nihavo n'oravo," khwira, "naphutuwaru owo onimookhwa. Waamukhala omalamala." Nto axinna kamosa-kamosa khikuxa ekaaro ya khalayi Chevrolet ya mwaakha 38, khulikanyiha ekhukulu y'ottuli, khimuhela vaavo khupacerya mukwaha. Vano khummana lompa wala etthu siiso, vano owo khupacerya oyeeheya ephome, ni khupacerya ottonya ephome mwaano, ni owo...yaavira mphulani mwawe ni siiso. Khupacerya otteettheya siiso-siiso, nto vookiserya...Owo khaatthuna okhwa mukaaroni, khwaaleela wira yeemexe ekaaro empwehe vamalaxini.

²⁶⁸ Awo khimukumiha. Ni othene yaarimweemela emurukurenrye, evekelaka, nto naanaanoru owo ohimnye wira yaahikhala etthu yaammanne vano owo khweemela. Vano owo

khurowa, akhuwelaka attharaka ephiro, voviilipiha ntoko saaweryaawe. Owo aari okereja, eettaka paahi nno ni nno munvireloni mme.

269 Miyo khwira, “Munna, yiireiye okathi xeeni?” Vekeekhai okathi ene yoowo Erooho Yoowaarya yaalavul’aya mwa miyo. Yaari exeeni iyo? Soovaha.

270 Exeeni ile—yaamurumme sarikeya ole aammaathale vale vamukhora wira avekeleliwe? Mwaamunama oohisuwela etthu, oohikhalana munepa, ohinsuwela yooreera ni yootakhala; moone, khorina munepa, (orina erooho), hata munepa.

271 Yaari exeeni iyo? Erooho Yoowaarya elapelaka. Muluku ooveleeliherya yoovaha elapo ya vathi, ni Erooho Yoowaarya khiyaakhanle olipelelaka—tho tivo Owo aahirwa khukeettiherya khupacerya olavula Mmansawe siiso, Mmansawe alavulaka, alapelaka Mmansawe. Ni vawehalyaahu okathi, okathi ene yoowo owo...awo yaamuhenlyaaya vamaaxini siiso, awo yaatthuna wona...Okhala wira awo yaahisuwela wira owo aamookhwa, awo yaahaana ohimya okathi xeeni owo okhwiyaawe. Waari minuutu ene yoowo Erooho Yoowaarya yaakikhuruwenly’aya iwe khupacerya olapela, ihmeryo, moolumo, kahaaweryaaka wiiwa, moone, siiso, elavulaka. Eyo Erooho Yoowaarya elavulaka.

272 Miyo nkaarina osuwelaka eyo. Moone, khivaatthuneya. Owo aari awawe...khino nlaikha nawe. Ninoorowa ophiyerya yeeyo muhina mwa minuutu vakhani, moone, naarwiye vale khuvaha mutthak’ole, moone.

273 Vano—vano, eyo ti—eyo ekeekhai. Sookhala ilavulelo piili soovirikana, emosa aya ehaana okhala... .

274 Yookhala yookoha? Vaareera, etthunaka osuwela etthu Muluku enihimy’awe, moone. Vano, miyo ka—miyo kaamuhimya wira, Munna Stricker, mwa yeeyo, voowaasiwa yeeyo, mphavele ohuupuwela yeeyo, moone. Muhiye paahi Erooho elavuleke Eneene. Muhiphavele osuwela saana, moone, okhala wira mwiivahererye paahi Erooho. Munnona? Okhala wira nyuwo muneererya o—o—ohimya wira, “Hey, munihimya exeeni?” Munnona? “Hey, munlavula ni miyo? Huh?” Moone, owo ti... moone, owo onimwehererya.

115. Vano. Ti yoolikana mutthu olavula ilavulelo aavekelelaka akina waltaari [Nipuro vahiitthu mufiitani—Mol.]
voohitaphuleliwa? [Nipuro vahiitthu mufiitani.]

275 Mukihiye koone etthu kipwenhe aka va, kihaana oweha. Aahikhale mutaphuleli, awo amaale. Mwa aKorinto Oopacerya, kapiitulu 1...kapiitulu 14 versiikulu 28. T’ani orina Bibilia? [Munna mmosa onosoma aKorinto Oopacerya 14:28—Mol.]

[...aahikhale ootaphulela, akhaleke amaanel mukereja;...]

276 Vaareera. Vano, aahikhale ootaphulela, khula okathi mukereja, khula nipuro mukereja, akhale amaanle aahikhale ootaphulela.

277 Waltaari, etthu emosa paahi mutthu. . . Imaara sinci-ene munniiwa sa atthu orowa waltaari. Mwa naanaano koomwiiwa munna mmosa oophenteya waltaari, orowa omuttikinya mutthu ottuli, vano nto olavula ilavulelo yoowo, alavulaka ntoko wira aamuxuttiha mukina etthu yo wira. Moone, eyo enamuna yo wiilipiha wa mutthu wira aaruhele Erooho Yoowaarya (ophavelaka) atthu. Muhiireke yeeyo. Munnona? Etthu yo wira omuhiya mutthu paahi mmansawe. Mwaahiye evenxe matata mpakha Erooho Yoowaarya orwa, moone. Munnona? Tivo eyo—eyo ti—eyo ti yoovonyeya. Nnari, awo yaahaana okhala oomaala mukereja, moone.

278 [Munna mmosa onookoha, “Munna Branham?”—Mol.] Ayo, munna. [“Nrowe nihimye wira mutthu aari vamutekoni wo okokhorela nto—nto wookiseryani wa muteko, voolimaleleya p’ukathi mutthaka onrwaaya, mutthu orina yoovaha eyo, awo anoowerya ohimya, wala anoowerya ohiyaniha vakhala wira n—nlaikha. . . elavulelo ya nlaikha ahiiso mutthaka onrwa ovira mwa yaawo?”]

279 Vano, nrowe noone. Vano. . . [Nipuro vahiitthu mufiitani—Mol.] . . khama awo yaanvolowa ni olepa etthu ene, ni ohiya oskiritootiyu waka. Munnona? Nto miyo kaamusoma siisa. Masi okathi waavolowaaka musaala mme, munna, vale yaammala yothene. Munnona?

280 Nto awo ehinatthi ovolowa mu, awo yaamweemela ottuli iwe atthu othene oomaala saana ntoko saaweryaaya. Vano munna aamukhala vale, Munna Irene, vale va—valtaari, arumihaka vale, arumihaka *Vamwiikimanyo*. Hiyo khina. . . Mاتيyaakono yaamwetta nno ni nno. Yamoonaru mutthu alavulaka, awo yaamwiira, “Sh, sh, sh.” Munnona? Ni anamwane ya. . . Awo yaamukilaathi vooamaala saana ni wira, “Ela empa y’Apwiya, oophentiwa. Khimwaakhanle. Muhaana wiiseettiha saana vano mpaani mw’Apwiya.”

281 Ni mulopwana ni mwaar’awe, ni othene aya, yaanitthuniheriwa othomeya ikhasako saya ni itthu siiso. Mutthu va vamukhora wira aakhapeleleke omalakaruru ohuliwa mukhora. E. . . ni sothene soolikana wira epaceriwe, okhaliha ekereja oratteene. Atthu othene okhalana nipuro ni woona khama yaahikilaathi.

282 Ni miyo kaakhala muskiritooriyu, kivekelaka, kiryeene mwemmo khino okhuma iwoora piili wala tthaaru s’oxekuwa. Khaavo aakihaaxa. Kaakela mmwe ni mutthaka aka.

283 Vano nto n’uphiya okathi wo opacerya, mulipa—oowiipa aapacerya nsipo, “Nrowe nikhunle nsipo nummaru *khata-khata*,” ntoko siiso, *Vamwiikimanyo vaavo Moopoli aka*

okhwiyaaawe, siiso, moosuwela, n'ukelela ohoolo siiso. Vano nuumala wiipiwa ntoko masipo maili oomeekha...Hiyo khinnakuxeke okathi munci-ene niipaka; ti Masu. Awo yakhalana nsipo no wiipa, mwaha wa yeeyo antthokihaaya okathi wira yiipeke. Hiyo n'a—hiyo n'a...Masu t'itthu yuulupale atthu anrweelaaya, ela empa m'ottharuxiwa-mo.

²⁸⁴ Vano nto khino muxirikha, ntoko Munna George, Munna George DeArk, aamuvenya khulompa. Vano nto naamukhalana y'omeekha, ntoko mutthu oniipa meekhaawe wala etthu siiso. Vano nto waphiya okathi, mutthu aamukisuweliha wira waari okathi w'okhuma. Waakhanle-ene, vaareera, kaamukhuma vooriirya vathi va muttikithelo. Munnona?

²⁸⁵ Ahe, khino esumana yeeyo yiira ekhalanne muthukumano nipuro nlo wala mukereja mu, ekhalanne muthukumano aya mmansaya. Khino ohiyu yoowo muteko ohinatthi opacerya, awo yaahikhalana muthukumano. Ni waari va . . . Kaamweemela va ni wira, "Yoolempwa va vapapheloni wira onimoorwa mwanankhaya mmosa mulaponi mu esumana ela enrwa," wala etthu, siiso, moosuwela, etthu siiso enimwiiraneya. "Yoolempwa, yoolavuliwa mwa ilavulelo, ni yootaphuleliwa n'atthu oowaarya a mukereja mu, Munna *Lexe ni lexe ni lexe ni lexe ni lexe*. Anamoono aili a yeeyo yaahikhalela oxaahiti va, awo aakhalana masin'aya oolempwa va, yoolempwa wira 'wira aamukhala a Muluku,' ti *lexe ni lexe ni lexe ni lexe ni lexe*." Eyo ti yoopacerya kaarowaaka ohimya.

²⁸⁶ Vano miyo kaamwiira, "Vaareera, hiyo ninrowa wiitthokiherya yeela, atthu othene ekhale evekelaka. Munnona? Vano yookhala yoovekela y'omeekha, atthu othene?" Moosuwela. "Nivekele." Neemenle naamuvekela. Naanaanoru naamukelela Masu, naamukelela ohoolo ni Masu.

²⁸⁷ Vano naanaanoru nuumala muteko, wiihana waltaari waamwiiriwa. Munnona? Wiihana waltaari ti naakhalaahu oocaliwaxa, wiihana waltaari, waaruha atthu waltaari. Vano nto nuumala wiihana wa waltaari, khino nto kaamwaavekelela aretta, moone, wala etthu ntoko yeeyo.

²⁸⁸ Okathi wothene wa muteko woorumeeliwa oratteene okhala wira erooho ya maprofeta enimwiiwelela profeta.

²⁸⁹ Ti yeeyo kuupuwenly'aka ya...Munnuupuwela ohiyu woonaly'aka yoowoona okathi nlaikha naakirweenlaaya neettaka? Miyo kaakilaanthe okatthi, kuupuwelaka. Ntoko, oh, ohiyu saana, kiiraka, "'Erooho ya maprofeta ti... 'Vaaweryaneya sayi okhala yeeyo?'" Miyo khoona Waarya iwo ophanimaka, nto va Nlo khurwa neettaka mpakha vaavo kaaryaaka-vo. Munnona? Owo p'ukathi Nlo naakirumalyaaya vaavale vale, moone, mmithukumanoni iya.

²⁹⁰ Vano, nnari, ti mu—mutthu onvaha mutthaka. Eyo, ti yaari yookoha anyu, kookupali, "Mutthu onvaha mutthaka, owo

amu. . . ti—ti mutthu onvaha mutthaka, owo aamusuwela wira naari nlaikha n'Apwiya wala nnari?"

²⁹¹ [Munna mmosa oniira, "Vano, yookoha yaari, nyuwo muniira wira sookhala ilavulelo sa malaikha. . ." Nipuro vahiitthu mufiitani—Mol.] Miyo nkinoona wira owo aamuwerya. Vano, eyo p'inamuna hiyo nrinaahu vano. Masi, moone, naphiyaru enamuna vantthuneyaaya, ninkhalanaahu mithukumano sa khula nihiku sa yeeyo, nrowe. . .

²⁹² Moone, khula emosa wa seiyo muteko. Nrowe niire, *nyuwo* munnilavula ilavulelo, *ole* onnitaphulela, ni *ole* onnilavula ilavulelo, *ole* onnilaleerya s'eprofeta; nyuwo mwa alipa-oowaamini va paahi, ekereja, masi nnakhala vo mookhalana muteko ni mookhalana etthu. Nyuwo mumphavela okhaliherya Omwene wa Muluku, wiirela etthu yoowo, moone, vano axinna muthukumane vamosa. Mwaha wa yeeyo mapastore, ntoko sa, ninthukumanaahu vamosa, nookhalana etthu yoowunlaana. Nyuwo axinna muthukumane vamosa, musome Soolempwa, mulavule ilavulelo mutaphulele, ni muhimye mitthaka, moone.

²⁹³ Masi, vano, vakhala wira mulopwan'ola, nto, vakhala wira onoosuwela. . . Vakhala wira ookhala vamuthukumanoni, owo ookhalana yoovaha ya ilavulelo. Ahe, owo aphiya vamuthukumanoni, owo onlavula ilavulelo masi khuhinataphuleliwa, mutaphuleli khaakhenle.

[Munna mmosa onnikoha, "**Mwaamuhimya nto wira atthu awo annilipiha Erutthu, masi miteko ntoko mapastore, awiixuttihi, ni eyo, sinnikhaliha yooloka voomalela Erutthu?**"—Mol.]

²⁹⁴ Ayo, ti yeeyo akhalenle aya, okhaliha yooloka voomalela. Munnona? Iyo sinvaheriwa wira sikhaliheke yooloka voomalela, moone. Kookupali wira, i—i—Irooho sinvaheriwa wira silokiheke voomalela, olokiha voomalela ekereja.

²⁹⁵ Vano, awo, atthu ala anlavula, awo t'osareya Erooho, khokhanle ohoverya. Vano, va ori mulopwana mmosa, khino owo onlavula vaava vamuthukumanoni, ni onvaha. . . Vano, owo onlavula alipa-ootaphulela ehinatthi, moone, nave nlelo khaavo mutthu onaakhela otaphuleliwa waya, yookhala etthu ehilonke. Mutaphuleli khokhanle wiiraka etthu wa yeeyo, moone. Owo—owo ohaana otaphulela ni muupuxeryo mmosaru ntoko ole onlavula yeeyo. Ni khino owo siiso okhalanne-ene yoovaha y'ekeekhai y'olavula ilavulelo, masi khorina yoovaha ya ilavulelo, ntaava. Moone, owo. . .

²⁹⁶ Nto vo etthu orinaawe wira, okathi onrumeelaawe elavulelo ela, nto owo onnoona. . . Vano, exeeni owo—owo khoneererya. . . Owo eereryaka wiivuwaha-tho, t'owiihelana. Owo kahiyo. . . Owo—owo oovonya opacerya wene, moone, owo khonkhalakhala ophiyaka vatthu. Moone, uupuwelaka wira, "Ahe, attotopeliwe Muluku, mulopwan'ole vekeekhai khonthuna otaphulela

ilavulelo saka. Owo t'ukhanle mulattu.” Vano, moone, owo oovonya opacerya wene. Vaavo vo owo orina—owo orina niwoko noovonyeya, yootthuna yoovonyeya. Munnona?

²⁹⁷ Masi owo akhala ooreera murima ni oowiiyeviha ni yeela, onimwiira, “Ahe, khino Apwiya khatthunne okirumeela mmutekoni mwAya. Masi nnakhala vo miyo. . . Awo aareeriha munep’aka. Awo antthuna okilipiha, wira kisuwele wira kiri vakhiviru ni Yaawo kaalavulaka ilavulelo. Tivo kinimweetta mpakha iwe mmatta wa masa, ‘O Muluku!’ Nto owerya onoopacerya okimorela vano kinoopacerya olavula ilavulelo. Kinvolowa oohakalalihiwa, moone.” “Oh, Moone, Nyuwo munlavula ni miyo, Pwiya, Nyuwo munikookolela mwaha wa olavula ilavulelo.” Munnona? “Nto, Pwiya, olelo miyo kaahaana wira kilavunle ni mulopwan’ole. Mukilevelele mwaha wa yeeyo, Pwiya. Miyo—miyo—miyo kirimwiitepanya mwa etthu yahaathuneya. Tithi, xontte mukilevelele.” Nto, naanaanoru, munipacerya olavula ilavulelo. “Ah, wish, kinnoona, kinnoona saana wa yeeyo vano!”

²⁹⁸ Moone, eyo eri saana. Moone, yawinyu—yoovaha anyu kheri wira erumeeliweke mukereja, masi eri wira yoolipihekeni yeenyu. “Ole onlavula elavulelo (yoohisuweliwa) yoohisuweliwa oniilipiha mmansawe.” Munnona? Vano, aahikhale ootaphulela, vano. . . Munnoona entthunaaka ohimya? Moone, ti yeeyo. Tivo khaarowa osuwela yoowo ene. Owo paahi. . . Masi onosuwela avonyaru.

Vano, vano nyuwo muhaana paahi ohiya ntoko siryaaya, moone, eyo t’itthu emosa mukhanlyaanyu wiiraka mpakha ovalaaniha. Tivo miyo kinoon’aka wira. . .

116. Mwaalakiherye aKorinto Oopacerya 14:5.

²⁹⁹ T’ani onwerya ophwanya voowaakuva? Ookhala a nyuwo ophwannye? [Nipuro vahiitthu mufiitani. Munna mmosa onaasoma aKorinto Oopacerya 14:5—Mol.]

[. . . *othene mulavuleke ilavulelo, masi kaatthunaxa wira mulaleeryeke: okhala wira ole onlaleerya ti muulupale onvikana ole onlavula ilavulelo, voohikhala wira onootaphulela, wira ekereja yaakhele olipa.*]

³⁰⁰ Vaareera. “Kaatthunaxa. . . Miyo kaatthuna wira nyuwo othene mulavuleke ilavulelo.” Paulo aaphavela ohimya wira. . . Ntoko ekereja, nyuwo—nyuwo mwa ekerej’aka. Ikereja kamosa-kamosa sa Paulo khasaarina mamempuru ntoko kirinaaka va. Ti yeeyo, imaara sikina muloko wala muloko n’aili. Munnona? Munnona? Vano, vano owo iirale, “Kaatthuna wira nyuwo othene mulavuleke ilavulelo.” Eyo ehootikinihani?

³⁰¹ Moone, okathi e—e—ekereja e. . . mwa Miteko 19, kookupali wira yaarina mamempuru oophiyaka muloko n’aili. Munnona? Yaari vakhani paahi, misawu, moone. Tivo kweekwe ankhalaka

vakhani, moone. Ni kookupali wira ehimmye wira yaari ntoko, alopwana muloko n'aali ni athiyana, moone, mwemmo.

302 Vano, nyuwo mwa—nyuwo moone va, owo iirale, “Miyo kaatthuna wira nyuwo othene mulavuleke ilavulelo. Miyo—miyo kaatthuna wira nyuwo othene mulavuleke, othene mulavuleke ilavulelo, mukhanle-ene oosareya Erooho Yoowaarya munalavula ilavulelo. Masi” khwira “Kaatthunaxa wira mulaleeryeke; voohikhala wira onookhala otaphuleliwa, okhanle-ene otaphuleliwa.”

303 Ehimmye sayi vo? T'ani . . . Moophwanya vo, khweeli . . . ? . . . Nrowe nisome-tho yeeyo. Vano nwiriyan:

304 [Munna mmosa onaasoma aKorinto Oopacerya 14:5—Mol.]

[*Kaatthuna wira nyuwo othene mulavuleke ilavulelo, . . .*]

Vano nwehererye minuutu mmosa, “Miyo kaatthuna wira nyuwo othene mulavuleke ilavulelo.”

[. . . *masi kaatthunaxa wira mulaleeryeke: . . .*]

“Kaatthuna wira nyuwo othene mulaleeryeke.”

[. . . *okhala wira ole onlaleerya ti muulupale onvikana ole onlavula ilavulelo, . . .*]

Vano mulipelele okathi vakhani.

305 Vano, taani okhanle, “muulupale onvikana ole onlaleerya”? Ti vaavo mwaatthunaanyu wira kimalele-vo? [Munna mmosa oniira, “Miyo kaamuhimya paahi wira, ‘Eyo yaari yovirikana . . . ? . . .’”—Mol.] Ayo. Munnona? Ayo. Munnona? Vano, va ti vatthu . . .

306 Vano, nrowe niire ntoko nlikanyiho, vano, naakhalanne atthu aili oohisuwela etthu eriyari ahu ohiy'ula. Awo khansuwela etthu ya yeela, vano miyo khunakela ni nyuwo othene mwa . . . khunapacerya va muthukuman'ola, nto—nto khunapacerya olavula ilavulelo, khula mmosa a nyuwo olavula ilavulelo paahi, olavula ilavulelo, n'ulavula ilavulelo, n'ulavula ilavulelo. Nto, ahe, exeeni iyo? Moone, mutthu oohisuwela etthu aamwiira, “Ah! Othene aya aavahuwasa!” Munnona? Masi mmosa alaleerya, moone, vano owo onihimya etthu owo onweryaawe wiiwa.

307 Vano, mukeleleke ohoolo musome ele ehanle vano. [Munna onoothikela—Mol.]

[. . . *voohikhala wira onootaphulela, . . .*]

Eyo eri vo. Vano, “voohikhala wira,” moone. Miyo—miyo . . . Ole on—ole onlaleerya ti muulupale onvikana ole onlavula ilavulelo *voohikhala wira* onootaphulela. Vano, mukeleleke ohoolo, moone.

[. . . *wira ekereja yaakhele olipa.*]

Eyo eri vo, moone, ekereja enoolipihiwa.

³⁰⁸ Vano, mwa moolumo makina, vano, ekereja, mutthu ula. Va eri—mutthu *ula* va t’ohisuwela etthu, nyuwo mukilaanthe eriyari ahu ohiy’ula; ninkhalana muthukumano ola. Hiyo othene nri mu niphavelaka yawihu. . . nintthuna nisuwele sa Apwiya, nyuwo othene khunapacerya olavula ilavulelo. Khaavo ohimnye etthu, mpacenyere olavula ilavulelo paahi. “Kintthuna wira nyuwo. . . kaatthuna. . . Eyo yaamukhala yooreera,” Paulo t’ohimnye. “Othene anyu mulavuleke ilavulelo, yaamukhala yooreera.” Masi anki mmosa wa nyuwo alaleerya, ovenya ni wira, “SIISO ANIHIMYA T’APWIYA, ‘Ookhala mulopwana mmosa okilaanthe va ni owo muletto eriyari ahu. Nsina nawe ti *John Doe*. Owo onikhuma nipuro *khata*. Owo aahiyale amwaar’awe ni aana axexe wu. Owo ori va ohiy’ula okhala wira omphavela mukhaliheryo. Owo aari ni tothoro mmosa olelo oMemphis, Tennessee. Nto owo khwira. . . Tothoro khimuhimeerya wira aahikhalana kankuru mmasasuni. Owo onimookhwa’?”

³⁰⁹ Owo oirale, “Othene anyu mwaalavulaka ilavulelo khurwa mmosa oohisuwela etthu eriyari anyu, owo aamwiira. . . vano owo onimwiira, ‘Othene khinvahuwanse wala khamuhiyo alolo?’ Masi mmosa alaleerya khuupulula esiiri ya mmurimani, nto onookokhora, aire, ‘Vekeekhai Muluku ori ni nyuwo!’” Munnona vo?

³¹⁰ Ahe, vano, va. Vano nyuwo munlavula ilavulelo, masi mmosa onootaphulela, wira, “SIISO ANIHIMYA T’APWIYA,” vathi v’otaphulela, “‘Ookhala mulopwana mmosa okilaanthe eriyari ahu, aahiyale amwaar’awe, aari oNashville olelo,’” wala Memphis, wala khula nipuro, “‘vano owo orina kankuru a nsasu. Orwiye va, ni nsina nawe ti *John Doe*,’” *Lexe ni lexe* siiso. Munnona?

³¹¹ “Voohikhala wira enootaphuleliwa,” wala, moone, vano enniruuha olipa. Munnona? Vano awo animwiira. . . Vano mulopwan’owo onookhuma, ahimye wira, “Mukihiye kooleleni etthu, muhikilelele wira Muluku khokhanle n’atthu ale iwe. Vekeekhai! Atthu ale khiyaakisuwela hata vakhani.” Munnona?

³¹² Tivo nintthuna soovaha s’eprofeta *ni-tho* soovaha sa olavula ilavulelo. Masi, olavula ilavulelo, moone, ohaana okhalana otaphuleliwa. Vano nto, yaataphuleliwaka, iwo olaleerya s’eprofeta. Munnona? Iwo olaleerya s’eprofeta. Vano, miyo kookhalana yookoha eyo va vahilekenle, tivo miyo ki—miyo kinookuxa vowaakuvexa ntoko sinweryaney’aya. [Nipuro vahiitthu mufiitani—Mol.]

117. Matewu 18:10.

[Munna mmosa ommusoma Matewu 18:10—Mol.]

[. . . *muhimuthanye nnakhala mmosa wa axikhaani ala; tthiri miyo kinooleelani, Wira wirimu malaikha*

aya—malaikha aya mahiku othene ankhala ohoolo w'Atithi aka ari wirimu.]

313 Vaareera. Vano, munna, munakhaleru pani, vekeekhai khaavo hata masina, ittikitti sikhaani paahi, moone, ohimnye yeela. Kookupali wira miyo. . .

314 Vano, nyuwo mwaamuwerya okuxa inamuna piili sa yeeyo, moone. Masi kinoona wira otaphuleliwa, mwaakikonhe-ru paahi, “Muleeliherye ela,” enamuna kintaphulelaaka ela ti sa.

315 Vano, mukhunle mwa aKorinto Aneili, mutthu, 5:1, enihimya wira, “Emp’ela ya vathi va yakurumuwa vale. . .” Moosuwela exeeni iyo, moone. “Emp’ela ya vathi va yakurumuwa vale, nookhalana ekina,” moosuwela, “ennilipelela.” Vaareera.

316 Vano, vano Owo aamu. . . Mwaweha vale, mwa Matewu 18:10, Owo aalavula mwaha wo waakuxa “anamwane.” Awo yaari anamwane axikhaani, axinamwane axikhaani, a iyaakha tthaaru wala xexe, aakunxaawe. “Awo yaamuruhenle anamwane, mwaana.” *Anamwane* ninkhuma mwa nsina “mwanamwane.” Mwaana ti mwaamukhaani paahi—mwaamukhaani, kahi mwanamwane masi eriyari ya yeeyo ni mmiravo. Munnona? Owo kahi oothokorerya mwa yoowo.

317 Vano, Owo khwira, “Mwiipasoope wira *muhaathanye*.” Vekeekhai mwakuxaru otaphuleliwa wa nuulumo nlo, ti “ohaaxa.” Moone, “Omuhaaxa mmosa wa awo.” Omuhaaxaka mwaana, khimwaakhanle wiiraka siiso. Awo aana, awo khansuwela. Munnona?

318 Nto vano nwehe, oirale, “Okhala wira awo. . . malaikha aya mahiku othene ankhala ohoolo w'Atithi Aka ari Wirimu,” moone. Mwa moolumo makina, “Malaikha aya, yawaya—anamitthaka aya, irutthu saya, irutthu sa malaikha awo anrowaaya orowa yakhwa vale, mahiku othene siri ohoolo w'Atithi Aka Wirimu.” Munnona?

319 Vano, “Emp’ela ya vathi yakurumuwa vale, nookhalana ekina ennilipelela.” Eyo ekeekhai? Eyo erutthuu.

320 Nkawehani va. Kaakhalanne-ru okathi w’okela mwa seiya! Vekeekhai, koosuwela wira nki—nkinrowa okhalana. Masi, va, mukihye kooleleni paahi wira ekhale mufiitani, nto munoovara khula enamuna.

321 Nkawehani, ohiyu umosa Petru aari mukhatteya. Awo yaarina muthukumano wa mavekelo owannyawe Yohani Marku, moone. Nto siiso Nlaikha n’Apwiya khuvolowa, Nripu nle na Mooro, Waarya waahikhuruwa, nto Petru oona wira aamuloha okathi woonalyaawe Waarya nno omurweelaka. Bibilia ohimnye wira, “Waari Waarya.” Munnona? Ni kookupali wira Yoowo mmosaru ori ni hiyo, moone, Owo waahikhuruwa. Ni hiyo nakelaru mwa mwaha mmosaru, khino etthu emosaru yeeyo

yaamukhumelela. Munnona? Nto waahivolowa mme, siiso Owo khwira, “Murwe, murowe ni Miyo.”

322 Vano Petru khuupuwela, “Kinooloha vano, tivo kinrowa woona etthu enihimya yooloha ela.” Vano owo aahivira ohoolo wa makwarta, nto khuupuwela, “Ah-ha. Vano ninootthikela neettaka, mukhora khuhuleya mmansaya.” Khuphiya mukhora mukina, khuhuleya mmansaya. Khuphiya mikhora sa mpooma, khuhuleya mmansaya. Nto owo nlelo uupuwela wira aamuloha. Nto okathi weemenlyaawe vate vale, khwira, “Ahe, kootaphuwa, vano kinoorowa mpakha owannyawe Yohani Marku kakhalane opathana.”

323 Awo jaarisa iwe, “O Pwiya, nveleelihe Nlaikha Nanyu munvuluxe Petru.”

324 Nto okathi ene yoole yookhala jaarumme [Munna Branham onoomana—Mol.]. Mwaamali mmosa khurowa vamukhora khwira, “Taani ari vo?” Oroovenxa nikwakhwa naamukhaani, khwira, “Vano, ti Petru!” Vano owo khutthika, khwira, “Hey, nyuwo—nyuwo muhiyeke ovekela vano, Petru ori vale.”

Owo khwira, “Oh, wulu! Nitthikele,” “khwira, nyuwo—nyuwo—nyuwo. . .” Munnona?

325 [Munna Branham onoomana—tho—Mol.] Khwira, “Muhule! Kintthuna ovolowa.” Munnona? Nto siiso owo khwira. . .

Vano owo khutthika, khwira, “Nnari, ti—ti Petru ori vamukhora.”

326 “Oh,” awo khwira, “aamurema muru, nlo nlaikha nawe niri vamukhora. Moone, emp’awe ya Wirimu, owo aahaakhela, wira ela ya vathi va yakurumuwa vale, okhala wira yaamulipelela Wirimu wira owo akele-mo.”

327 Etthu yoonaly’aka nihiku nlo mwa yoowoona ele, moosuwela, vaalapunwe-aka. “Emp’ela ya vathi yakurumuwa vale, nookhalana ekina.”

328 Nto axinamwane ala ahinre etampi nlelo, moone. . . Munnona?

329 Okathi mwaana om—mwaana ompakeyaawe mmirimani mw’ame awe, omalaka—ru oheliwa mme. . . Munnona? Munnona? Masi voopacerya eyo eroohoo. Nto okathi erooho eyo empaceryaaya okhuneleya ni erutthu, eropo yaamukhaani y’ekumi enoopacerya okhuneleya n’erutthu, ni emalakarumukhuma mu. . . Vano, mmirimani, sinkhala mitika paahi, sikhani sinthukumela, ni wiisookola. Hiyo noosuwela eyo. Iyo irukuruku. Voolikana ntoko okuxa ninri na ekhavalokhuhela mmaasini, ninookhuneela ni weetta, nto nyuwo mwakwannya nlo ninootupha. Ti siiso ttuutthu okhanlyaawe.

330 Masi omalakarumuyariwa molumwenkuni mu ni omumula ephumu awe yoopacerya, onkhala munepa mukumi. Munnona? Okhala wira erutthu ya vathi emalakarumuyariwa

molumwenkuni, yookhala erutthu ya wirimu, ahiiso erutthu ya erooho, wira yaakhele. Ni erutthu ila y'ephattu emalakarumomoroxiwa, yookhala empa ya Wirimu enlipelela yeeyo. "Emp'ela ya vathi yakurumuwa vale, yookhala empa ya Wirimu enlipelela eyo." Siiso omalakarumtutthu omalakarumoheliwa elapo ya vathi mw'erutthuni, yookhala erutthu ya erooho enlipelela omwaakhela. Ni erutthu ya erooho emalakarum... erutthu y'ephattu yakurumuwa vale yookhala erutthu y'erooho enlipelela iwe. Munnona? "teyofaniiya" hiyo ninihanaahu, moone, teyofaniiya.

[Munna mmosa onookoha, "Ahe, vano, erutthu ila ti ya...ti ya okathi vakhani, nilipelelaka ohihimuwa w'erutthu ila?"—Mol.] Ayo. Munnona? Ayo. Oh, ayo. ["Owo ti mukhalelo onrowaahu okhala-mo mpakha o—ohihimuwa?"] Ti yeeyo. Munnona? Munnona?

³³¹ Eyo khenatthi wuupululeliwa aana a atthu. Miyo kookupali...Miyo—miyo koosuwela wira kaahoona. Munnona? Masi nkiisuwenle muthinto xeeni w'erutthu ule, masi kaaniwerya waakwannya siiso ntoko sinikwannya'aka matat'anyu wala etthu p'itthu ekina. Tthiri, ela eri mufiitani ni nyuwo munoowerya orumiha miyaakha sene kironwe-ene. Munnona? Masi... Ni eyo, enakhaleru etthu p'itthu, moone, miyo kaari—miyo kaanaakwannya atthu ale ni waapatikha, ni yaari y'ekeekhaixa ntoko—ntoko nyuwo siryaanyu, nave nlelo khayaari...Awo khayaalya nnakhala owurya. Khiwaakhanle nsana nnakhala meelo. Moone, yaari Ehimalelo.

³³² Nto vano okathi empa eyo...awo yaakhumale vale mw'erutthuni mwemmo, khutthikela elapo ya vathi, ni muthinto yowoo w'erutthu awo yaarinasaya yaahaakhela ohikhwa. E—etthaya ya vathi yaahikela muteyofaniiyani mmo mwa enamuna emosa vano awo khukhala-tho atthu, yaahaana olya ntoko saairalyaya omatta wEdeni. Munnona? "Masi emp'ela ya vathi yakurumuwa vale, nookhalana ekina ennipelela."

³³³ Tivo axinamwane ala yahaakhalanne etampi, moone, nnakhala etampi nlelo, *malaikha* aya, "irutthu" saya (ele Petru aatthikenlyaawe-mo...) moone, yaamulipelela. "Anweha ekhove y'Atithi, Wirimu," okathi wothene eri ohoolo Waya; "awo annisuwelasa." Eyo eri vo.

³³⁴ [Munna mmosa oniira, "Masi ti yoolipa vakhani vale Yesu ohimmyaawe wira, epantte yoopacerya ya ohihimuwa Wawe, Owo ohimmyaawe wira, 'Muhikivare,' Owo iira ohinawele nlelo. Vano nto okathi Owo okenlyaawe mpaani mwemmo Tome aaryaawe, Owo iirale, 'Murwe nno ni muhele ntata nanyu mpararini mwAka; muhele ekatha anyu.'"—Mol.] Ti yeeyo, Owo aaira ohinawele. ["Nto e—evirikanelo wa okathi soomiili, mwa mmosa Owo—Owo aahimenrye wira ehinvare, nto vale Owo

aamuhimenrye Tome wira arwe anvare.”] Owo aaira ohinatthi owela, moone. Owo. . . [“Maana nlelo nkiwenle w’Atithi Aka.”]]

³³⁵ Ti yeeyo, moone, Owo khaakhanle okwannyiwaka mpakha Owo. . . nuumala ohihimuwa Wawe. Owo aahikhuma elapo ya vathi, moone. Owo aahikhuma elapo ya vathi vano eetta eriyari ya atthu, masi Owo aaira ohinatthi owela. Owo khwira. . . Owo khimuhimeerya Maria, Owo khwira, “Muhikivare.”

Owo khwira, “Rabbi.”

³³⁶ Owo khwira, “Mukikwanye. . . Muhikivare, maana nkinarowe w’Atithi. Masi kinwela wa Muluku Aka ni Muluku anyu, wa Atithi Aka ni Atithi anyu.”

³³⁷ Vano nto ohiyu yoole, Owo vaamanlyaawe owela mpakha wa Muluku, ni aahihimunwe awe mw’alipa-ookhwa, khuwela ohoolo wa Muluku. Vahokolonwaawe, aahimulattula Tome wira arwe akwanye mpararini mwAwe. Moone, Owo aahiwela mpakha ohoolo wa Muluku. Ti yeeyo. Vaareera.

118. Vano. **Mwa aKorinto Oopacerya 14, “Mutthareke—mutthareke ophenta, ni mphaveleke soovaha sa erooho, masi vanci-ene mulaleeryeke.” Webster, onihimya wira, “olaleerya: onkhala ohimya sookhumelela s’ohoolo, vanci-enexa ni muupuxeryo w’emuluku.” Vanniweryaneya mutthaka. . . Vano awo. . . eyo—eyo t’ile Webster ohimyaawe ni ele mu—munna okohaleawe. Vanniweryaneya mutthaka wiihaniwa “olaleerya” ohihimyaaka sookhumelela s’ohoolo?**

Nnari, mulopwana. *Olaleerya* s’eprofeta onkhala “ohimya khalayi ene.” Munnona? Vaareera.

119. Vano. **aKorinto Oopacerya 14:27, kinnaamini wira mitthaka sothene saahaana otaphuleliwa ni wira sihikhaleke mitthaka soovikana miraru mwa ilavulelo mwa khula muteko wo okokhorela.**

³³⁸ Eyo ti Yoolempwa. Kookhalana yoolempwa va. Vekeekhai, hiyo khanihiyo. . . Hiyo noolimalela eyo ni noosuwela, moone. Eyo e. . . Ayo, mulopwana, ti. . . yaahaana okhala araru paahi vootharelana. Eyo eri mwa aKorinto Oopacerya 14, nave. Munnona? Ti yeeyo, “araru vootharelana.” Vano nwehe yeeyo mmithukumanoni mwanyu, axinna. Vano, nyuwo—munimoona eyo okhumelela vano, munimoona wira atthu anci-ene ankela mwa yeeyo. Ni nkinihimya wira kharina Erooho Yoowaarya, vano. Masi, moone, Paulo aahirowa wira akhalihe oratteene ekereja y’aKorinto. Hiyo othene noosuwela eyo, khaninsuwela? Owo aahaana okhaliha oratteene. Nto owo khwira, “Sothene siiriweke voophwanelela ni wiiwanana.”

³³⁹ Vano, mwaweha vale, Paulo, arowaka, owo kweekwe aanikhalana mukattyamiho ni ekereja y’aKorinto. Nyuwo khamunimoona owo siiso mwa. . . Owo khonahimyeeryeke

etthu siiso ekereja y'aEfeso, owo aaniwerya owiixuttiha nrromelo Ohinimala. Khiyaavo etthu ya nrromelo Ohinimala mu—mukereja y'aKorinto. Awo kweekwe yaari anamwane, ephavelaka, “Mmosa onkhalana elavulelo, mmosa onkhalana nsipo.” Eyo kahi ekeekhahi? Munnona? Ni nyuwo mwatthuniherya-ru muthukumano anyu opacerya yeeyo. . .

³⁴⁰ Ntoko Martinho Lutero, owo aaroosareyaxa Erooho mpakha olavula ilavulelo. Owo khulepa, muhina mwa eliivuru awe, owo khwira, “Koolavula ilavulelo,” owo khwira, “masi kaawiixuttiha-ru atthu aka yeeyo” khwira “awo anrowa ophavelaka yoovaha omuhiya Nanvaha.” Eyo yaari ekeekhahi, moone, awo anrowa ophavelaka yoovaha omuhiya Nanvaha.

³⁴¹ Ni ti vaavo atthu anrowaaya, nuumala ankhala othene oovolola ni oowiipelana yatthuniheriwa olavula ilavulelo wala etthu ntoko yeeyo. Vano yaahikhale ya Muluku, weeso khonrowa. . . khenrowa ophwanyiha etthu. Masi hiyo. . .

³⁴² Vano, ikereja sa vano sinookakha etthu yothene, masi hiyo nnari. Hiyo ninnaamini wira ti yoovaha ya Muluku ni enweryaneya oheliwa mme ni Erooho ya Muluku. Ankhi yeeyo, Munna Roy? Ti yeeyo. Ayo, mulopwana. Oheliwa mukereja! Eyo ti ya mukereja. Yoovaha y'olavula ilavulelo ti ya mwemmo, moone, Mukereja mwa Muluku.

³⁴³ Vano, nrowe noone vano oratteene ele yaari yookoha awe va. Ehimmye, wira:

**Miyo kinnaamini wira mitthaka sothene. . . (ti yeeyo) . . .
saahaana otaphuleliwa, ni eyo miraru ni vootharelana.**

³⁴⁴ Eyo ekeekhahi, moone, okhala wira nyuwo mwatthuniherya-ru e. . . Vano nrowe niire, ntoko nlikanyiho, ntoko wira mwaakhalana muthukumano vano hiyo nikilaanthe mu ni—ni. . . Vano, yaarowa ophwanyiha exeeni omuhiya *ola* olavula ilavulelo, *ola* olavula ilavulelo, *ola* olavula ilavulelo, *ola?* Vano, hiyo naamukhala othene ootikinihiwa vanci-ene nnakhala khanaarowa osuwela etthu eniiraahu. Munnona? Araru vootharelana, nrowe. . . ntoko, Hollin, owo onlavula ilavulelo, aalavulaka ilavulelo. . .

³⁴⁵ Ni ohaana okhala mulipa-ootaphulela. Vano, vanooweryaneya okhala mutaphuleli mmosa woohikhala wira munootaphulela elavulelo anyu. Vano, nyuwo. . . “Ole onlavula ilavulelo soohisuweliwa nave avekeleke wira aweryeke otaphulela.” Owo onoowerya otaphulela ilavulelo sawe yeeyo ekhanle—ekhanle yoolikana wa khula mulipa-ootaphulela. Masi ohaana okhala mulipa-ootaphulela mmosa ilavulelo sihinatthi owerya. . . Nyuwo mwakhalana nikhuru n'atthu nilavulaka ilavulelo nave khuhikhala mulipa-ootaphulela, vano nvekele mmansinyu wira mutaphulele etthu eni—etthu enihimyaanyu.

³⁴⁶ Vano, muhiireke eyo wira mwiittottopeke mmansinyu, okhala wira muniilipiha meekh'inyu nto, moone. Muhiireke

yeeyo. Masi mulavuleke ilavulelo mukhanlyaanyu omulipihaka Muluku, mukhanlyaanyu olipihaka ekereja. Moone, sothene ti sa niwoko nimosa nuulupale, munna. Soovaha iya siri wira simulipiheke Muluku, wira silipiheke ekereja, wira saaruuheke atthu wa Muluku, wira saasuwelihe wira Muluku ori ni hiyo. Owo kahi Muluku okhwiye, Owo Muluku mukumi onvara muteko eriyari ahu. Munnona?

³⁴⁷ Ni hiyo nihaana owehaxaxa eyo saana okhala wira, munna, xetwani ennimunana eyo vootepaxa, moone, omunanara woona soovaha s'ekeekhai. Okhala wira soovaha ti sootteethaya, ni owo onniwerya ovara muteko mwa soovaha seiyo. Mulopwana, oh, mulopwana, owo vekeekhai onniwerya otakiha khula emosa wa seiyo. Vano tivo . . .

³⁴⁸ Vano, nkawehani, evirikanelo ya yoovaha y'eprofeta ni profeta, eri ikilomo emilyawu voovirikana. Y'eprofeta ehinatthi . . . Mutthu orina yoovaha ehinatthi ohimmwa mukereja, atthu aili wala araru ahaana olamula yeeyo ni ohimya wira "eyo ekeekhaii." Ti yeeyo. Masi kahi profeta. Munnona? Profeta muteko. Yoovaha y'eprofeta ti yoovaha. Profeta onooyariwa, orina SIISO ANIHIMYA T'APWIYA, munna, erowaka siiso. Khiyaavo etthu mwa yeeyo, moone. Owo profetaa. Masi yoovaha y'eprofeta, eyo yoovaha, moone. Emosa ti muteko wa Muluku, ekina ti yoovaha ya Muluku. Munnona? Nto eyo t'evirikanelo.

³⁴⁹ Vano, mitthaka, niire, vano, mwa nlikanyihyo, ela t'inamuna yaarowaaya okhala. Vano, niire, ntoko Munna Junie, ohiy'ula, owo onnitaphulela. Hiyo noosuwela wira owo mulipaootaphulela. Munna Neville mulipaootaphulela, moone, onnitaphulela ilavulelo. Hiyo noosuwela eyo. Vano, ankhi naakilaathi wa ohiy'ula, oh, Erooho ya Muluku etekhumaka wira elavule. Wulu, Muluku aka! Ni hiyo khanihiyo . . . nihaana o . . . nihaana . . . Mulipelele muteko w'okohorela onoopacerya muhina mwa minuutu vakhani. Moone, hiyo nri—nihaana muthukumano ahu muteko w'okokhorela ohinatthi opacerya. Miyo kinikhaliha oratteene ntoko sirinaahu va.

³⁵⁰ Ahe, nto, naanaanoru, onooventya Munna Ruddell ni olavula ilavulelo. Mulipelele minuutu mmosa paahi. Munnona? Junie onimweemela, "SIISO ANIHIMYA T'APWIYA, 'Etthu khata-khata.'" Vaareera, mutthu mmosa va, alipa-olepa alepaka va, moone, sothene sihimmwe; uh-huh, nrowe nilepe naakuvaka, okhala wira eyo . . . siiso enkuxiwa esya, siiso owo ohimyaawe. Vaareera, awo . . . Ya—yakhoottiwa vale, vano nyuwo—vanreerela muhiye, moone, mukhere. Masi yaahikhoottiwe, eyo enookupaliwa n'atthu aili, vano enoolempwa, awo anoolepa nsina naya vaavo. Munnona? Eyo—eyo—eyo ti ya ekereja anyu. Eyo e . . . Miyo kinoolelani sothene wa mureerelo anyu, moone, miyo nkisuwenle sinto awo yaaniira siiso wopaceryani wala nnari.

³⁵¹ Nto naanaanoru, Hollin onoovenya, khulavula ilavulelo. Vano, mulipa-otaphulela pooti oveleela mutthaka mmosaru, moone, pooti okhala etthu emosaru, etthu khata wiiraneya, olaleerya y'eprofeta; moone, etthu emosa ehanle okhumelela, wala etthu murinaanyu wira. Voottharelana onvenya ti Munna Roberson, ottuli, khunalavula ilavulelo. Vaareera. Vaamuweryaneya nlelo okhala mutthaka mmosaru, ni otaphuleliwa omosaru, moone, ahiiso vaamuweryaneya okhala mitthaka miraru.

³⁵² Vano, Muluku khonrowa ovaha mitthaka miloko mithanu ohiyu omosa. Hiyo noosuwela eyo, okhala wira nyuwo—nyuwo khimwaarowa owerya wiiwa. Munnona? Masi etthu p'itthu enihaaxa ekereja, ntoko. . .wala etthu eyo eniiraaya, eyo ti yo olipiha ekereja. Munnona? Vano miyo—miyo—miyo nkaarowa otthuniherya yoovikana yeeyo, moone, okhala wira Eyo ehimmye wira, “Ekhaleke araru voottharelana.” Munnona?

³⁵³ Araru paahi voottharelana, vano—vano kaamwiira “Haya mulepeke, mpwehe vo vapulpitu.” Munnona? Vano meelo ohiyu ninookumana-tho. Munnona? Nto yaakhanle-ene etthu enihalela wiiraneya eriyari ya vano ni meelo ohiyu, Muluku onoolavula eyo mwa mmosa wa mitthaka seiyo. Munnoona entthunaaka ohimya? Ekhaleke ararau voottharelana. Nto kinimuupuwela vano, wira Webster onihimya wira, yoohimya y'eprofeta pooti. . .

Vanooweryaneya yo-. . .mutthaka wiihaniwa olaleerya y'eprofeta ohihimyaka s'ohoolo?

³⁵⁴ Nnari. Yakhalaru y'ohimya y'eprofeta, eyo enlaleerya y'eprofeta, ehimyaka khalayi ene etthu enrowa wiiraneya. Eyo ekeekhaii, nave.

³⁵⁵ Vaareera, nto kinoona wira. . .Vano, ela ti yookiserya mpakha niphiverye iya va.

120. Munna Branham, vanniweryaneya—vanniweryaneya khula wa iya. . . Munna Branham, khula emosa wa sookoha iya. . . Elempwe ni maakina oolepa ni enihalela ofuceya. **Vanniweryaneya khula emosa wa sooko-. . .Munna Branham, khula emosa wa sookoha iya muhinoonaanyu weettiheriwa wira mwaakhule wala ovahererya. . . ahiiso olakiherya (ayo), olakiherya seiyo, ohiya epantte aya, nkinrowa woona onanara hata vakhani. Ti sivi sikhlanle miteko soomalela sa tiyaakono voolikana ni Yoolempwa?**

³⁵⁶ Ahe, miyo—miyo kinnaamini wira aakhalana eyo vate vale. Yakhala. . . Koosuwela wira ti mmosa wa matiyaakono a ekereja ahu. Tivo kookupali wira awo aakhalana yoolempwa oratteene vale. Naahaana okumiha ikoopiya sikina ovahiwe khula mmosa a matiyaakono ahu nahaakhalanne vale. Naamuwerya okumiha ekoopiya ya yeeyo, Gene, mmosa. . .wala, nyuwo wala Munna Leo, wala mmosa a yaawo, sa. . .mwakuxe soophiyaka thanu

na mosa wala thanu ni tthaaru mwaavahe matiyaakono ahu. Vo siri-vo miteko, voolikana ni Soolempwa, ele tiyaakono erinaawe wira.

121. Vairaneya wira naamukhalana elaleeryo y'eprofeta wala mutthaka mwa ilavulelo voohikhala oratteene, naahaana olakiherya sayi?

³⁵⁷ Vano, ola mwaha wo waakuveya, moone. Munnona? Vano, mureerihwe, tiyaakono ohimnye ela, okhala wira ela etthu yooreera. Vantthuneya ovara eyo ni iluuva sa mphira. Vano, nyuwo mwavaha e...Akhala mutthu onoorwa vamuthukumanoni vahu va khuvaha mutthaka wala olaleerya y'eprofeta voohikhala oratteene, voorika khiyaavo etthu mukhanlyaanyu wiiraka awo yakhalaru vamuthukumanoni. Munnona? Nyuwo paahi...Awo annisuwela wira khakhanle oratteene ni eyo—eyo eno...pooti ohonona muteko. Munnona? Masi, yairaneya vale, etthu yooreera wira, matiyaakono, okhala oomaala paahi. Munnona? Okhala wira profeta vaplataforma ti ole vekeekhai ori...Nyuwo mwa—nyuwo mwa mukhapelelo awe, nyuwo mwa mapiliisa awe, moone, nyuwo mwa makwarta ahu. Munnona?

³⁵⁸ Vano, akhala mutthu mmuthu...Aahikhale mutthu a muthukumano ahu, mutthu uwo t'ohixuttihiwa, moone, awo khaxuttihiwe. Ti yeeyo hiyo emphavelaahu ophwanya va, moone, wira ni—nisuwele yo wira. Hiyo noosuwela moota wo waaxuttiha athu ahu. Masi vakhala wira ti—vakhala wira kahiyo a muthukumano ahu, ahe, hiyo khaninsuwela moota mutthu owo oohaawa oxuttihiwaawe.

³⁵⁹ Mwa nlikanyiho, ntoko...Billy onnuupuwela ela, oCosta Mesa, California. Khula okathi kaakhalaaka oolikana wira kiihane waltaari aanikhala muthiyana aatupha, ni otthimakasa munvireloni, alavulaka ilavulelo, ni aanitatapwela mwiihanelo owo wa waltaari. Nto kaahaana okhuma tu. Mwaamuwerya wona wira Erooho—yaahiriipiwa murima, moone. Khiyaavo enrowa oriipiha murima Erooho ya Muluku yakhala-ru oratteene. Munnona? [Nipuro vahiitthu mufiitani—Mol.] ...owo ohinatthi opacerya, aanilikanyiha, okhala wira kaaninwehaka. Khula murumeyi onimwiira yeeyo oonaru etthu ohikhala oratteene. Vano muthiyan'ola aari ottuli iwe vano khimuhimeerya Billy, vano Billy khukileela okathi waavolowaaka ohiy'ule, khwira, "Paapa, munnimusuwela muthiyan'ole otatapwenle wi—wiihana wa altaari, ohiyu miili?"

"Ayo."

³⁶⁰ Khwira, "Owo aakilanthe vale," khwira, "owo khwira, 'Avuwihwe Muluku, Billy, kookhalana mutthaka mukina ohiy'ula!'"

³⁶¹ Ahe, vano, moone, miyo kaamunweha vamuthukumanoni. Yaahikhala athu ikonto sene vale; owo p'ukathi erevista

Reader's Digest yaalempe-aya sa ovonihiwa wa Donny Morton, moosuwela, *Mwiiriirya wa Donny Morton*. Vano miyo kaahinweha muthiyan'ole, nto okathi ene yoowo kipacenyraaka wiihana wa waltaari, owo... Vano, owo aari oohixuttihiwa; vekeekhai, muthiyana ooreera murima. Masi owo aahiwehaweha mapuro othene, khupacerya olokiherya maihi awe. Owo aarina maihi oometthiwa, moone. Tivo, moone, owo aari a wAsempeleya wala emosa wa ikereja iye si—sintthuniherya yeeyo. Owo aareerihela maihi awe. Khuurama khulokiherya ipiyuuka sawe, khukhala oolikana siiso. Nto okathi ene yoowo miyo kipacerya wiihana waltaari... Miyo khwira, "Vano, akavi mu... akavi ari va vano yaatthuna orwa ohoolo ni—ni ovahererya murima aya wa Pwiya Yesu?"

³⁶² Owo khweemela. Miyo khwira, "Mukilaathi." Owo khupacerya olavula. Miyo khwira, "Mukilaathi!" Munnona? Nto, munna, atthu othene... Miyo kimaaliha. Owo aairale ntoko wira khaakiiwale nto miyo kimukhuwelela-tho. Owo aahikiiwa ekwaha eyo, okhala wira yaakhala ntoko kaahittikinya empa yothene ni miikorofooni iye suulupale keemenle vale. Vano owo khukilaathi.

³⁶³ Miyo khwira, "Vano, ntoko saahimyaaka, akavi antthuna orwa waltaari evahererye murima aya wa Muluku?" Vano miyo khukelela ohoolo ni muthukumano, moone.

³⁶⁴ Nto ohiyu yoole okathi okhumme aka mpakha vakamiyawuni, kaahirukureriwa. Nto va nikhuru nle n'athiyana yeemenle-ene vale ntoko nikhuru n'alyakhu, nyuwo moosuwela, "Nyuwu mooveeha Erooho Yoowaarya."

³⁶⁵ Miyo khwira, "Kooveeha?" Miyo khwira, "Vanweryaneya sayi miyo oveeha Erooho Yoowaarya mwaha w'otthara isu-... yoothimya ya Soolempwa?" Munnona?

³⁶⁶ Nto muthiyan'ola khwira, "Kaahikhalana mutthaka waakhumme wa Muluku."

³⁶⁷ Miyo khwira, "Masi nyuwu mwaavaha okathi wahaapwanelela, munna." Miyo khwira, "Miyo nkihiyo..."

"Nyuwu munihimya wira ole khiwaari—ole khiwaari wa Muluku?"

³⁶⁸ Miyo khwira, "Miyo nkaakhanle wooleelakani, muhano." Miyo khwira, "Miyo—miyo—miyo kinnaamini wira ti waaryaaya, moone." Miyo khwira, "Miyo kinihimya eyo wa mureerele anyu, wira, 'Miyo kinihimya wira kinnaamini wira ti yeeyo.' Ni kookupali wira nyuwu mwa muthiyana ooreera murima, masi nyuwu khimwaari oratteene."

³⁶⁹ Ni vale pastore awe eemenle vaavale. Miyo kaahisuwela wira aari pastore awe, moone. Nto miyo khwira... Miyo—miyo khwira, "Eri ethhu emosa paahi ekhanlyaaka ohimya, wira nyuwu mwaari mw'erutthuni wala nyuwu murina pastore

owiixuttinheni ohinsuwela etthu ya Soolempwa.” Miyo khwira, “Owo aahaana orwa alavule ni hiyo okathi vakhani mwaha wa Soolempwa. Eyo ti yoovonyeya, mwaari voohilikana. Soopweteya minepa sinci-ene mwaha wa nyuwo, musuri ohiyu, ni-tho sinci-ene nsana ohiyu, ni yaamwiireya etthu emosaru ohiy’ula.”

370 Nto mulopwan’ola khwira, “Munna Branham,” khwira, “Muswammaha.”

Miyo khwira, “Munihimya exeeni?”

371 Khwira, “Owo aahikhalana ehaakhi y’ovaha mutthak’owo, nyuwo mwaahimaliha.”

372 Miyo khwira, “Kaari vaplataforma, ni erooho ya maprofeta enimwiiwelela profeta. Miyo nlelo kiri vaplataforma.”

Nto owo khwira, “Ahe . . .”

373 Miyo khwira, “Nlelo kaahikhalana Mutthaka. Miyo kaamwiihana waltaari, ni iwo othukumanya. Kaahiriha ntthavi naka, kinoopurula vano. Muhimurihelele-vo araami farapaatu wala etthu wira muhonone, moone.” Miyo khwira, “Miyo nlelo kaapurula ntthavi naka.” Nto—nto miyo khwira, “Owo aarimwiikeliha ni otatapwela—oruuha minepa s’atthu. E . . . Yooreera xeeni yaarowa omuruuhela mulaleyi wala etthu ekina mwaahiwiihane ni waavaha opuro anatampi wira arwe? Munnona?”

374 Nto owo khwira, “Ahe, mutthak’awe waarwiiye nuumala wawinyu. Wawawe waarwiiye voolukama ovikana ole wa plataforma . . . Wawawe waakhumme wa Muluku.”

375 Miyo khwira, “Akhala mutthu onuupuwela okhala a erooho wala profeta asuweleke wira etthu enihimyaaka ti Sooruma s’Apwiya. Masi akhala oohisuwela, ahisuweleke paahi. Hiyo khanilimalenle, nnakhala Ekereja ya Muluku,” kimuhimiyaka Paulo, moosuwela. Miyo khwira, “Nnari, mulopwana, khiyaavo etthu esya! Owo . . . Yesu ohimnye wira, ‘Moolumo othene a mutthu akhale oowootha nave Awaka akhale Ekeekhai.’ Paulo oohimya, ‘Hata Nlaikha ninkhuma Wirimu ninrwa ni etthu p’itthu ekina yookhala ela Va, nitakhaliwe.’” Miyo khwira, “Mwenye, nyuwo murookhuma voomalela muliinyani.” Miyo khwira, “Muthinto xeeni wa ekereja murinaanyu? Miyo kookupali wira nikhuru nuulupale na mawoowo. Munnona? Vakhala wira munnaatthuniherya atthu awo wira yeeyo munwerya sayi wiihana waltaari? Owo ookhalana muteko, awo othene aakhalana muteko, masi wookhala okathi wa muteko anyu, moone, sinvaheriwa siiso.”

376 Tivo ti yoolikana. Nnari, nto vano eyo yaairaneya mukereja *mwahu* siiso, ntoko sa, mwa amosa-amosa w’axinn’ihu alopwana wala athiyana mu mukereja anlavula ilavulelo, vano, matiyaakono, makhulupale nuumala muteko w’okokhorela

kinoona wira yaahaana okumana vamosa, ni waaleela, “Mukihiye kooleleni ele eri mufiitani, minuutu vakhani paahi, moone.” Moone, nyuwo muri paahi... Wala—wala, pastore, wira, “Miyo—miyo kookupali wira pastore ontthuna olavula ni nyuwo. xontte vanooweryaneya okumana ni hiyo oskritooriyu okathi vakhani, moone, munna.” Okathi, vano nvolowe mmwe mulavule ni yoowo ni mmaalelo. Munnona? Nto mwiire... .

³⁷⁷ Masi, vano, mutthu aahikhaleru oratteene onamuhaaxa pastore anyu, moone, vakhala—awo yaamuhaaxaka pastore anyu, vano nyuwo mahumu mwaahaana orowa mpakha wa yoowo ni wira, “Okathi vakhani paahi.” Ni pastore oovahanru ethoonyeryo wira mwaamaalihe, vano owo oovara erooho vasulu vale, wira eno...wira awo anoohonona erooho ya muthukumano, moone.

³⁷⁸ Vano pastore amaalaru ni khuuramiha muru ni nttittimiho, muhihimye etthu. Munnona? Muhihimye etthu; mmuhiye pastore. Masi munwehe pastore anyu. Owo awuovelani-ru siiso, wira muhaana omaliha eyo, nto nwaattamele ni ophenta w'oKristu, mwiire, “Munn'aka, murokor'aka,” onakhhaleru pani, “Miyo kookupali wira nyuwo khimukhanle oratteene, okhala wira munoomuhaaxa profeta, moone. Owo ookhalana mutthaka onkhuma wa Muluku. Owo amaliharuru mutthaka awe, nto ninimoona yeeyo ohoolo waya.” Moone, vakhalaru wira enoomuhaaxa.

³⁷⁹ Masi akhala mutthu a ota, nto pastore ni nttittimiho onoomaala alipelele minuutu mmosa, vano owo...alakela owo onoothikela naanaanoru, moone. Tivo...Nto mwaweha vale, ipursento miloko mithanu na mixexe sa okathi siiso, itaphuleliwo, kweekwe sinihimya Yoolempwa emosa wala etthu ntoko yeeyo, alakela sikhanelle sa erutthu ipantte soopiili. Moosuwela entthunaaka ohimya ni yeeyo. Munnona? Vaareera.

122. Ennitthuniheriwa ovikana mutthu mmosa olavula ilavulelo ohikhanle otaphuleliwa?

³⁸⁰ Nnari. Awo ahaana olavula mmosa-mmosa. Munnona? Mmosa onoovaha...Mmosa onoolavula, vano nto khutaphuleliwa. Munnona? Vano mukina alavula vale, otaphuleliwa; okhala wira mwaahiire siiso, mulipa-ootaphulela khonrowa osuwela etthu eniiraawe okhala wira sookhala mitthaka miili wala miraru simmanaka yoowo emaara emosa, moone, nto eyo yaamukhala yoomukattiyamiha. Ni Muluku kahiyo mwaneene manyakunyaku, moone. Vano mmosa alavule, ni mukina ataphulele. Munnona? Vano nto...Nvahe mitthaka miraru, masi khula mutthaka otaphuleliweke.

³⁸¹ Vano ninookhalana...Ntoko Munna Ruddell aalavunle nto Munna Neville khunataphulela, Munna Fred akhale oomaala paahi. Moone, waakheliwe otaphuleliwa iwo. Yoopacerya, ohaana olamuliwa toko, woona khama ti wa Muluku wala nnari,

opacerya wene. Munnona? Nto vaareera. Vano, vakhala wira Munna Ruddell onoolavula, Munna Beeler onoolavula, Munna Neville onoolavula, mulipa-ootaphulela oohaawa onkhalana mitthaka miraru soottharana; exeeni—exeeni, owo onrowa osuwela sayi etthu yo wira? Munnona? Mmuhiye mmansawe. Munvahe mutthaka vano nto mukhale oomaala, mulipelele paahi. Yakhala etthu yuupululeliwe mmosa oottharelana okilaanthi vakhiviru ni yoowo; owo amaale, akilaathi paahi amaale. Munnona? Vano nto muhiye otaphuleliwa waya orwe.

³⁸² Nto, warwa vale, mulepe nto, moone etthu anamalamula anihimyaaya. Munnona? Awo yahimya wira, “Ahe, ti—ti wa Muluku.” Vaareera, owo mutthaka, moone, olempwe. Vano nwehererye minuutu mmosa paahi. Nto naanaanoru, ahe, vano Erooho enoomukhuruwela, owo onoolavula. Vano mulipa-ootaphulela onoolipelele minuutu mmosa, wira oone etthu Erooho Yoowaarya enrowaaya ohimya. Va owo onookhuma ni mutthaka owo, moone. Vano nto owo onooempwa, moone. Vano akhaleke araru voottharelana.

123. Munna Branham, hiyo noosuwela wira nyuwo mwa namitthaka oveleelihiwe okhuma wa Muluku okathi ula wa ekereja. Ithoonyeryo seiye saamutthara Yesu hiyo ninnoona soottharakani, ni hiyo nri. . . ninnisuwela mwaha wa xeeni amosa-amosa anoosuwelani saana anuupuwelaaya wira nyuwo mwa Mesiya. Mwaamuwerya olakiherya evirikanelo mwa wiiraana wanyu ni Muluku ni ole wa Kristu?

³⁸³ Ahe, miyo koosuwela, axinna, wira eyo ekeekhahi. Moone, masi nrowe nilipelele, kookhalana etthu elempwe ya yeeyo va, minuutu mmosa paahi. Moone, imaara sinci-ene kheniiwiwa oratteene. Munnona? Masi, vano, mwa mutthu imaara sikina. . . Ni kintthuna wira akina a nyuwo mukhunle ni miyo Luka, kapiitulu 3 versiikulu 15. Mphavelaka siiso, khino kinimoolelani. . . Mwaphwanya vale, wira ti Luka 3, ti. . . khino. . . ori mu. . . Mukihiye paahi. . . Nkinrowa owala mukhora, okhala wira khaavo mutthu vale. Mukihiye—mukihiye koophiiheryeni ila, axinna. Nyuwo muhiwa, eri mapuro othene. Masi mukihiye kooleleni, moone, ehaana orwa siiso. Ehaana orwa siiso. Yahaakhanle siiso kaamurukunxa murima mwaha wa mutthaka aka.

³⁸⁴ Nwiriyane, axinna, miyo kinoovirikanyani ohoolo wa Kristu wira nyuwo—nyuwo—nyuwo mukhale oomaala, masi mwaari a erooho mwaamusuwela saana. Munnona? Khamunsuwela etthu ene yoopacerya Owo aahimyaawe ohitto iwe omurathhini? Khamunuupuwela etthu Owo aahimyaawe? “Ntoko Yohani Mpatisa aarummwaly’awe wira ahoolele orwa woopacerya wa Kristu, Mutthaka anyu. . .” Ti Mutthaka onrowa ohoolela Orwa wa Neili wa Kristu. Ti yeeyo Nlaikha n’Apwiya naahimyaaya.

³⁸⁵ Vano, vano nwehe. Vano, “Ntoko Yohani Mpatisa. . .” Vano,

othene nyuwo muhiiwa eyo. Nyuwo moosoma muliivuruni, ni moowiiwa atthu yeemenle weiwe yiiwaka Yeeyo, ni itthu sothene sikina, okathi Nlaikha nle Mmansaya naalavunly'aya mutthak'ole, "Ntoko Yohani Mpatisa aarummwaly'awe wira ahoolele orwa woopacerya wa Kristu, nyuwo munirummwa ni Mutthak'ola, wira ohoolele Orwa wa Neili wa Kristu." Vano, "Mutthaka."

³⁸⁶ Vano, mwaweha vale, ni miyo . . . Willie mwaamukhaani vale t'ohenle nsina naka vathi va ettheneeri ile vale, nto mwaha wa yeeyo kihelenlyaaka etthu vasulu, moone, okhala wira miyo—miyo nkinoona wira . . . Vano, kinrowa okhala naxariya ntoko sinwery'aka okhala, nkinoona wira kookhalana-vo etthu ni namitthaka owo, moone. Ti yeeyo. Kookupali wira khino kooveleliheriwa wira kikhale epantte ya Mukereja mw'Awe, wira kikhaliherye oteka Mutthak'ole mpakha nipuro vaavo okathi mahoolela ola onrwaawe, wira owo onimoorwa.

³⁸⁷ Masi kinnaamini, wira miyo ka ele kiryaaka, miyo ka . . . Kinnaamini wira kookhalana Mutthaka wa nihiku. Miyo kinnaamini wira ola Waarya wa nihiku, ni kookupali wira onthoonya okathi yoowo onrwa, moone, miyo kinnaamini wira Mutthaka owo aahimmyaawe ohitto iwe, "Mutthaka nyuwo murin'anyu." Vano, mwaweha vale Ettheneeri ile yaavennyeye iwe, yaari e . . .

³⁸⁸ Mukihiye kikhalihe . . . Koosuwela wira ki—kinuurela okathi aka va, ni kihaana iya sikina, sookoha kamosa-kamosa sooreera. Miyo nkinthuna . . . Ti—yoovira ewoora yanamuloko, tivo, ni koosuwela wira munthuna orowa owaani. Munnona? Masi nwiriyane va. Mukihiye kiwooniheni etthu. Munookivaha paahi—okathi vakhani—tho paahi? Vaareera, vaareera.

³⁸⁹ Vano nwehe, vano mukihiye kihimye etthu. Vano, nyuwo axinna musuke ela yeenyuru. Munnona? Vano, musuke ela yeenyuru. Miyo kihaana woolakiheryani yeela okhala wira nyuwo mwa pastore aka . . . nyuwo mwa mapastore aka n'itthu sikina, nyuwo moone, ni miyo—miyo kihaana wira yeela. Ni nyuwo axinna ni miyo ninvara muteko Mmutthakani mu. Munnona?

³⁹⁰ Vano, vanikaasa miyo, ntoko mutthu, miyo kiri ntoko nyuwo ni ootepaxa woovikanani nyuwo. Miyo—miyo—miyo . . . Anciene a nyuwo othene munikhuma mw'emusini mw'eKristu ni itthu siiso. "Miyo ka mukhulupale oomalela a anatampi," ntoko saahimmwaaya emaara emosa, "eriyari anyu." Makhalelo a vathixa, wona waka, yaakhanle okhalaka, ntoko mulipa-oohaamini ni oohoverya, owo kaari miyo.

³⁹¹ Masi okhuma kiri mwaana kweekwe kaanisuwela wira aahikhala Muluku, ni kaanisuwela wira yaahikhala etthu yaakhumelenle mmakhaleloni mwaka. Nto eyo ti—eyo yoovikana khula ohoverya, munn'aka. Munnona? Masi mukihiye

kihimye ela, wira onimoorwa—onimoorwa Mutthaka mmosa, ni onimoorwa namitthaka. Kinnaamini wira ola akhalaru mutthu o—onrowa okhala mutthu nuumala miyo. Munnona? Enrowa okhala . . . Masi Mutthaka ola onlaleyaaka ti Mutthaka w'ekeekhai wa nihiku nla, ni ti Mutthaka wookiserya. Munnoona eniiraaka, axinna? Miyo kinoohelakani nyuwo othene nipuro nimosaru nenlo kiryaaka, okhala wira nyuwo munikhala ookolaxa mwa nenlo ntoko siryaaka. Nyuwo mwa anamitthaka a Mutthaka yoola mmosaru.

³⁹² Nkawehani va, kookhalana eyooniheryo. Miyo—miyo kinooka wira kinoowerya okhaliha oratteene ni eyooniheryo. Mukihiye kiwale mukhora ola mwa epante okathi vakhani. *Ola* ti Yesu, ni *ole* ti Yesu; ahe, kinoohela *ela* va, Ketisimani, ni *ela* va ni *vale*. Vano, khimukhanle . . . Miyo hata nkihimye ela ohoolo wa ekereja. Vano, mpuwele, muthinto xeeni wa warya (ettheneri) waahoolale athu yaaphavela akhili, “*munihoolele mo Waaryani Mwanyu wooloka*”?

³⁹³ Vano kinrowa olakiherya oratteene minuutu mmosa wira kooleleni etthu. Nrowe nihiye etthu iyo . . . Willie iiralyaawe, ni niire wira ti yoolikana. Nrowe paahi nihimye wira ti yoolikana. Nkikhanle ohimya yeeyo, axinna. Eyo yaamukhala wiikuxererya. Eyo, miyo nkaarowa . . . Hata wira kaanaamini, nkaarowa ohimya. Munnona? Mutthu mukina aahimye-ene eyo, owo mwaha aya.

³⁹⁴ Masi, va, vekeekhai ntoko saavekenlyaaka, aximiravo amosa-amosa, awo yaawerya ohimya onamoona wa itthu kamosa-kamosa sikhumelenle. Khonkisivela ophiya vapulpitu n'uhimya onamoona wa etthu ekhumelenle vamuthukumanoni. Mmuhiye mulipa-ootthokiha wala mutthu mukina aire yeeyo, mutthu mukina aire. Miyo khonkisivela wira yeeyo.

³⁹⁵ [Munna mmosa oniira, “Hata yaahimurwela Yohani khwira, ‘Nyuwo mwa Kristu?’”—Mol.] Ayo, ti siiso, etthu entthunaaka ophierya. [“‘Nyuwo mwa Profeta yoole?’”] Owo aahikhootta. [“‘Khaahimye wira aari yoowo, owo iirale, ‘Miyo ka ole onikhuwela mothakoni.’”] “Nsu na ole onikhuwela mothakoni.” Owo aahiikhaliha voopuroni.

³⁹⁶ [Munna mukina oniira, “Awo yaaroomukoha khama aari Profeta yoole, owo iirale ‘Miyo nkihiyo.’”—Mol.] Ayo. Vano . . . Maana Profeta aari Ole Moise aamuhimyaawe. Moone, owo t'okhanle Profeta, moone. Munnona? Masi owo aahisuwela wira aari pani, moone. Masi owo aahaaleela, vano, wira . . . Owo aahaaleela, moone, ni owo aairale, “Miyo ki nsu na ole . . .” Ole aari yoowo. Owo—owo khuhimya ele aaryaawe. Munnona? Masi owo aari e . . .

³⁹⁷ Muhimyeke. [Munna mmosa oniira, “Okathi Kristu aarwiiyaawe nto, nuumala Yohani, awo yaahimurweela Owo, awo khwira, ‘Hiyo nihiixuttihiwa wira naamini wira Eliya

aamoorwa ohinatthi Mesiya.’ Owo khwira, ‘Mwaaweryaka waakhela.’—Mol.] Ole aari yoowo. Ti yeeyo. Ti yeeyo. Vano Yohani aahitthikela airaka, “Miyo nkhiyo etthu! Miyo nkhiyo etthu! Nkimphwanela otaphula exapattho Awe!”

³⁹⁸ Masi ankhi okathi Yesu aahimmyaawe sa yoowo? Owo iirale, “Mwaaronwe wona exeeni?” Ayo. Ayo. “Mwaaronwe wona mutathi ontikinyiwa ni ettheke? Wala mwaaronwe wona exeeni, mutthu owanre ikuwo sooreeraxa ni sookarya ni itthu siiso?” Khwira, “Awo ari mpaani mwa mwene. Masi mwaaronwe omoona profeta? Miyo kiniira ayo, ni oonvikana profeta.” Owo aari oonvikana profeta, owo aari namitthaka a waataana. Ti yeeyo owo aaryaawe. Owo aahinvikana profeta. Owo khwira, “Khonakhaleke mutthu oyariwe ni muthiyana, muulupale onvikana ola mpakha okathi ula.” Munnona?

³⁹⁹ Yaari yeeyo, moone, owo aari namitthaka a waataana. Owo aari ole aamuthoonyenrye khwira, “Ola ti Yoowo.” Maprofeta othene akina yaahilavula sa Yoowo, masi Yohani iirale “Ola ti Yoowo.” Munnona?

⁴⁰⁰ Vano nwehe. Vano nwehe. Asuweli yaatthanre ettheneeri. Kinrowa oruha mwa enamuna yaamukhaani, moone. Asuweli yaatthanre ettheneeri, akohasaka, “Ori vayi Ole oyariwe Mwene a aYuta?” Muhiiwa nsipo nene. “Hiyo nrimoona ettheneri Awe onikhuma nsuwa nto nrweenle omukokhorela Yoowo.” Nyuwo muhiiwa eyo, moosoma mwa Yolempwa. Vaareera.

⁴⁰¹ “Enihoola mpakha onkela nsuwa, nlelo yeettaka, munihoolo mpakha Waarya Wanyu wooloka voomalela.” Moone, ettheneeri yeetiherya mpakha Waarya wooloka voomalela, okhala wira ettheneeri yooniherya Waarya paahi. Yaari siiso ni hiyo nno nihiku nlo. Munnona? Akavi yaari vaava Ettiminku wira yoone yeeyo? Moone, kaammalaru olaleerya yeeyo. Ovuwa wa Shekinah waahooneeleya muttheneerini, ni ettheneeri ennooniherya Yoowo. Va naari Nlaikha n’Apwiya neemenle-ene va vaplataforma nooneelihaka Nenlo iwe, Ovuwa wa Shekinah. etthu emosaru voolikana. naari vale voolikana. Niwehaka va ele y’ekeekhai, niwehaka iwe ni nooneeliheyaka vaxirini siisaale. Munnona?

⁴⁰² Vano nwehe ela, vano, ettheneeri ile yaavennyee onkhuma nsuwa. Eyo ekeekhai? Yaari ettheneeri yuulupale. Vaareera. Nto taani aari ettheneeri y’ekeekhai ya vathi okathi wo orwa wa Yesu? Vano, Yohani. Owo aari ole aaweetihenrye Waarya iwe wooloka voomalela. Eyo ekeekhai? Eyo yaari onikhuma nsuwa orwa woopacerya wa Yesu. Nto, vano, sookhala ittheneeri sinci-ene sikhaani sinlapuwa weephakani mpakha ophierya ettheneeri ya makaaripi.

⁴⁰³ Vano ettheneeri ya makaaripi enaarya makaaripi. Ettheneeri y’oxaka enaarya voosiisu. Ni soopiili ittheneeri sa munnuwelo mmosaru ni muthinto mmosaru wa ettheneeri. Vano muhele

piili ni piili vamosa nto munookhalana enikhumela, moone. Moone, eyo eri vo. Tivo kehiyo . . . Ettheneeri kahi Mesiya, eyo enimooniherya Mesiya paahi.

⁴⁰⁴ Vano, ettheneeri khenooniherya waarya waya. Ettheneeri enooniherya waarya wa nsuwa. Eyo ekeekhaii? [Munna mmosa oniira, “Nnari.”—Mol.] Huh? [“Mwa moonelo. Mweeri onniira; ittheneeri sinnooniherya waarya waya.”] Ayo. Ayo, mweeri, ayo, ono- . . . kinihimya wira mweeri onooniherya waarya. Ayo, Uh-hum. Vano, vakhala—vakhala wira ettheneeri enooniherya waarya waya, weeso waarya waya waahaana okhuma wa . . . wa Muluku, okhala wira ori ntoko muthinto mmosa wa exileera. Kahi siiso? [Munna oniira, “Nsuwa.”] Huh? Nsuwa nene, nikhumaka vansuwani. [“Masuwa ari ottaiwene ovikana nsuwa nahu.”] Ayo. Vano awo . . . Hiyo ninnihimeeriwa wira masuwa awo ankhuma munsuwani nuulupale. Nsuwa naarinhe ipholovolo iya ni iyo ipholovolo sinvarela ntoko nsuwa. Vano awo masuwa makhaani wa hiyo. Eyo ekeekhaii? Mithuko mikhaani. [“Makina a . . . manci-ene aya t’owunnuwa ovikana nsuwa nahu.”] Miyo kintthuna ohimya wira wa *hiyo*, wa hiyo, moone. Hiyo niniihimya mmansihu va. Vaareera.

⁴⁰⁵ Vano, awo yakhala masuwa wa hiyo, wala ananvaha waarya, awo epantte ya nanvaha muulupale. Munnona? Nsuwa nuulupale ninnivaha waarya wuulupale, waarya wooloka voomalela. Masuwa makhaani, ahiiso ittheneeri sikhaani, ninweryaahu woona ntoko irutthu, iyo pooti okhala ottaiwene ovikana n—nsuwa ninaarya, masi sinooneelihaaya wa hiyo waarya mwaamukhaani. Masi iyo sinkhalela onamoona waarya. Eyo ekeekhaii? Vano okathi nsuwa nuulupale ninvenyaaya, masuwa makhaani anoottipha. Eyo ekeekhaii? Awo kahiyo n—nsuwa wa hiyo, awo anamooniherya ntoko nsuwa. Munnoona entthunaaka ohimya?

⁴⁰⁶ Vano, nuulupalexa eriyari aya (voosiisu) ninlaleerya okhuma wa nsuwa, otupweela wa nsuwa ni okhuma wa nsuwa, ti ettheneeri y’oxaka ni ettheneeri ya makaaripi. Eyo ekeekhaii? Piili wa ittheneeri suulupalexa, ettheneeri y’epantte onikhuma nsuwa ni ettheneeri y’epantte onkela nsuwa.

⁴⁰⁷ Vano, vano munnoona vatthu vari mwaha ene? Eliya aari namitthaka wira alaleerye, orwa wa ettheneeri ya onikhuma nsuwa, ni aahihimya khalayi ene okhala namalaleerya e—ettheneeri ya onkela nsuwa, ahiiso orwaa-tho wa nihiku nsya nuumala ovira nihiku nla. Vano munnoona exeeni iyo?

⁴⁰⁸ Onkhuma nsuwa, “Onookhala waarya e . . .” Moone, okathi vakhani Nsuwa nihinatthi olaleeriwa elapo ya vathi, ettheneeri y’oxaka yaahikhalela onamoona wira “Nsuwa nnimoorwa.” Eyo ekeekhaii? Moone, eyo eniruuha ettheneeri y’oxaka. Ahe, nto ettheneeri y’oxaka ni ettheneeri ya makaaripi muthinto

mмосару ва итхенеери, ни соокхала итхенеери сикхаани mapuro othene. Khamunoono entthunaaka ohimya? Anamitthaka.

⁴⁰⁹ Ahe, nto, Owo aarina mukhalelo wa Alfa ni Omeka, Ephattu ni Emalelo, Yaspe ni nluku Sartonio. Munnoona entthunaaka ohimya? Vano, orwa wa—wa Kristu vakhiviru mmatatani, vano Mutthaka waatthuneya wira Eliya alaleye mahiku ookiserya, vakhala wira yookhumelela enoottthikela. . . Siiso ntoko ettheneeri y'oxaka enlaleeryaaya orwa vo, ettheneeri ya makaaripi enlaleerya orwa wa nihiku nsya, nihiku nikina. Nno orwa wa nsuwa onlaleerya o—orowa wa n—nsuwa ninkhalanakaahu ni orwa wa nsuwa nsya, moone, okathi wa naanaano, okathi wa naanaano onkela.

⁴¹⁰ Vano, nwiriyane: Vano, vakhala wira Yohani aahiruaha mutthak'awe khulaleerya orwa woopacerya wa Kristu, ni Eliya onrwa nihiku nookiserya, profeta aahihimya, "Onookhala Waarya okathi wa makaaripi." Mwa moolumo makina, waamukhala Waarya okathi wa makaaripi.

⁴¹¹ Waarya wa makaaripi, waarya wuulupale wa makaaripi hiyo nrinaaahu ettheneeri ya makaaripi, waarya wuulupale orinaaahu. Ahe, nto, waahaana olaleerya mutthaka mмосару olaleenrye ettheneeri ila ekina. Enlaleerya nsuwa, olavula sa nsuwa.

⁴¹² Ahe, vano hiyo nri okathi wa makaaripi, Waarya wa makaaripi ori vaava. Okathi ula woomalamalihiwa. Munnoona entthunaaka ohimya? Nihiku nla noovira, nto onrowa olaleeriwaka orwa wa Nihiku nikina.

⁴¹³ Maana, moone, eyo vekeekhai. . . Mutthu aakhanle onikela nsuwa khuweha ettheneeri eyo, yaarowa okhala onkhuma nsuwa. Vano nto, moone, "hiyo nrimoono ettheneri Awe onikhuma nsuwa," masi awo vekeekhai yaarisa. . . awo yaarisa—awo yaarisa onikhuma nsuwa ewehaka ettheneeri onkela nsuwa. Eyo ekeekhai? Asuweli yaari epantte onkela nsuwa. . . epantte onkhuma nsuwa ewehaka ettheneeri yaari onikela nsuwa. Munnoona entthunaaka ohimya? Masi yaari ettheneeri y'onikhuma nsuwa w'ale yaari onikela nsuwa.

⁴¹⁴ Moone, saarowaahu ohimya. . . Kweekwe kinihimyaaka, "Vathi p'usulu." Ninsuwela sayi wira khelikanne? Hiyo neemenle w'Ehimalelo, Ekiseryo y'Okuusini pooti okhanle-ene osulu vano Ekiseryo y'Onkela epheyo pooti ekhanle-ene vathi. Khanisuwenle. Moone, enamuna yo owela onkhala okhuruwa. Munnona? Hiyo nri. . . Hiyo ninoohiya ela; numala ela ninkela mw'Ehimalelo. Enookhomasa, olaleerya orwa wa Ehimalelo, nihiku noovirikana, okathi woovirikana, mwa sothene.

⁴¹⁵ Vano hiyo nri okathi wa makaaripi. Hiyo ninnaamini eyo. Hiyo ninnaamini wira orwa w'Apwiya ori vakhiviru. Vaareera. Vano, vakhala siiso, vano ohaana okhala Waarya wa makaaripi. Ni Waarya wa makaaripi, voolikana ni Malakhiya 4,

ohaana “orukunxa mirima s’ana otthikela w’axitiithi,” otthikela woopaceryani.

416 Masi okathi owo oruulyaawe emaara yoopacerya, owo aarukunxa mirima s’axitiithi wa aana. Aana yaari ale owo aathukumannyawe wa yoowo. Owo aahaana waaruha aana . . . mirima s’axitiithi (a khalayi, axitiithi ortotookisa a khalayi) otthikela waarya nno owo aalaleeryaawe va.

417 Masi owo arwaaru-tho, owo ohaana wira voovirikana (mooweha wira, olumwenku ohinatthi opwetexiwa, “nihiku nuulupale ni noowoopiha n’Apwiya”) ni “orukunxela mirima s’ana w’axitiithi,” makaaripi—ettheneeri ya makaaripi yeeyo yaari ettheneeri y’oxaka okathi ule. Amen.

418 Kinroromela wira—kinroromela wira koolakiherya oratteene, moone. Ettheneeri ya makaaripi yeeyo yaari ettheneeri y’oxaka, okhala wira eyo ettheneeri emosaru. Hiyo nri onikela nsuwa, niwehaka onikhuma nsuwa. Awo yaarisa onikhuma nsuwa, ewehaka onkela nsuwa. Vekeekhai eyo ettheneeri emosaru. Munnoona entthunaaka ohimya? Eyo entthariha nipuro vary’anyu, moone, khama ettheneeri y’onikhuma nsuwa ahiiso ettheneeri y’onikela nsuwa. Munnoona entthunaaka ohimya? Vaareera.

419 Vano, eyo enniruuha . . . emosa enruuha waamini w’axitiithi wa anamwane; okathi ula ti “waamini w’ana otthikela w’axitiithi.” Nyuwo moorukurerya, ni moohokolowa-tho. Khamunooona entthunaaka ohimya? Munnoona entthunaaka ohimya? Eyo ettheneeri emosaru okathi wothene. Etthu emosaru, Mutthaka mmosaru, etthu emosaru-tho. Yootthika.

420 Ni munsuwela sayi ephiro xeeni munrowaanyu? Kookupali wira onimoorwa okathi awo vekeekhai anrowaaya osuwela wira olumwenku khonrukunuwa. Miyo kinnaamini eyo ni murim’aka wothene. Miyo nkinaamini . . . moota xeeni siyensiya onooniheryaawe wala etthu p’itthu ekina. Awo ahooniherya itthu sinci-ene ni siyensiya nave yaahaana okumiha. Muluku ohimye wira olumwenku waaheemela . . . nsuwa. Kিনিহਿම්‍යා nsuwa naaheemela ohiya olumwenku. Moone, nsuwa. Miyo vekeekhai nkinaamini wira nsuwa . . . Miyo—miyo—miyo nkinaamini wira nsuwa niniira ele awo anihimyaaya wira ninniira. Koosuwela wira mweeri onneetta, ni kinnaamini wira n—ni nsuwa ninneetta. Munnona?

421 Masi akina wa awo aniira, “Owo aawenhe ohisuwela wa Yoxuwa, moone, ni” khwira “Owo eemenxe . . . khwira . . .” Ahe, ohimye wira “Owo eemenxe olumwenku.”

422 Miyo khwira, “Nyuwo mukileenle wira, ‘O—olumwenku waaphiyenrye-ru weemela, waamurowa w’ephakani ntoko ekomeeta.’ Munnona?” Miyo khwira, “Vano, xeeni yaakhumelenle nto?”

423 Miyo kaalavula ni Mwenye Thiess ohitto nno, muxuttiha a Bibilia exikola yuulupale; nyuwo moosuwela aari pani, masi ti yoowo aakileenle eyo. Miyo khwira, “Miyo kinaamini ele Bibilia ohimyyaawe, wira olumwenku waaheemela. . .” Miyo khwira, “Kinihimya wira, ‘*nsuwa* naaheemela.’ Yoxuwa aahimeenrye nsuwa, ‘Mweemele!’ vano nlo khweemela vale.”

424 Owo khwira, “Ahe, Owo eemenxe olumwenku, Owo oonale ohisuwela wa Yoxuwa.”

Miyo khwira, “Nyuwo mwiire siiso ni osuwela wanyu, nto.”
Munnona?

425 [Munna mmosa oniira, “Kookupali wira awo anniwerya wooniherya ni siyensiya okathi exeeni n—nsuwa neemenlyaaya.”—Mol.] Ayo, awo vo. . . Miyo kihiiwa yeeyo, nave. Ayo, anihimya wira. . . Kaahimwiiwa namasoma ittheneeri mmosa nno okathi vakhani ovinre alavulaka yeeyo, wira yaaniwerya wooniherya. Ni okathi ene yoowo awo. . . etthu yiiraneiyē aya w’ephakani awo yaaniwerya woona wira etthu yaahiraneya Wirimu ni yaahitthukula Ephareya Yooxeerya okathi uwo n’itthu. Awo ahooniherya sothene iyo. Ahe, munna, kinimooleelani, ittheneeri ottaiwene saana nipuro nlo siiraka etthu siiso okathi uwo. Nnakhala vo, eyo ti yoowiixerya wa hiyo.

426 Tivo, vano, mwaha wa yeeyo Mutthaka ola. . . Mutthaka ola ohaana okhala woowehiwa mwa nttittimiho nenla, wira olipiherye wira ti siiso. Vano, hiyo noosuwela, axinna, wira mutthu khokhanle okhalaka Muluku. Mutthu, nnakhala vo owo muluku, khula mmosa a nyuwo mwa muluku. Mpakiwe wira mukhale muluku, masi kahi muryeene mwekumini yeela. Munnona? Yesu aari mutthu siiso ntoko hiyo siryaahu, masi Muluku aari mwa Yoowo. Omalela wa Muluku waari mwa Yoowo; hiyo nirina Erooho ni mphimo.

427 Masi okhalaka wira Waarya nno ohoorwa, ni vakhala wira owo Waarya w’ekeekhai wira olaleerye Mutthaka Yohani Mpatisa aalaleenryaawe, ntoko Owo sihimaly’awe wira ole aahiira omuro wu. . . Nto nwehe paahi, vaaweryaneya sayi—vaaweryaneya sayi okhala etthu ekina? Kiweheni miyo, moone, nkirina hata elavulelo y’osoma. Okathi Owo okilenlyaawe itthu saarowa okhumelela, khiyaavo hata emosa wa seiyo sivonnye. Khiyaavo hata emosa etonko ovonyeya. Nkawehani etthu Owo iiralyaawe. Nkawehani, Owo hata ookhalana. . .

428 Ni miyo kaahaaleela axinna, khalayi miyaakha sivinre, nkisuwenle taani aarowa okhala muulupalexā wa hiyo, masi kaahaaleela itthu iya, sa woona Waarya nno ni nikhuli xeeni Owo waaryaaya, ni sothene. Vano elatarato ennooniherya wira ekeekhai. Itthu iya sothene soohiyana-hiyana sinnooniherya okhala ekeekhai. Eyo ekeekhai? Ahe, nto, yakhala ekeekhai. . . Ni ola Waarya.

429 Vano, nipacerye ntoko xexe. . . [Nipuro vahiitthu mufiitani—Mol.] . . . vasulu va eversiikulu 35 iyo vo, ahiiso kinihimya e. . . Nrowe nipacerye versiikulu 14, munna. T’ani okhunlale? Vaareera. Mpacerye ntoko versiikulu 14 ya kapiitulu 3 ya Luka Oowaarya vo. [Munna mmosa onimusoma Luka 3:14-16.]

[Ni asurtaatu yaahimukoha, yiiraka, Ankhi hiyo niireke-ni? Owo aahaahimeerya wira, Muhimuhaaxe mutthu, hata muhimootherye mutthu; ni mutteeliweke murima ni ele enaakhelaanyu.]

[Nto atthu yaanilipelela, ni atthu othene yaanimwaanyiherya mmurimani mwaya, Yohani, sinto owo aari Kristu, wala nnari;]

[Yohani ahaakhula, awiirelaka othene aya wira, vekeekhai miyo kinoopatisani ni maasi; masi onnoorwa ole oowerya okivikana miyo, yoowo kihiniphwanelaaka otaphula mikhoyi sa isapato sawe: owo onimoopatisani ni Erooho Yoowaarya ni mooro:]

430 Vaareera. Yaari exeeni iyo? Atthu yaaniwehererya vanci-ene okhumelela wa Mesiya, okathi awo yoonalyaaya mutek’ola muulupale woottikittheliwa, wa mulopwana mmosa akhumaka mothakoni ni akhalanaka ekampaanya awe ni atthikelaka mothakoni, atthu anci-ene, yaari anammuthara awe, yiirale, “Owo ti Mesiya.” Awo yaawehererya yeeyo, moone.

431 Vano ola wakhala Mutthaka w’ekeekhai wa Muluku onihoolela Orwa, wa Yohani Mpatisa, etthu emosaru. . . ntoko etthu emosaru, Mutthaka w’Eliya, ohaana otthokeleliwa enamuna emosaru. Munnona? Tivo eyo ennaakhula yookoha eyo, kinoona wira, oratteene. Munnona? Ohaana otthokeleliwa enamuna emosaru. Munnona?

432 [Munna mmosa onookoha, “Yookhala etthu ekhanlyaahu othokoreryaka wira niire wira niphavele omukhaliherya mutthu aarowa—aarowa wiikeliha mu—mukhottoni siiso? Wala exeeni naakhalyaahu wiiraka?”—Mol.] Khiyaarowa okhala etthu, khiyaavo etthu mukhanlyaanyu wiiraka. [“Muupuwelo woonanara. . . Vaamuweryaneya eyo ophiyerya muupuwelo woonanara?”] Ahe, yaamuphiyerya muupuwelo woonanara yaaphiyenrye—ru ela: vakhanle wira mulopwan’owo, yoowo aahimeriwa ela, aahikhalela onamoona wira aari Mesiya, vano naamusuwela wira owo aarowa okhala kristu oowootha. Munnona?

433 Moone, vakhalaru wira mutthu mwaneene, onookhala voopuroni vawe, moone. Ntoko awo yaamuhimenry’aya Yohani, kha. . . Khenihimya etthu vo ya owo ahimiyaka etthu p’itthu mwaha w’awo. Awo yaari—awo yaari a—atthu, a—aKristu oophenteya yaawo. . . ahiiso alipa-oowaamini yaamwaamini Yohani.

434 Awo yiirale, “Mulopwan’ola vekeekhai profeta a Muluku, khiwaavo ohoverya.” Awo khwira, “Kha—kha—kha—kha—khamuhiyo Profeta yoowo?”

Owo khwira, “Nnari.”

435 Owo khwira, “Vano, kha—kha—nyuwo khamuhiyo Mesiya?” Moone, awo—awo yoona wira vekeekhai owo aari yoowo. Munnona?

Owo khwira, “Nnari.” Munnona?

“Kha—kha—khamuhiyo? T’ani—nyuwo mw’ani?”

Owo khwira, “Miyo ki nsu na ole onikhuwela mothakoni.”

436 Vano nto Bibilia ohimnye wira, “Atthu awehereryaka vanci-ene.” yaari aani awo? Anammwiiwa awe, alipa-oonwiriya awe, anammutthara, axinn’awe. Munnona? Vano, awo khayaatthuna omunanariha, awo khiyeererya omunanariha. Masi, moone, awo—awo yuupuwela mmurimani mwaya wira vekeekhai ole aari Mesiya.

437 Ahe, vano, yookhumelela ehaana otthikela khula okathi. Hiyo noosuwela eyo. Ehaana otthikela mmansaya.

438 Ntoko omukuxa Matewu 3 vo, ohimnye wira, “Wira emaliheriwe, ele yaahimmwe ni profeta, ‘wEjitu koomwiihana mwan’aka.’” Vano, eyo khayaari. . . Eyo yaamuhimya Yesu, Mwaana; masi mwaweha vale yoohimya; aari Yakope, mwaana, nave. Munnona? Munnona? Erina ihimyeryo piili.

439 Tivo vano vakhala wira eyo. . . e—etthu iyo yahaakhumelenle, miyo nlelo kaamuhimya wira yaahaana okhumelela ohoolo, okhala wira miyo koosuwela wira Mutthak’ola onkhuma wa Muluku ni t’onimuhoolela Kristu, ni eyo Erooho ni owerya wa Eliya okhala wira eri wira yuuluule mirima s’ana. Khula etthu enniliherya voolikana-ene, tivo voohitthyaweya yaamuphiyerya opakeya etthu yoolikana eriyari ya atthu eekeekhai, ale—ale anaamini vekeekhai ni axinn’inyu ni apatthani.

440 Vano, miyo kaahikhalana. . . Miyo kihaana tothoro mmosa opooma nno. Miyo kinoowerya wooleelani tothoro mmosa. . . Nkinrowa wooleelani ti pani, mpatthani aka aakipatinkhe, khwira, “Billy, yaamukhala yookhweya miyo wooleelani, ‘nyuwo mwa Mesiya a Muluku a nihiku nookiserya.’” Munnona?

Miyo khwira, “Doc, muhimiyeke yeeyo.”

441 Owo khwira, “Ahe, nkimmoona hata mutthu mulaponi otonko okhalana etthu n’uhimya itthu ni wira itthu siniiraanyu, Billy.” Eyo yoomukhaliherya vanci-ene, moone. Owo khwira, “Miyo kinnirowa ikereja iya ni owoona alaleyi ala ni itthu siiso,” owo khwira, “nyuwo moovirikana n’awo ni miyo koosuwela wira khimusomme.” Munnona? “Ni miyo koosuwela wira nyuwo

khamuhiyo napisikoloxiia, okhala wira nyuwo . . . pisikoloxiia kheniira itthu iyo.” Munnona?

Nto miyo khwira, “Eyo ekeekhai, totori.”

⁴⁴² Khivantthuneya olavula n’uwo okhala wira owo hata khonsuwela, khimukhanle ophiyerya mulipiheryo woopacerya ni yoowo, moone, okhala wira owo khonsuwela etthu yo wira. Masi ti yeeyo, moone.

⁴⁴³ Miyo kinnimusuwela muthiyana mmosa ooriipa onkhala ephiro emosaru ni miyo, ni oninvarela muteko mulopwana mukina kimmusuwelaaka, nto mwaara a mulopwan’ola aarookiihana, khwira, “Muthiyan’ole vekeekhai onimookokhorelani ntoko muluku, okhala wira aamookhwa ni kankuru vano nyuwo khumwiixatherya matata muthiyan’ole khwira wira owo aari . . .” Muthiyan’ola owo oninvarelaawe muteko, iy’awe ni tothoro ola (kahi tothoro miyo kaamuhimy’aka, tothoro mukina) animuttikha kolfi ni wira itthu vamosa, ni owo aaroomuhiya oohiroromela. Ni owo aari namuteko a mpatthani awe, aamuhiyale wira akhwe, nto owo khuvonihiwa voomalela. Vano tothoro hata khaawenrye ophwanya nlepa naya, na kankuru. Ni, moone, owo aamwiira . . .

⁴⁴⁴ Vano, awo khanihimya eyo mwa enamuna miyo kinoonaaka wira awo annihimya wala hiyo ninkuxaahu yeeyo. Munnona? Awo anihimya wira awo—awo . . . Awo anihimya wira annaamini wira Muluku ori ni hiyo, mwa hiyo, ovaraka muteko mwa hiyo; kahi wira mutthu ti Muluku, moone. Vano, awo yaanisuwela wira Yohani aari mutthu paahi.

⁴⁴⁵ Ni Yesu aari mutthu paahi. Yesu aari mutthu paahi, Owo aayariwe ni muthiyana, aahaana okhwa. Eyo ekeekhai? Owo aari mutthu, aahaana olya n’uwurya, ni aahivoliwa etala, aahikhuwela, ni nthona, ni itthu sothene, mutthu ntoko nyuwo siryaanyu, mutthu ntoko miyo siryaaka. Masi Erooho ya Muluku yaari mwa Yoowo voomalela, yoohikhalana mphimo. Owo aari oowerya sothene mwa owerya.

⁴⁴⁶ Vaavo, Eliya aaryaawe epantte ya Erooho yeeyo; khino oottikittheliwa vakhani waavikana axinn’awe, masi owo aari epantte ya Erooho paahi. Masi atthu yaamuwehererya Mesiya. Ni yaahoono epantte ela waavikana axinn’aya, awo yiirale, “Oh, wulu, ola ohaana okhala Yoowo!”

⁴⁴⁷ Masi okathi Owo opaceny’awe waarya, muthuko mukhaani wa Yohani waahittipha. Munnona?

⁴⁴⁸ Vano mithuko iya sikhaani sinoolakaseya Owo aarwaaka, Kristu ule muulupale oottikittheliwa a Wirimu aarwaaka ovenya onikhuma nsuwa mpakha onkela nsuwa. Ni e . . . ni . . . Munnona? Masi Owo khonrowa okhala elapo ya vathi vano, Mesiya khonrowa okhala elapo ya vathi mpakha eMileenyu okhalihwiwa. Munnona? Munnona? Okhala wira Ekereja, “hiyo ninrowa

okuxiwa vamosa wira nakumane n'Apwiya osulu." Owo khonrwa elapo ya vathi. Owo onimukuxa Mwaakameliwa Awe.

449 Owo onkuxa exikatta, moosuwela, ntoko... Yaari exeeni erumelo ele, Leo, vaavo mulopwan'ole aahenle-awe exikatta oloomoni wa empa? Romeo ni Julieta. Ti yeeyo, aawenle exikatta khumwiiya mwaakameliwa awe.

450 Vano Owo onikhuruwa ni exikatta ya Yakope, aire, "Psst, Oophentiwa, rwaakani." Moone, ninrowa owela nakumane ni Yoowo.

451 [Munna mmosa onookoha, "Munna Branham, ela nto yaamukhala yoolikana ni eyo? Atthu ala yaamurweenle Yohani Mpatisa ni yaathuna omwiihana owo Mesiya. Ni miyo koowiiwani emaaara emosa wira muYuta onuupuwela wira Mesiya Mulukuu."—Mol.] Munihimya exeeni? ["Kinihimya wira, atthu ala yaahirwa wa Yohani Mpatisa, yuupuwelaka wira owo aari Mesiya, Kristu. Miyo koowiiwani nyuwo ohimya emaaara emosa wira Mesiya aarowa okhala Muluku, wa aYuta."] Ayo, mulopwana. Ti yeeyo, "rabbi."

452 [Munna mmosa oniira, "Ahe, Yohani aahaapwapwela, ahimiyaka wira 'khaari,' yoowo wira Kristu aamoorwa."—Mol.] Ti yeeyo. ["Masi kahi ekeekhai wira awiixutti yaamwiihanne Yesu 'Pwiya'? Ni Yesu aahikupali yeeyo, airaka, 'Nyuwo munikiihana "Pwiya," ni ka yoowo.""] Ayo. ["Mwa—mwa Yohani 13, vaavo Owo aarapihalyaawe...?...""] Ayo, Owo aahikupali iyo. ["Aryeene Pwiya, ayo, Owo aahikupali."] Owo aahikupali. ["Owo aahikupali."] Uh-huh. Masi, moone, Yesu oryeene *Pwiya*, okathi Owo aakohiwaawe vakhala wira Owo aari yoowo, Owo iirale, "Ayo, mulopwana. Miyo k'Apwiya anyu ni Mwiixuttihi. Nyuwo munnikiihana yeeyo, ni munnihimya saana, okhala wira ka yoowo." Masi... ["Masi khonakhaleke hata mutthu aarowa, wira..."] aawerya ohimya yeeyo. Nnari.

453 Ntoko vaakhanle wira eyo... Vaakhanle wira mutthu aamuhimya wira miyo ka mulukuu, ahe, mukihye kooleleni mwa Nsina na Pwiya Yesu wira "Iwo ovonyaa!" Munnona? Miyo ka natampi koopoliwe ni mahala, ni Mutthaka onkhuma *wa* Muluku. Munnona? Munnona?

124. Yaahaana wala khiyaarina ekereja waakhapelelaka awaya, sawaya—sawaya (sawaya) miteko saya sa vaavo ehinatthi okhapelela soophavela sa akina ilapo sikina? Nave, nuumala eyo...sawaya... Nuumala okhapelela soophavela saya, eyo ti Yoolempwa wa ekereja ya vaavo wira ekhaliherye muteko wa omisionariyo ntoko enweryaaya?

454 Ayo. Voolikana. Oreera murima ompacerya owaani, moone. Hiyo—hiyo—hiyo ninnikhapelela soothuna sahu va, okhala wira naamukhalana...ela ekereja ya Muluku, wala khula, ekerej'anyu yaamukhaani, ekereja ya Muluku. Vano, nyuwo

mwaahiweryeke hata omuliva pastore anyu, khimunwerya hata othuma iliivuru sa masipo n'itthu siiso, khimwaakhanle ooveleelihaka nipuro nikina. Munnona? Masi nto nuumala oliva sa ekereja, ni itthu sothene, iteeni sanyu sothene ni itthu sothene, soolokiheriwa ni soolikana, vano mmukhaliheryeke munna owo mukina ontthuna mukhaliheryo mwaamukhaani ottaiwene, moone. Okhalana vakhani. . .

⁴⁵⁵ Kookupali wira, okathi. . .mwaalivaka soolokihiwa mukereja mwanu ni miyo kaamukhalana musurukhu vakhani nipuro nlo wa muteko wa omisiyonaariyu atthu yoonaru wira annitthuna ovaherya muteko wa omisiyonaariyu. Okhala wira atthu anci-ene anoovaherya muteko wa omisiyonaariyu nave ehivahaka ikereja sa vaavo n'itthu siiso. Tivo awo yaahivaheryeke muteko wa omisiyonaariyu, anoovarela etthu ekina. Vano miyo kaamuhimya wira nikhalaniwe nivuku naamukhaani na muteko wa omisiyonaariyu, ni miyo. . .Eyo t'inamuna emphavelaahu wira.

125. Luka 1:17, xontte mulakiherye Yohani orwaaka mwa “erooho ya Eliya.”

⁴⁵⁶ Ahe, kinoona wira ninoomalaru Luka—Luka 1:17, uh-huh, arwaaka mwa “erooho ya Eliya.”

⁴⁵⁷ [Munna mmosa onookoha, “Ti vaavo alipa anaamini wira mutthu akhwa onniyariwa-tho mw'erutthuni ekina ankumihaaya-vo mwiixuttiho aya?”—Mol.] Muswaamaha? [“Ti vaavo alipa anaamini wira mutthu akhwa onniyariwa-tho mw'erutthuni ekina amphwanyaaya-vo eyuupuwelelo aya?”] Ohaana okhala. [“Moone, awo anaamini wira owo aarootthika. . .”] Ayo. [“. . .owo aarootthika ni erutthu ekina] Ayo, moone, ekeekhaii wira erooho khenkhwa. Eyo ekeekhaii. Muluku onimukuxa mutthu Awe masi kahi Erooho Awe. [“Awo aniira, 'Nyuwo mwakhalaru ooreera murima munootthika mwa—mwa mutthu mmosa ooreera murima.”] Ayo. Ayo. [“Vakhala wira mwaari ootakhala khino munootthika muhina mwa mwalapwa.”] Ayo, awo ahaana. . .Ayo.

⁴⁵⁸ Ahe, vano, ntoko o—o—oHintiya wu, naari nnikhuru n'atthu vaavo naathukumanne ahu siisa, ni awo ya—awo hata yaanikukuttha vathi; yoovaka onyakela ineneele wala etthu, khino aamwiira okhanle mmusi wala etthu siiso. Moone, awo khayiira. Masi, nyuwo moone, eyo e—eyo ti y'epakau. Munnona? Eyo ti y'epakau. Eyo ekeekhaii.

126. Paulo ohimye wira. . .Paulo ohimye wira “Mulipiheryeke ophavela soovaha sooreeraxa, nave-tho kinoowooniheryani ephiro yootepaxa oreera.” Xontte muleeliherye ele ekhanle “ephiro yootepaxa oreera.”

⁴⁵⁹ Ophenta, aKorinto Oopacerya 13, moone. “Mulipiheryeke. . .” Mphaveleke toko. . .Vano mwaakhunle aKorinto Oopacerya 13 vo, munna. Akorinto Oopacerya,

kapiitulu 13, nto vano musome paahi iversiikulu tthaaru wala xexe sookiserya. aKorinto Oopacerya 13, sookiserya... iversiikulu tthaaru sookiserya sa ekapiitulu—ya ekap... [Munna mmosa onaasoma aKorinto Oopacerya 13:11-13—Mol.]

[Okathi waaryaaka mwanamwane, kaalavula ntoko mwanamwane, kaatthokelela ntoko mwanamwane, kuupuwela ntoko mwanamwane: masi vannuwalyaaka, itthu sa enamwane koohiya.]

[Okhala wira vano ninoona ntoko muloolani, vooripela; masi nto ninrowa omoona niitho nniitho: vano kinsuwela mwa epante; masi nto kinrowa omusuwela ntoko miyo...ntoko sinsuweliwaaka.]

[Tthiri vano ohaleke waamini, ororomela, ni ophenta; iya tthaaru masi yuulupalexa ophenta.]

Uh-huh, ophenta, munnona?

127. Aarowa opwapweliwa sayi munna ottettheya wawe okhanle okhala voopuroni mukereja ohivekeliwe wira okhale?

Oh, wulu! Ahe, nvilele ni yoowo, woona waka. Munnona?

Aarowa opwapweliwa sayi munna...(Owo khaakhanle opwapweliwaka!) **...yoowo—yoowo otteettheya wawe okhanle okhala voopuroni mukereja ohivekeliwe wira akhale?**

⁴⁶⁰ Mwa nlikanyiho, owo aatthunne-ru o—okhala tiyaakono. Munnona? Nave khovekeliwe wira akhale, nnakhala vo owo ontthuna okhala tiyaakono khula enamuna, moone. Ahe, mutthu akhala siiso, moosuwela wira yookhala etthu yaamukhaani, moosuwela, yootteettheya nipuro nlo, khula enamuna, nto miyo kaamulavula ni yoowo ni mphento.

⁴⁶¹ Ni, vekeekhai, nyuwo khamuntthuna wi—wira etthu siiso vahikhanle wira munoosuwela oratteene. Mwaahela atthu oophwanelaxa sinwery'anyu munikhuruni mwanu wa akhulupale, moone, siiso. Munna, muhimuhele hata mutthu mmo o...Mmwehererye mutthu uwo, toko. Tiyaakono ookhalana othokoreryaxa onvikana pastore. Owo ohaana okhala oohikhalana nlepa, tiyaakono. Munnona?

128. Vamutekoni wa ekomunyawu, mulopwana mmosa aahirwa waltaari wira ovekele. Munna Branham eemenle ottuli wa—wa itthu sa ekomunyawu okathi saavahiwaaya, owo khwira wira “khaakhanle okhumaka vale wira avekele ni mulopwan’ole waltaari.” Xontte mulakiherye.

⁴⁶² Miyo kaahimuruma muxirikha, moone, Munna Neville. Kinnuupuwela ohiyu yaairaneiyeye-aya. Kihaana okhala ni meesa awo a ekomunyawu, moone, hata okathi...Nkawehani va. Vano, nkirina okathi w’okela mwa yeela. Ookhala mutthu okilaanthe va okohale, vekeekhai. Ola ti mwaha ene, munna.

Okathi—nyuwo mwaakhalanaka ekomunyawu, eyo ethoonyeryo ya erutthu ya Yesu Kristu. Vaamuweryaneya okhala... Ehaana owehiwa saana okathi wothene.

⁴⁶³ Nkawehani, okathi Eliya aamuhimenry'awe—Gehazi, “Mmukuxe ttootto aka” (owo aahimureeriha ttootto owo), owo iirale, “mutthareke ephiro anyu. Nto mutthu alavula, muhaakhule. Mutthu ookhomasani, muhimukhomase. Rowakani, mwampweherye ttootto owo mwaana.” Eyo ekeekhahi? “Mukhale ni ttootto yoowo!” Munnona? Nto ti yeeyo kiiraaka.

⁴⁶⁴ Vano, ahaakhanle pastore muxirikha va, eemenle-ene vale...Miyo kaahimaliha olaleya. Kinnuupuwela okathi yaaireiye-aya. Nto miyo...vakhala wira awo...Munna Neville aheemenle-ru va, wala mutthu wira amukhaliherye mulopwan'ole waltaari...Miyo kaammalaru olaleya, tivo miyo keemenle vameesa va ekomunyawu. Vano okathi waailikanyihaaya wira yaakhele ekomunyawu, ni miyo kiira—kivahaka itthu sa ekomunyawu. Munna Neville aarimweemela paahi vakhiviru ni miyo, nto miyo keettiherya ekomunyawu. Vano, Munna Neville aarimweemela vale.

⁴⁶⁵ Ankhi vaakhanle wira awo yaahirwa waltaari nto Munna Neville nlelo oryeene mmutthakani mwawe, ni alaleyaka? Miyo kaamurowa waltaari ni mulopwan'owo, vaakhanle wira aahivenya vamuthukumanoni okathi waalaley'awe, kaamurowa waltaari. Kaamoonna wira munn'aka aari...wira owo aahikhalana muttikithelo wa Erooho. Owo aamukhala alaleyaka. Owo aari murumeyi mu...owo aari mmutekoni, murumeyi mmutekoni.

⁴⁶⁶ Ni nyuwo khimwaakhanle waahiyaka olavula ilavulelo, othikileiha, wala khula enamuna, murumeyi mmutekoni. Hata, Erooho Yoowaarya enoolavula ni mutthu vano awo anathimakela waltaari wira yoopowe, mmuhiye murumeyi athikele okelela ohoolo ni muteko awe; mmuhiye pastore, tiyaakono, muxirikha, akhala muxirikha wala murumeyi mukina, mmuhiye owo arowe wa mutthu uwo naanaanoru. Ni muhimuhaaxe murumeyi mmutekoni. Munnona?

⁴⁶⁷ Ni keemenle wiithela wa meesa mmutekoni, kikawaka ekomunyawu. Nto muxirikha aka, Munna Neville, eemenle vakhiviru ni miyo. Vano mulopwana mmosa khutthimakela waltaari, miyo khwira, “Mmurowele, murowe wa yoowo, Munna Neville.” Nto Munna Neville aahirowa mpakha wa yoowo. Mwaha wa yeeyo miyo kahaaronwe aka.

⁴⁶⁸ Vano, ahaakhanle hata muxirikha va, wala etthu ekina wira emukhapelele mulopwan'ole, kaamususa ni kaamunteerya ekomunyawu, kirowe ni—koone wira munepa owo ohoopowa. Munnona? Masi okhalaka wira aahikhala mutthu wira

kimurume, eyo yaamukikumihha mmutekoni, moone, vaavo miyo kaakawaaka ekomunyawu.

129. Mpakha vaavi mutthu okhanlyaawe wiiraka... Mpakha vaavi mutthu okhanlyaawe wiiraka ntoko namuteko oomeekha aamukhaliheryaka mutthu oniphavela Erooho Yoowaarya, ni okhala mwa Soolempwa?

⁴⁶⁹ Vaareera. Mutthikele paahi mmuhimeeryaka Masu, ti etthu yooreera wira. Masu aakhalana Waarya. Mwiire paahi, “Munna, Yesu oolaiherya Yeeyo. Muupuwele, owo ti natiri Awe.”

⁴⁷⁰ Muhimuttikinye, omukakha, wala omweettiha, wala etthu. Muheererye o—o...nnari, muheereryeke onvaha Yeeyo, okhala wira khamunwerya wira. Munnona? Munnona? Nyuwo... Muluku onoonvaha. Mutthikele—tho mwaahimyaka anatiri paahi. Munnona? Mukhale vaavo oolipa mmuhimyaka natiri. “Muluku Wirimu, kininkelela munn’aka. Natiri anyu ti wii Nyuwo munoonvaha Erooho Yoowaarya.”

⁴⁷¹ Vano mwaaphavelaka omulipiherya...Owo oniira, “Oh, munna, pastore, munna,” onakhaleru pani ori vakhiviru ni yoowo, “Miyo—miyo kintthuna Erooho Yoowaarya.”

⁴⁷² “Munna, Owo natiri. Muluku oommana natiri. Munnaamini wira Owo oolaiherya? Vano, muhioverye. Mwamwaaminiru natiri, Erooho Yoowaarya enimookhuruwelani okathi p’ukathi vano. Mukhale nwehereryaka Yeeyo. Nvahererye sothene murinaanyu wa Yoowo, mwiire, ‘Pwiya, miyo kinimweemererya natiri Anyu.’”

⁴⁷³ Vano, mutthikele muhimyaka. Vano, mukhalihe wawinyu—wawinyu—mwaha anyu, moone mmuhiihe... Mutthikele muhimyaka. Mwiire vano, “Mmuleele Muluku. Vano, moorukunxa murima?”

“Ayo.”

⁴⁷⁴ “Vano mwiire, ‘Pwiya, Nyuwo moohimya wira miyo karukunxaru murima Nyuwo mwa naxariya wira munookilevelela. Nyuwo muhimmye wira karukunxa—ru murima khupatisiwa mwa Nsina na Yesu Kristu wira kileveleliwe itampi saka, kaamwaakhela Erooho Yoowaarya. Vano, Pwiya, miyo kiihira yeeyo. Miyo kiihira yeeyo, Pwiya. Miyo kiihira. Miyo kinoolipelela, Pwiya. Nyuwo moohimya yeeyo.’”

⁴⁷⁵ Moone, eyo p’inamuna, mukhale mmulipiheryaka paahi. Mmukhalihe Mmasuni. Vakhala wira Eyo enimoorwa, Eyo enimoorwa nto.

130. Mulaleyi wala khula muKristu onniira saana aahaaminiki...Nnari: Mulaleyi wala khula muKristu onniira saana aahaaminiki nrromelo Ohinimala?

⁴⁷⁶ Vano, nrowe noone. Kinnitthokelela wira “...wiira...” Moone khama munsoma ntoko sinsomaaka. Musome. [Munna

mmosa onoosoma yookoha, “Mulaleyi wala khula muKristu onniira saana aahaaminiki nrromelo Ohinimala?”—Mol.]

Koona wira kaahisoma saana. Vano, ahe, miyo. . .

Mulaleyi onniira saana aahaaminiki nrromelo Ohinimala?

477 Miyo kaamwaamini wira mulaleyi owo oniira. . .owo aahisuweleke etthu ya nrromelo Ohinimala. Masi vakhala wira owo onnisuwela ni onnisuwela wira Ekeekhaii, vano nto khuhinalaleerya Yoowo, owo aahaana wuuliwa muru mwaneene; ti yeeyo, wala khula muKristu. Vano, muKristu, vano, miyo kaamuhimya wa—wa muKristu ohinsuwela saana yeeyo nave. . .

478 [Munna mmosa onookoha, “Owo kuhiyo mwiixuttiho wootthukuwa, ti siiso, Munna Branham, wira olaleeriweke athu ahinatoko. . .?”—Mol.] Nnari, nnari, nnari. Vano, ti yeeyo kaarowaaka ophiyerya. Ayo. Munnona? Munnona?

479 Vano, munnuupuwela etthu kaahimmyaaka Ettiminku evinre? Nyuwo mwakhala mulaleyi, mphavele epulpitu. Mwaahikhale, mukhaleke mutthaka anyu. Moone, eyo t'namuna yooreera wira yeeyo, mukhaleke mutthaka anyu. Mwakhala mulaleyi, mphavele epulpitu, moone, murowe mwalaleye. Mwaahikhale, mukhaleke paahi mutthaka anyu, muhiye makhalelo anyu akhale epulpitu anyu. Munnona? Miyo kinoona wira eyo ennihimyaxa, khamunaamini? Munnona? Munnona? Okhala wira imaara sinci-ene ninniphwanya wira. . .Ni nyuwo axinna mwiireke yeeyo mukereja mwanyu.

480 Muupuwele, alipa-ookhalela anyu imaara sikina aneererya otaphulela itthu ni wira itthu, vanreerela nyuwo nwiixuttihe wira ahiireke yeeyo. Ni akhala mutthu onthuna osuwela etthu, arwe wa ole. . .ole okhanle ooxuttihiwa wira aire. Munnoona?

481 Muniira, ahe, vano, ntoko mutthu aarowa wira, “Eyi, miyo kinimooleelani. . .Kinileliwa wira, nyuwo okereja wanyu munnaamini nrromelo Ohinimala.”

482 Vano, vanreerela nwehe. Alakela nyuwo munimwiitepanya muhinatoko anyu wira, moone, ni omukhalihia ootepa sihinatoko awe. Mwiire, “Miyo kinimooleelani, murwe mmukohe pastore ahu, moone. Nyuwo—nyuwo murowe mwalavule ni yoowo, moone. Hiyo. . .Eyo ekeekhaii, miyo koosuwela wira pastore ahu onnaamini yeeyo. Ni miyo kinnaamini, masi nkinwerya okhaliherya. . .Miyo nkihiyo mulaleyi. Miyo kinimwaamini paahi, eyo ti yothene ensuwelaaka. Miyo kinnaamini okhala wira koomwiiwa olakiheryaka mBibiliani, wahaakhanlyaaya hata ohoverya wa miyo.” Munnona?

483 Masi vanreerela e—vanreerela mulipa-ookhalela alavule ni pastore yeeyo. Ni, pastore, mukupali wira onnisuwela moota wo waakhula, nave. Tivo musome oratteenexa, okhala wira imaara sinci-ene awo animootthukwani mwa yeeyo, moone. Exeeni. . .

484 [Munna mmosa oniira, “Munna Branham?”—Mol.] Mukilevelele. [“Miyo kookupali vakhani, masi miyo—miyo koosuwela wiihaniwa waka ni kookhalaha othanla waka woolipa.”] Uh-huh. [“Nyuwo munoomalaru ohimya wira ‘Mwakhala mulaleyi, muhaana okhalana epulpitu.’”] Ayo, mulopwana. Eyo ekeekhaii. [“Miyo nkhiyo mulaleyi, miyo ka namalaleya ehapari.”] Ayo mulopwana. [“Masi epulpitu ya atthu othene ti yawaka.”] Ti yeeyo. [“Masi naanaano va miyo kinvara muteko, muteko wa erutthu. Kuhiyo muteko woolipa, masi kinvara muteko, ni miyo nkirina epulpitu. Ni kookupali wira ehuhu ila ya muteko kiryaaka-mo eri mwa otthuna w’Apwiya. Awo aakileela wira kiireke, mwa Masu ni onamoona wa Erooho. Ni kookupali wira, ohoolo waya, ipulpitu iyo sinootthukuwa.”] Vekeekhai, ti yeeyo. [“Eyo ekeekhaii?”] Ti yeeyo, munna.

485 Munna, vano, mwarowaru ottuli nno mphwanya elepeliwo ya khalayi ya ekereja, munoosuwela wira koorumeela ekereja ela iyaakha muloko ni thanu na piili, ni koolaleerya mahiku othene, koolaleerya mahiku othene ni ovara muteko mahiku othene. Munnona? [Munna mmosa oniira, “Nyuwo mwaavaraka muteko, eyo ethoonyeryo yooreera wira *muhiihaniwa*.”—Mol.] Ayo. Paulo aanivara muteko, kahi siiso? Paulo aapakaka iheema. [“Miyo kaahalela okhala oovolola okhala wira, ntoko sihimalyaanyu, wira khakhala mulaleyi, kaahaana okhalana epulpitu. Miyo. . . kaahalela okhala oovolola, masi koosuwela wira Muluku okiitthanenle ovara muteko, mwa ehuhu emosa.”] Vekeekhai. Paulo aahirowa khupaka iheema, owo khaapanke? Aavara muteko ni matat’awe wira ahikhale o. . . Eyo ekeekhaii. Vekeekhai. [“Ayo, oh, ahe, ti vaavo kiphwannyaaka-vo, wa Paulo.”] Hmm. Ti yeeyo. Munnona? John Wesley iirale, “Olumwenku ti eparookiya aka.” Vano epulpitu anyu nlelo ti yoothukuwa, munna. Anamalaleya anrowa mulaponi mothene. Eyo kahi ekeekhaii? “Vano murowe mulaponi mothene.” Vano epulpitu anyu ti olumwenku wothene. Ayo, mulopwana.

Yookoha:

131. Ti voophaveleya, v-o-o-p-h-. . . Ti voophaveleya wira tiyaakono wala atiministratoore ohaana okhala muhina mwa mwiixuttiho wa ekereja aya? Ayo. Ti yeeyo. Ti yooreerela awo waacererya wala okumiha etthu ya miixuttiho saya mwaha wa muupuwelo aya mmansaya wala muupululo? Nnari, mulopwana. Nnari.

486 Tiyaakono wala atiministaratoore aahaana okhala owiiwanana saana ni mwi—ni mwiixuttiho wa ekereja aya. Awo ahaana okhala voolikana-ene ni otaphuleliwa wa Soolempwa wa ekereja aya, okhala wira, awo yaahikhale, awo anoowana evirikanyihaka etthu ene yeeyo. Awo ani—awo animwiivulaliha. Munnona? Nyuwo munwanana. . .

487 Ti, moolumo makina, ntoko wira—vaakhanle wira kinihimya

wira kinnaaphenta amusi aka nave khunaphavela waavaha eveneno wira alye. Moone, etthu emosaru. Moone, nyuwo khamukhanle wiiraka yeeyo, nyuwo . . .

⁴⁸⁸ A—atiministaratoore wala tiyaakono yaakelaka muteko aya, wala khula mukhulupale a ekereja onthoonyerya erutthu khata ya ekereja, moone, onthoonyerya ekereja.

⁴⁸⁹ Tivo miyo kikhumme aka okereja Patista, moone, emaara yoopacerya. Miyo kaakhanle mmwe okathi vakhani paahi nto awo—awo khukivekela wira kaakhalihe athiyana alaleyi. Ahe, nkaawerya hata okhala mmwe vekeekhai. Miyo khwira, “Miyo—miyo kinnikhootta wira.”

⁴⁹⁰ Vano pastore khukitatha. “Exeeni ila? Nyuwo mwa humu!”

⁴⁹¹ Miyo khwira, “Totori Davis, mwa nttittimiho wothene wo waamini w’ePatista, ni itthu sothene iye kikhalihiwaaka, nkaasuwela wira saari mmwiixuttihoni wa ekereja Patista waakhaliha athiyana alaleyi. Eyo yaari etthu emosa kahaaleeliwe—aka.”

Nto owo khwira, “Owo ti mwiiixuttiho wa ekerej’ela.”

⁴⁹² Miyo khwira, “Mwenye, vaamuweryaneya oswaamihiwa ohiy’ula, wala munoowerya okaakhula sookoha kamosa—kamosa?” Munnona?

⁴⁹³ Owo khwira, “Miyo kinimwaakhula sookoha sanyu.” Khwira, “Ti muteko anyu okhala vale.”

⁴⁹⁴ Miyo khwira, “Ti yeeyo, mulopwana. Ti yeeyo. Kihaana wira mpante mwa khula etthu ekereja ela eniiraaya. Kiri muhina mwa muteko, mmosa wa ahumu a vaava.” Nto owo khwira . . . Miyo khwira, “Mwaamuwerya okileeliherya xeeni mwa aKorinto Oopacerya 14 wala 15 vale, vaavo Paulo ohimmyaawe wira, ‘Athiyana ekhaleke oomaala mukereja, awo khandthunihiwa olavula.’”

⁴⁹⁵ Nto owo khwira, “Vano, vekeekhai!” Owo khwira, “Vakhala wira . . . kinoowerya waakhula eyo.” Owo khwira, “Moone, yaari wira,” khwira, “Paulo ohimmye wira . . . Othene—athiyana othene yaakilaanthe ottuli munloothoni, evaanelaka ntoko siirakaaya imaara sinci-ene. Owo iirale, ‘Muhaahiye yiiraka siiso.’ Munnona?”

⁴⁹⁶ Nto miyo khwira, “Vano mukileeliherye Timoteyo Aneili, vaavo Paulo ohimmyaawe wira, nave-tho, mulipa-oolepa mmosaru yoowo, murummwa mmosaru, ohimmyaawe, ‘Nkinimutthuniherya muthiyana wiixuttiha wala okhalana oruma, moone, masi a—akhaleke oowiiwelela. Okhala wira Atamu t’opacerye opattuxiwa vano khunarwa Hawa, ni Atamu khootohiwe nave muthiyana tootohiwe.’ Owo tootohiwe. Vano, miyo nkinihimya wira onthhuna wira etthu yoonanara, masi owo t’owootoohiwa vekeekhai mwa yeeyo. Owo ohikhaleke mwiiixuttihi.”

Owo khwira, “Owo muupuwelo anyu mmansinyu?”

497 Miyo khwira, “Owo ti muupuwelo wa Yoolempwa wa enamuna aka yo wona. Ti yeeyo Bibilia ohimmyaawe.”

498 Owo khwira, “Mmiravo, vaamuweryaneya waakhiwa elisensa anyu mwaha wa yeeyo.”

499 Miyo khwira, “Kinoosyaka mulattu ene. Miyo kinoowunnyani, Totori Davis.” Miyo khwira, “Kahi ohoottittimihani . . .” Vano owo khuhaakhela, nnakhala vo. Owo khuhiya, khuhiya siiso.

500 Vano owo khukileela wira aamurowa okhalana nvaanelo ni miyo mwaha wa yeeyo. Nto miyo khwira, “Vaareera, okathi p’ukathi.” Masi owo—owo khuhiira.

501 Vano nto o—okathi vakhani ohoolo waya, nto, Apwiya valavunlyaaya ni miyo, ni mwaha wa n—Nlaikha n’Apwiya naarwiiyaaya, vano—vano owo khutheya Yeeyo, moone. Vano nto miyo—miyo kimuleela paahi, miyo khwira, “Ahe, Totori Davis, vanreerela miyo kiihuluxe yeela naanaano va, moone,” Miyo khwira, “okhala wira enoorowa okhala muritti. Miyo kinoomalaru okhalihwa mulaleyi, khula enamuna, tivo enoorowa okhala muritti wa miyo, tivo miyo vanreerela kiihuluxe naanaano va.”

502 Vano tivo vakhala wira nkaawenrye okhala mukereja Patista ni wiixuttiha mwiixuttiho w’ePatista ni weemela voolipa ni waamini w’ePatista. Kaairaleru—kaairaleru okhala wira yaari ekereja paahi, weeso kaanvonya, moone, kaamukhala kiipithihaka ethhu. Ni miyo ka—ka—miyo kakhalaru naxariya ni yoomi, kaamurowa w’athu aPatista (pastore aka wala mutthu ti mutthu aarowa owerya okileeliherya) ni waavekela nu—nuulumo na Ekumi; owo awerya—ru okooniha oratteene varyaaya mwa Soolempwa, ni okisiveleliha yookoha aka, nto kaamulavula voolikana ntoko awo sinlavulaaya, moone, nto kinookhala muPatista.

503 Mwaha wa yeeyo kikhanyaaka ootaphuwa. Mwaha wa yeeyo kihiniirelaaka mpantte wa mitthenkeso, okhala wira nkinaamini mitthenkeso. Ni kookupali wira ti yoohilempwa, okhala, mutthenkeso.

504 Tivo, miyo nkaakhanle wiiraka mpantte wa hata mutthenkeso ni wiisoona okhalihwa naxariya mwaha wo wira yeeyo. Munnona? Tivo, miyo nkiniwaakhela atthu ni waakhaliha mamempuru, ni itthu siiso, okhala wira miyo kinnaamini wira *niniyariwa* wira nikhale mamempuru, niniyariwa Mukereja mwa Muluku mukumi. Munnona?

505 Hiyo khaninfuca masina a atthu muliivuruni ni owoomola, ni sothene siiso, okhala wira kinnaamini wira owo kuhiyo wawihu—muteko ahu wira siiso. Kinaamini wira ti Muluku

onoomola. Munnona? Masi miyo kinnaamini wira ekereja, aakhanle munna mmosa aaira etthu yoovonyeya. . .

⁵⁰⁶ Mwa nlikanyiho, vaakhanle—vaakhanle wira yaamunvara Munna Neville, wala Munna Junior, wala Munna. . .munna mmosa va, mmosa wa matiyaakono wala maatiministratoore, wala etthu ekina, airaka etthu yoovonyeya, Kinnaamini wira etthu ekereja yaatthuneya wira othukumana ni onvekelela munn'ola. Owo aahiilokiherye nlelo, vano axinna aili erowe yamoone, emurowele munn'owo yamwaataanihe. Vano nto owo aahiwaakhele, vano ehimmwe ohoolo wa ekereja. Vano aahiwaakhele awo, owo p'ukathi wa ekereja yothene wira etthu nto, moone, ntoko pastore, ahumu, ni othene akina wira yiire. Miyo nkinaamini wira nikhuru na matiyakono nihaana ehaakhi y'omoomola mutthu mukereja wala nikhuru na maatiministaratoore wala khula pastore khorina ehaakhi yo wira.

⁵⁰⁷ Miyo kinoona wira vakhala wira mutthu aahaana okumihiwa moopatthanani, waarowa okhala mwaha wo weettelaka makhalelo oohiloka, wala etthu siiso, ahaarowa okhala mutthu oophwanelela, ntoko mulopwana onrwa va ni weettana aximwali ahu wala—wala waaruwana axithiyana ahu, ni itthu siiso, nave nlelo ahimyaka okhala mmosa a hiyo va. Munnona? Vano, owo aarwaaka okhuma nipuro nikina, vano, hiyo nihaana wira etthu mwaha wa yeeyo, masi, vaphiyererya mutthu ntoko yoowo, mutthu oohureya aphavelaka weettana axaar'ihu wala—wala waaruwana an'ihu axithiyana wala, moosuwela, etthu siiso, wala wira etthu yoohifayi ohoolo waya, wala waakuxa aximiravo ahu axikhaani ni waahonona, wala etthu siiso.

⁵⁰⁸ Itthu iyo saahaana owehiwa saana, vano nto mutth'uwo aahaana woomoliwa mopatthanani ni ohitthuniheriwa waakhela ekomunyawu okhala wira khanirina wiiraka yeeyo. Hiyo nihiireke. “Akhala mutthu onikhuura ahiphwanelaka, t'ottheke wa Ephome ni erutthu y'Apwiya,” siiso ni mutth'uwo.

⁵⁰⁹ Masi kinnaamini ntoko mutthu nrowe niire, “Ahe, vano, owo—owo *t'ila, ele*.” Ninvekelele. Ekeekhai.

⁵¹⁰ Nkinkhalakhala kiliyalaka, oEstokolmo, oSuweesiya, Munna Lewi Pethrus, mutthu muulupale a Muluku. Hiyo naakilaanthi vameesa, iwoora vakhani paahi nihinatthi otthikela wAmerika. Naahikhalana mithukumano suulupale iwe. Nto owo khwira, Gordon Lindsay khwira, “T'ani okhanle mulipa-oowehexaxa a erutthu ila yuulupale?” Moone, moota yaaxinttalyaaya Asempeleya a Muluku mwa ikilomo ikonto sene, moone. Khwira, “T'ani okhanle mulipa-oowehexaxa?”

Ni Lewi Pethrus okhanle mulopwana ooreera murima, nto owo khwira, “Yesu.”

Owo khwira, “T'ani akhanle ahumu anyu?”

Owo khwira, “Yesu.”

511 Owo khwira, “Miyo koosuwela wira eyo ti yoolikana,” khwira, “hiyo ninaamini etthu emosaru wa Asempeleya ahu a Muluku.” Owo khwira, “Ti yeeyo.” “Masi,” khwira, “niire, mwa nlikanyiho, mu—munna mmosa onookhuma mphironi,” khwira, “t’ani orina yoohimya yookiserya wira oomoliwe?”

Khwira, “Hiyo khanimmoomola.”

“Ahe,” khwira, “muniira exeeni?”

512 Khwira, “Hiyo ninonvekelela.” Miyo kuupuwela wira eyo yaari yooreera saana! Yaahiiweya oKristu wa miyo, “Hiyo ninonvekelela.” Khaavo onimoomola, anoonvekelela.

513 Khwira, “Ahe, nto, ankhii axinna akina yakupali,” owo khwira, “vano akina wa awo khuhinatthuna opatthana-tho ni yoowo? Omuruuha, nrowe niire pastore, moone, ole ompacerya omusivela athiyana eriyari ya . . . Moosuwela enihimyaaka, ni itthu ntoko seiyo, nave akina wa mapastore khuhinamutthuna mukereja mwaya. Nyuwo othene muniira-ni, oomoomola mmutthenkesoni mwanuyu?”

514 “Nnari.” Khwira, “Hiyo ninoomuhiya paahi khunanvekelela.” Khwira, “Hiyo khonatoko onirimeela hata mmosa mpakha va. Awo kweekwe annithikasa, mwa enamuna emosa.”

515 Owo khwira, “Ahe,” khwira, “vano, ankhii . . .” Khwira, “Ankhii akina wa awo yahimya wira annimutthuna nave akina khuhinamutthuna? Vano, ankhii yeeyo?”

516 Khwira, “Ahe, ale ammutthuna, anoomukupali; ale ahimmutthuna, kharina omukupaliki.”

517 Vano—vano miyo kinoona wira eyo enamuna yooreera okhalana, khamunaamini siiso, axinna? Nto enamuna yeeyo hiyo n’a “axinna.”

518 Vano, axinna, miyo kinwehererya wira itthu iya sihoovahani muthuko mukhaani wa yoowaakhula wala etthu siiso, wira muthukumano ahu va ohiy’ula woo—woonireerela etthu. Kinihalela okhuma vano okathi vakhani, kirowaka mmithukumanoni Onkela nsuwa. Vowiiyeviha kinnivekela mavekelo anyu.

519 Soowaakhula saka kamosa-kamosa va, khino sinci-ene saya, khino hata emosa, saari soolikana. Nkisuwenle. Masi yaari yooreeraxa kaakhanlyaaka othukumanyaka mwa enamuna aka yo wuupuwela, moone, ophavela otaphulela Yeeyo. Khino iya sookiserya, vanci-enexa, sirwiiye vookiserya, nkaarina okathi wo osoma saana. Ni nkairale paahi, iyo saari . . . Etthu enihimyaaka, iyo saari Soolempwa hiyo sinviraahu-mo va khula okathi, nihiku ti nihiku mukereja. kuupuwela wira khino saarowa okhala soolipaxa saarowa oniirihia okela mwa etthu yuulupale, masi saari ntoko sookoha sa ikereja paahi.

520 Kootteeliwa murima owoonani oolipa siiso, khiivo hata ehiiwananelo, nnakhala ohisiveleliwa, hata mawoowo. Khiyaavo yookoha yo ovaanyihana ni wira “Ti yoovonyeya, Ela ti yoovonyeya, hiyo khaninthuna.” Yaari axinna paahi yaatthuna osuwela etthu wira elipe saana, eyo ti yothene. Wira . . . ekhale oolipa, wiitthukwa—wiitthukwela musako ikaruma vootita vakhani, opurulela mwiithe mukina mwa yoowo. Kinwehererya wira ninoothukumana-tho imaara sinci-ene siisa, oreherya ikaruma.

521 Ni nyuwo muupuwele, axinna, ikaruma saka sinnitthuna oreheriwa, nave. Vano mukivekelele wa Muluku wira Muluku akikhaliherye oreherya ikaruma saka vootita, wira ki . . . kihikhale ootaphuwaxa ni itthu. Ni makhalelo kineettelaaka ni itthu kiniiraaka, kiireke ni erooho yo wiiyevihaxa, ootthunaxa wira. Ni Muluku akivahe murima wira kiire vanci-enexa ovikana sitonko aka wira khalayi. Kinoovekelelani etthu emosaru nyuwo othene. Muluku ooreeriheni.

522 Miyo kihookhalihani va okathi munci-ene, ni sinihala minuutu mithanu wira ephiye iwoora muloko ni emosa.

523 Nto vano, Munna Neville, miyo—miyo khino . . . Vano, miyo kiroosuwela wira, eri ntoko imiilya imiya thanu na xexe n’itthu nno mpakha weiwo, nkinrowa okhuma mpakha Sekunta voosiisu. Masi kintthuna kikhale vaava Ettiminku mwaha wa exikola ya Ttiminku, kinoorwa ntoko mulipa-oolattuliwa anyu wira kiwiiweni mulaleyaka, moone, Ttiminku. Munnona? Masi . . . Ahe, munna, ayo, munna. Munna Neville, ola ti mwaha ene, munna. Miyo . . . Miyo kinnoophentani ni kweekwe munnikhalaka oocaliwaxa okivaha epulpitu ntoko wira . . . ntoko wira ka humu mukhulupale wa nyuwo, wala etthu. Masi nkinatoko woona siiso, Munna Neville. Kinnoonaka wira hiyo n’axinna.

524 Munna Ruddell ni Munna Junie, ni, oh, nyuwo othene axinna ni othene anyu, hiyo n’a—hiyo n’axinna paahi vamosa, moone.

525 Masi exeeni . . . Mwaha aya, miyo kiroolala vammilo vakhani vano, moone, ni kihaana isumana thanu na mosa ohoolo sa ekhotto yoohihererya, moone. Nto miyo—miyo kintthuna paahi khino opacerya khama kinoowerya, kuupuwele wira, nuumala muthukuman’ola ohiy’ula, yaamukivaha Namathanu ni Saapatu ni Ttiminku wira kimumule, kihinatthi opacerya mithukumano wu.

526 Ni Munna Junie, kimalaka-ru otthika, emaara emosa kikelaka, kihaana orwa owoonani-tho, kintthuna kirwe. Miyo koovira okereja wanyu yaamukhaani iwe, nsana, kookupali. Amwaar’aka khwira, “Kinoona wira ele . . .” Eri waattamela muxiporoni vakhiviru wa oGlenellen Park? Kaanitthuna kiphin’ye-ene weiwe kilavula n’atthu a oSellersburg. Vaareera.

527 Munna Ruddell, mureerihwe murim'anyu. Kaanithhuna orwa, murina nikhuru nooreera n'atthu. Nyuwo munookilaathi vo ohiy'ula munaiwa siiso mwaakhelaka ntoko humu.

528 Munna Beeler vale, ti mmosa w'axinna ahu namalaleya a ehapari yooreera. Kinroromela wira okathi uwo kinoowerya okumana ni mmosa wa mithukumano sanyu nipuro nlo, munna, ni owerya okhala ntoko muupuweliho, okhalana etthu yo ohimya nipuro nlo wira kookkhaliheryeni. Miyo okathi wothene kinnikhalana nuulumo nooreera n'ohimya wa nyuwo wa khula mutthu, nyuwo ni wa Munna Stricker va, ni anamalaleya.

529 Munna Collins va, yeeyo enaamini aka wira nihiku nlo onrowa okhala murumeyi ovaraka muteko voomalela.

530 Axilopwana ari oominyala, axilopwana oominyala, axilopwana eekeekhai a waamini, Muluku akhale ni nyuwo othene, ni nyuwo matiyaakono, nyuwo maatministratoore, nyuwo axinna.

531 Miyo kookupali wira nyuwo mwa . . . Munn'ola va, nkinwerya wuupuwela nsina nawe. Nyuwo mwa . . . [Munna Caldwell oniira, "Munna Caldwell."—Mol.] Caldwell. Nyuwo mwa . . . Nyuwo mwa mmosa a mahumu wala etthu siiso, khamuhiyo, wala paahi e . . . ["Murumeyi."] Murumeyi. ["Miyo ka murumeyi. Miyo kiniira mpantte wa Ekereja ya Muluku, nkaawerya olaleya Ehapari yooreera yoomalela n'ukhala ni yaawo. Miyo nkaawerya olaleya opatiiso ni Nsina na Pwiya Yesu ni okhala ni yaawo. Miyo kaarina elisensa yuulupalexa ya orumeyi awo anvahaaya, masi miyo kikhootta. Okhuma okathi owiwwalyaakani olaleya Mitthaka iyo suulupale, miyo kiroomkhootta, kikhuma mmutthenkesoni. Vano kintthuna kikhale mmosa a nyuwo."]

532 Kooxukhuru, munna. Ninniwaakhelani moopatthanani mwahu. Ni e—ipaphelo sahu sa onamuhupi ti sa osulu. Makhalelo ahu annipaka ipaphelo sahu sa onamuhupi, moone. Iyo ti sikhlanle ipaphelo sahu. "Kaahivareke miteko s'Atithi Aka, weeso muhikaaminiki." Munnona? Ti yeeyo. Iyo ti ipaphelo sahu. Ni ntoko mutokweene . . . Ntoko Howard Cadle saahimyaakaawe, "Hiyo kharina hata nlamunlo woohikhala Ophenta, hata eliivuru woohikhala Bibilia, ni—ni hata—hata eyaaminelo woohikhala Kristu." Ti yeeyo. "Hata nlamulo woohikhala Ophenta, eyaaminelo woohikhala Kristu, eliivuru woohikhala Bibilia."

533 Ni hiyo nri—hiyo nri, Munna Cadwell, hiyo ninnitthapa okhala ni nyuwo. Nyuwo mukhumme mmutthenkesoni muulupale. Ekereja ya Muluku ya oAnderson, woona waka. [Munna Caldwell oniira "Ya oCleveland."—Mol.] Ahiiso ekereja ya oCleveland, Ekereja Pentekosite ya Muluku. ["Ni kaarumeelaka weno o . . . ? . . ."] Oh, ayo. Oh, ayo, kootoko okhala weiwe. Kookupali wira kaari weiwo ni Munna Neville . . .

ahiiso Munna Wood, emaara emosa, naahivahiwa mwalapwa ahiiso mwalapwa a mutthu mmosa aarowaka okereja wanyu weiwe. Ni miyo keemenle muxikattani kivaanelaka, ni awo yaalavula sa nyuwo. Ahe, kookupali. . . [“Okereja waka.”] Oh? [“Burns.”] Ti yeeyo, Munna Burns. Ti yeeyo [Munna Cadwell onthariha yookhumelela.] Oh? Ayo. Oh, Bertha, ti yeeyo. Oh, ti yooreera.

⁵³⁴ Munna Rook ori vale, owo pastore vano, wala namalaleya ehapari, kookupali. Eyo ekeekhaii? Wala nyuwo munoormeela? [Munna Rook oniira, “Namalaleya ehapari yooreera paahi.”—Mol.] Namalaleya. Miyo kinthuna koleleni, Munna Rook. Miyo kihiiwa sa muteko muulupale munaavarelaanyu Apwiya. Nyuwo. . . Kihiiwa wira mwaahirowa Indianapolis wala mwaarowa Indianaopolis, khukhalana miteko s’okokhorela ni khuroiha minepa s’atthu wa Kristu. Muluku akhale ni nyuwo, Munna Rook. Vekeekhai kootteeliwa murima owoonani. Koowoonani nno vataratooreni ya khalayi, nvaraka muteko, muhelaka mirette soorueriha mmatta mwanyu. Ahe, moone nyuwo mumphavela owiirela etthu Apwiya. Kootteeliwa murima Awo owiitthanani mmutekoni, mwaahere Awo ohoolo wanyu okathi wothene, munna. Muluku ooreeriheni. Muhiisakalelihe hat’etthu; masi mwiire ni erooho yoosivela munweryaanyu wiirano. Muhiye yawinyu—muhiye mutthak’anyu kweekwe okhaleke woolukiwa ni osivela wa Erooho Yoowaarya.

⁵³⁵ Ni Munna Stricker. . . [Munna mmosa oniira, “Hiyo ninnitthuna mavekelo a nyuwo othene. Hiyo ni—hiyo nimphavela opacerya ekereja oNorth Vernon.”—Mol.] Oh, kinromela wira munoowerya. Hiyo nnimoovekelelani. [“Ninniira voreera, mpakha va.”] Ti yeeyo.

Billy, munrowa opacerya liini orumeela?

⁵³⁶ Totori Goad ni Totori Mercier va, miyo—miyo—miyo kinwehererya. . . ntoko siniihananaahu mmosa ni mukhwaawe. Nto Munna Goad oophiyerya nipuro miyo. . . owo vekeekhai onniphwanela etiitulu, owo onniwerya osariha ikartuusu vano. Ayo. Ni, Munna Leo, miyo kookupali wira ninoowerya omutthuniherya orowa siiso, ni omwiihana. . . nimuhiye athikeleke okhalana etiitulu awe ya—ya “Totori.”

⁵³⁷ Ahe, “Totori” Branham, ottuli iwe, kintthuna mukhalihe yothene ela va yooreheriwa saana, ni aluuxu epattaka orateenexa. Ni—ni kinimooleelani etthu, naakhalanaka muthukumano w’omeekha miyo kinoolavula nnikhuru na makhulupale yoone khama khakhanle woovahakani etthu ekina tho wira mureherye [Munna Branham onotheya—Mol.], wa muteko muulupale munvaraanyu nvelaka ni mukelihaka ni mukumihaka, ni eyo enimootteelihani murima.

⁵³⁸ Totori Wood. Miyo kinimwiihana “Totori,” Kinoona wira munniikoha mwaha wa xeeni. Nkinimwiihana voonanara,

owo onniphaca matoro kapatti-kapatti, moosuwela. Apwiya anninnuwiha mwiri wooreera, nto owo onimuuha n'upakela empa ni yoowo. Nkinatoko woona etthu siiso, tivo kihaana omwiihana "Totori."

⁵³⁹ Munna Taylor, nyuwo nlelo munkhala oororomeleya vamukhora, wira mwaavahe opuro atthu. Miyo kiniwuupuwelani siisa, "Miyo kaamuthanla okhala ntthatto vamukhora mpaani mw'Apwiya ohikhanle okhala muheemani n'ale ootakhala." Eyo ekeekhai, mulopwana.

⁵⁴⁰ Munna Hickerson, munoomalaru opacerya Ephiro, ni munimweetta, murowaka. Kinootthunelani...miyo... Mpacenrye Mphironi, murowaka, vekeekhai miyo kinnixankela exariya anyu ni sothene siniwiirelaanyu Apwiya Yesu. Muluku ooreeriheni mahiku othene ni ookhaliheni tiyaaakono eekeekhai, munna, yeeyo enaamini ahu wira mwa yoowo, etthoko anyu yoowiiwelela ni sothene murinaanyu.

⁵⁴¹ Munna Fred, khamunkhalaka ni hiyo okathi munci-ene, murwaaka okhuma oCanada. Hiyo khamnoona-tho wira mwa muCanada, ninoona wira mwa nawetta ni mmalapo ni hiyo, munn'ihu, ntoko atiministratoore. Nyuwo ni Munna Wood, ni nyuwo munrumeela muteko anyu vooreerela ni Munna Roberson, ni akina aya; Munna Egan, owo khokhanle va ohiy'ula.

⁵⁴² Ni Munna Roberson, nyuwo munnikhalaka mu-mukhaliheryo w'eekeekhai wa miyo, Munna Roberson vamosa n'akina, mwa mwaha ola wa mpoosito okathi waathokosiwaaka.



61-0112 Sookoha ni Soowaakhula
Branham Tabernacle
Jeffersonville, Indiana wAmerika

EMAKHUWA

©2023 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Olopola mwaha wa ihaakhi sa mwaneene

Ihaakhi sothene sinnaakiheriwa. Eliivuru ila pooti otthittiwa owaani wira mutthu arumeele wala okaiwa, voohilinwa etthu, ntoko ekaruma y'olaleerya Ehapari yooreera ya Yesu Kristu. Eliivuru ila ehitumihiweke, otthittiwa eyaattelo yuulupale, oheliwa muwepisaiti, oheliwa moothukumanyiwa wira ekuxiwe-tho, otaphuleliwa ni mattaava makina, wala orumeeliwa wira ophwanyiwe musurukhu vahikhanle n'utthuniheriwa woolempwa ni Voice Of God Recordings®.

Mwaaphavelaka wiiwa-tho wala ikaruma sikina sikhhanle, xontte mulavule ni:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org